

8(Ф. 2) = 632.1/6

к-959

ПАВЕЛ КУЧИЯК

АЛТАЙДА

БИРСКИЙ ОБЛАСТЫН
НАЦИОНАЛЬНЫЙ ИЗДАТЕЛЬСТВОЗЫ
1945 J.

KN PA

CP

С (АЛТ)
К 959

ПАВЕЛ КУЧИЯК.

АЛТАЙДА

75151
—

Т Ү З Е Д Ү

стр.	строка	баяылганы	кычылары
23	9 алдынан	эпши	эпши
66	13	Тойбосов	Тойбосов
106	26 үстүнөн	атпас	артпас
116	4 алдынан	кырыган	карыган

ОЙРОТСКИЙ ОБЛАСТЬТЫҢ
 НАЦИОНАЛЬНЫЙ ИЗДАТЕЛЬСТВОЗЫ
 г. ОЙРОТ-ТУРА
 1945 ж.

84(2=632.1/6-У
К 959

БАЖАЛЫКТАРЫ

	Стр.
1. Аза-Жалан	3 стр.
2. Оролор	56 стр.
3. Тойчы	82 стр.
4. Темир ат	99 стр.

5-КПВ-А

Аза-Жалан

Чеденде койлор бойы-бойлорына шаай жадала, табыштары жылыа берди. Уйлар уйку аразында көжүүн кепшенгилеп жаттылар. Олордын түгинин ачкыл жыды ла, жылу сүттин жыды тумчукка жаба једин турды.

Энир кирди... Улустар айылдарында каран өчүп барааткан отты эбиреде уйуктап јаткылады. Бүгүн эрте уйуктаарга керек. Ненин учун-десе, узун мойынду, кышка арыктап калган малды эртең, эртелеп, каранты јерлерге апарып, откорорго керек.

Ончолоры терен уйкуда. Сок јаныс кижилер—Керек-Јок бойынын кааза айылында уйуктап болбой јаткан. Ол эжиктин бажындагы јаан тежиктен өткүрө, бозомнын койылып келееткенин ајыктап јатты.

Марчалунын ичине кара түн өңөлөп түшти. Койу уур корголјынды түн јаан бүкке јайылды. Айылдын ичинен көрөрдө, јер түжүп, өрө көдүрилип, бийик кырларла түнейлеје бергендий болды. Бийик кырлардын бажы тегериге жаба төөнүн өркөжиндий коркойышып, тургулады.

Је, ол кырлардын да баштары удабай база жылыып калды, эжик бажындагы тежиги бөктөлдү.

Түн... Очүп брааткан костор каа-жаа-тырс эдил, јаткылайт. Андый карануй түннин ортозында, кайда да араай чөйө тартылган кожон угулды. Кандый да јият уул, бойынын сүүген кыска кунугып, кожондоп барааткан эмтир:

Түмөн јыядыс чыгарда,
Түн ортозынын јылдызы кайда?
Канча кыстар келерде,
Менин сүүген көөркийим кайда?

Эгирдеги јобош јыбар, ол кожоннын јанылгазын Марчалуды төмөн чөйүлтүп апарды. Ојто ок ончозы тымый берди... Је, андыйда болзо, јаскы түнде токуна јок. Айылдын кийин јангыда койу, кара агаштан јобош, чала чөйө шин-

кылдууш табыш база угулды. Онызы, бойынын жараш эжерин бедиреп турган, барбак түктү бабырган, агаштан агашка, эки колтугында терезин талбайтып, учуп коолодо кожондоп турганы эмтир.

Марчалунын ол жанында Аза-Жаланда ийттердин үндери жаныланды, Керек-Жок дезде, байздан оныла сакып жаткандый сергеленденип тындай берди.

Күейдин, монгол жеринен экелген, торбоктый жаан-жаан кара-сур ийттеринин учин жарт таныды.

Кудай-Берген бойы монгол жеринде өлгөн, оноор гражданский жуу тушта канча алтын, мөңүн тартып апарган. Онын үйи Күей, жуу токтогон соңында, уулдарын ээчидип ойто—Алтайга келип, Аза-Жаланда отура берген.

— Аза-Жалан... Көрмөстү Жалан... Бу жердин жаражы чүмдөп айдарга сөс табылбас. Марчалу ла Жолду—эки өзөктин белгири. Ол эки өзөктин суузы, жаскыда ла жайгыда бу акты сугарат. Жерден жажарып өзүп жаткан өлбөдөр, жүзүн-жүзүр чечектер, сууды умчудан сүт эмип турган курагандардый, ичетен. Онын кийининде жажыл торко өлгөн, алтын ошкош арба жайканып өзөр.

Бу Аза-Жаланга, төртөн жыл кайра, эски саскызын коштоп, эки-үч малын айдап, көчүп келип, журт туткан кижини, Керек-Жоктын адазы, Жорыкчы. Ол жобош, жалакай, жалынчаак-кижи болгон. Ол чыгым жеткерден айрылбайтан. Жаантайын акту күчин байларга, жайзандарга, камдарга берген. Ол түбектери оны Аза-Жаланда да таштабады. Журттын жазып чыйрадарга жеткелекте кам Айду келген.

Керек-Жок ол тушта кичү болгон, же андыйда болзо, жабызак сынду, түлкү ошкош жылбындууш жүстү кижинин эмдиге жетире ундубаган. Айду кам ол тушта неден де чо-чугандый кеберлү, жымжак куучында болгон. Ол үнин чичкертип ийеле, сабарларын корсулдада уужанып, суйукээк сагалын сыймайла, Жорыкчыга мындайда айткан:

— Ой, калак, Жорыкчы, сенин же тенегиңди, бу Аза-Жалан көрмөстү ого ненин учун көчтин. Канча үйеден берн көрмөстү жерди билбезиң бе? Сондобой ойтоло көч. Мындагы тургакты чугулдавдырган соңында бойнды да жок эдер, азыраган балдарын да жер үстүндө артпас.

Жорыкчы камнын сөзүнен коркуп, ойто көчөргө беле-тенип турганча, жаны түбек табылды,—эмегени тын ооруган. Айду кам Жорыкчынын жаныс кулунын тайала, тарту¹⁾ учун жаныс койын алып, эмегенин удабаста жазылар деди. Же үч конок өтпөди, Жорыкчынын эмегени жада калды. Оны уккан Айду кам, колын жайып айтты:

1—Тарту—камнын улусты мекелеп алып турган жаны.

—Канайдарда арга жок, Жорыкчы. Сенин уйиңди көрмөс алды. Эмди жаңыс уулыңды алар, учында бойыңды да апарар. Сенин айылыңа кыргын—жадын оору ийер. Богэ жадарга канайыпта жарабас, тургузала өскө жерге көч.

Камнын сөзине бүткен Жорыкчы, өскө жерге көчөргө айылын бизарга жеткелекте, Аза-Жаланга чымаалчдык кий-мыраган малын айдаганча, канча жөөжөзүн коштогон Кудай-Берген—бай көчүп, күркүрөп келеле, жаан кереги айылын тургузып ийди.

Улустарда жүргөн өрмөк ле болзо, „бу кижини үлгөн кудай бойы корулап жат, оныг ады да Кудай-Берген болуп, тегиндү адалган эмес.

Онын ырысту бай болуп турганы адазынан—Кулжадан берилген—деп айдыжатын.

Бүгүн Аза-Жаланга ол—Кудай-Берген бойы көчүп келди. Керек-Жоктын адазы, Жорыкчы, өскө жерге көчөргө эски-сакы немелерин тажый берди.

Кудай-Берген оны корөлө Жорыкчыга „киледи“.

—Же, акыр слердин айылды бусканча, канайдар, бир кийис айыл берер турым...

Же, ол ок тарыйын, Кудай-Берген өскө немени шүүди:

—Бого артып калыгар, Жорыкчы. Менин жаныма жатсагар коомой неме слерге болбос. Ары-бери керегигерге жүрерге атты мен берейин, слерден меге болуш керек болгодый болзо, мен сураарым...

Кудай-Бергенге Жорыкчы, шак онойдо, жалчы болуп артып калган. Жорыкчы өлгөн соңында, ордына уулы—Керек-Жок аркан. Одус алты жылдыг туркунына Кудай-Бергенге канча күчин берген, канча су-кадыгын жылыткан... Ненин учун...

Аза-Жаланда ийттердин үрүжи токтогон. Бир кезекке тымык боло берди. Керек-Жок көзүн араай жымып, эмеш уйуктаарга санаиды. Же онын сергелен кулагына база башка солун табыштар угулды. Не болуп турганын Керек-Жок жарт билип алды. Тондук жерге кургак тыт сыралар күнүрөдө кожондожуп тургылаган эмтир.

Марчалу ла Жолдунын жоктулары кырдан сыраларды туйкаа тартып тургандары жаңыс ла бүгүн башталган эмес, саат болгон. Кудай-Берген бойы бийлеп турган тушта туттырган чедени эскирген. Күжей дезе, эмди оны чыйрадарга сананган. Онын керегинде жоктулар аттарын ээртеп, түниле сыралар төрөпчилеп, тартып тургандары ол.

Жалчыларды иле кулданарга жарабазын Күжей жарт билип алган. Онын учун, бойынын акту күчиле жаткан болуп көрүнерге кичеенген. Туште Аза-Жаланда Күжейге иштеп жаткан

бир де кижн көрүбөс. Көдүрө иштер тунде бүдөр болды. Тунде Күейдин эжигине одын чогулып калар. Аза-Жаланда канча обоолор төңкөйжиңип, өзүп калар, канча аш кезилер болгон... Мынайда кемдер иштеп жат? Мыны торт сананбаза амыр!— сыралардын куулеп турган кожонун тындап жадала, Керек-Жок бойында сананды. Сыралардын кожондорына коштой эски ээрлердин кыяражып турганы угулып октуру.

Онын кийининде базала ончозы кенетийин тым боло берет. Керек-Жок кайкаган бойынча; төжөктөн туруп чыкты.

— Же, көркийлерим, бүгүнгө болор, удабас таң жарыыр...— бойынын туйка батрактарына Күей кыйгырды.

Ондый мекечил сангыс ошкош жапшынчаак сөсти Керек-Жок угуп чыдашпады... чугулданган бойынча, тонун туурачачып ийди, турундарды ичкеери салала отты кезе аяктай берди.

— Бөрүнүн ачап оозына бойлоры албаданып кирип жадылар. Олорды кижн канайдар?

Ол тымкы карануйдын ортозынан Күейдин уни база катап угулды:

— Айылга киригер! Бир де кижн курсак ичпей жанбазын.

Эмди ийттер де үрбейт. Сыралардын да кожондоры токтоды. Эмди жангыс айыл жаар барааткан улустардын ка-жаа жөдулдери, база баркырада чимиргилеп тургандары угулат. Же, Керек-Жок жазымы жок шүүп отурды: “Ошкош ло Күейдин айылына барааткандары жок. Эпши жанында койдын кажаганына коштой, жалчылар жадатан, эски керени айыл бар... Оноор барып жадылар... Күейдин киленкейине түшкилеп ле жадылар. Бир аяк чайга бир канза танкыга канча күчин тегин берип турулар. Күей ле бистин жолыбыс качан да жангыс эмес деп, мен олорго канча катап айткам, же олор оны угар да куундери жок. Канайдар олорды? Бу киленкейден олорды канайып айрып алар? Керек-Жок өчүп брааткан отын жанында анайда узак санаркап отурды. Уйку оны амыр таштады. Өрө туруп, өдүк тонун кийди; канзазына танкыдан тыгып алып, чокту костон күйдүрүп алала, турундарды күллө жабала, айылынан чыкты.

Ол жанында, Аза-Жаланда, Күейдин айылынын тунугинен алтын өңдү чедиргендер чөйүлүп чыгала, жылдыстарла эзендежиңип тургандый болды. Айылдын улаазындагы тежигинег оттын жаркыны бијелеп турды.

Керек-Жок өзөкти өрө басты. Кырбу Алтайдын карануй, жаскы тунинде жердин сомы билдирбейт. Же, Керек-Жок, бир де катап сүрнүкпеди. Агаштын бажында одорлоп отурган күртүк өнөлөгөн анчыдый, табыш жогынан, Чаптыев Күндубейдин айылына једип келди. Эжиктин тутказынан тартты. Бөктү.

— Уйуктап жатып ба, Күндүбей? — Керек-Жок араай сурады.

— Кем ондо? — А-а, слер Жорыкчинов по? — Киригер.

— Мен, мен, Күндүбейим. — Керек-Жок айылга кирип жадала айтты. — Сен кандый сергелег... Интернатта онойто таскатты ба? Айса комсомол до бо?

— Мен бугун уйуктабадым Энирден ала уйуктап болбодым...

— Кайтты, ооруй бердин бе? Айла бир-бирүзин суудибей?

— Суугем... Карыган согумды — Күжейди суудим... Узун тунге уйуктабай, Аза-Жаланда не болуп жатканын тыгдап жатым — Күндүбей өткүн, кара көзиле Керек-Жокты кезе көрди. Чурмежи көзинен төмөн өдүл келгенин сеспей отургандый болды. Кой терези танын бошко жамынала, кыска, бек буудын байдастанып, оттын жанына отура берди.

Керек-Жок, Күндүбейле экүнүн уйуктап болбой турган кереги жаныс болгонына сүрекей сүгүнди. Же, ондый да болзо, Күндүбейдин кокуруна удур айдар каруун тапады. Олор экү бир кезекке өөркөшкөн улустардый, одош-тедеш унчугышпай отургылады. Керек-Жок узак отураарга чыдашпады.

— Канайдарыбыс, нени эдерибис?

— Нени эдерин айдазыгар?

— Бу, ол жанында тастекти эмей база.

— Керек-Жок, Аза-Жалан кедегейине колын уулап айтты.

— Билбей турум. Слер сельсоветтин председатели, менен көп билеригер.

— Мен нени айдарым... Күжей ойто ок жердин жакшызына отуруп алды... Бистин жоктулар десе, агаш, таштын ортозына кыстальжип жат. Эрик жокко ого келип, иштегилеп жат. Сок жаныс арга — Аза-Жаланды Күжейден айрып аларында.

— Оны канайда айрып аларыгар?

— Жаныс мен алып болбозым. Сен де болбозым. Малдын нөкөрлүгүн төзөп алзабыс, ол тушта аларыбыс. Сен школада да үренген, комсомолдо до өзүп таскап жатып, айдарда, канайда, шууп турун? Жаш өскүрүмдер немени бистен артык ондоп жадыгар.

— Күндүбей кунукчылду көзиле Керек-Жокты аяктап көрди.

— Ол айтканыгар чын, Жорыкчинов, же ончозы эмес. Слер бистин кезик жаш өскүрүмдерди бойыгар билеригер. Ячейкада менин айтканымды угарлар, айылына жанза, өскө жолло баргылап жат. Жаан улустары нени ле айтса, онойдо жүргилейт. Ада-энелеринин сөстөрүн сындыраарга жүректери тыгынбайт. Айса, олар нөкөрлүктө ондолорлор... жакшы шуулте тайтыгар, слер.

Бир кезек ой өткөндө, кайын тайагы чатылдап, карыган Челапан айылга кирди. Карануйдан келеле, от жаркынына чике коруп болбой, тыркырууш колын көзине колоткөлдөй тудала, Күндубей ле Керек-Жокты аяктап көрди: Бүгүн кандый эрте турганыгар?— деп, сурады.

— Слер неге эрте турдыгар? Карыган кижги уйуктаар керек, слер десе, жадыны улуш уй ошкош, баскындап, жүрүп жадыгар.

— Мени айтса, бүгүн Күжейге иштегем...

Слер Аза-Жаланда сыралардын кожондоп турганын уктыгар ба?

— Уккам... Же жагыс бүгүн эмес...

Туйказынан иштеер боло бергиледи. Бир де кыжи көрбөс, билбөс деп турган, кандый сүмө?

Бу тушта Керек-Жок ло Күндубей бойы бойлорына көрүжеле, же бир де сөс чыгарбадылар.

Олордын ондый унчукнастарына Челапан өбөгөн, эмеш таарынала, айтты: „Бу, слер неге унчугышпай отуругар? Слер коммунисттер, комсомолдор... Мындай неме узакка болор бо? Менин кулагымды сүгүндирзегер, айтсагар“.

Калганчызында, Керек-Жок, бойынын шүүлтезия айдып берерде, Челапан, жакшы будубей, бажын жайкады: „Акыр, Керек-Жок, сен бистин улустарды билбезин бе, нөкөрлук деп, айдып жадын... Кече мен Чалмага туштагам.“

Ол база Күжейге иштеп турган эмтир. Мен, кокурга шылтай, сурагам: „Сен, Чалма, Кудай-Бергенди тиргизип алар куунин бар ба? Ол десе, менин тамагымды арайла кыйа тутпады.—“ Сеге өлөргө керек, сен десе, өскө улустын жерине умзанып жадын. Аза-Жаланды колго тударга, ого көчөргө туруп уялбас! Сеге канча көп жер керек! Кулаш сынду, аршын тууралу жер сеге ой болор!— же, мен токтодынып болбой, керижерге санангамда, ол торт ло казыр андый чурап келген.— Базала бир сөс айдар болзон, чирик сөөгинди талкандап ийерим!“, деп айдат. Мен оной жүккө арайдан тынымды айрып, качкам.

— Ол чын, — Күндубей эрмектенди. — Аза-Жаланды айрып аларына, Чалмадый улустар — сүрекей жаан буудак. Бу жууктала, Чалма бистин бир комсомолдын бажын ташла арай ойо сокпогон.

— Кижги кайкаар неме, — Керек-Жок чөйө эрмектенди. — Канча жылдын туркувына, бар күчин Кудай-Бергенге тегин, берген, эмди десе, онын эмегенинин адаанын алып, бойынын жуук улустарынын тамагын кезе чайнагадый жүрет. Бөкөн агаштын жаанын, кырчанылу жылкылар канайда айрылбайтан ади, Чалма, онойдо ок Күжейден айрылып болбой жат.

Керек-Жок канзазын база катап азып, кабортозы сары, кабортозы жажыл ыжын бурлада берди.

— Энди, онойдордо, канайдар болдыбыс?— Үрбек чүрмежин кайра сыймай тудала, Күндүбей сурады.

— Таң атса улустарды жууп, ончобыс жазап куучындажарыбыс! — Керек-Жок Күндүбейге каруун тын, омок берди.

Жууп божоды... эртенгизинде, Керек-Жок аймакка атанды Бүгүн теңериде кежимче де булут жок, ак чанкыр кебеделду турган. Кун ак мөнкү карлу кырдын бажына өксөп келген турды. Меес жерлер эдегине түжүрө карантылап калган. Ол күрөң-жеерен карантыдан, эрү жердин тыныжы кижинин жүзине жаба жедип турат. Жолдон ураак жок, агаштардын ортозында сары жіңиңейлер жылды уткуп, кожондоп турдылар:

— Жыл кеел, жыл кеел, жыл кеел...

Жас .. Керек-Жоктын минген жалбак омырулу, кайчы кулак ту, кара күрөң ат бажыла ойноп, көкүп бараатты. Күрөң ат узактан бери онын нөкөри болгон. Керек-Жок күрөң атка минип, ак бандиттерле де жуулажып жүргөн. Качан актарга удурлажа табары жар тушта кара күрөң эки кулакты кызынала, жалтанып жана болорын билбей баратан. Бойынын темирдий кату туйгагыла бандиттердин кирлү жүректерине көп баскан. Ийделү кызыл партизандар бандиттерди жеңдейле, ойто одуларына келер тушта, ол база бүгүн чилеп ок жобош, көөрөм бажыла ойноп келетен. База мындай ок торкодый жалы жайылып, сулукты шылырада чайнап, барадатан болгон...

— Бис бүгүн де жаан жеңүлү барып жаткан эмезибиз пе? жеңү де болордо кандый болгон, мөрй бистин болбой кайтты... Керек-Жокко, бойы да сакыбаган, сагыш кирди. Бойынын санаазынын чынын быжулап саларга тургандый, төш карманын тудуп көргөнүн билбей де калды. Одно жаткан чаазынга кол табарды. Ол Марчалу ла Жолдунын жоктуларынын кечеги жуунынын протоколы болгон.

Жунында болгондору ончозы ла бойларынын улустары— жоктулар эди. Тегин бодозо, ончо керек жагыс санаалу бүдер учурлу болгон. Чынына болзо, кандый түймеен чыккан! Керек-Жоктын, Күндүбейдин, карыган Челапаннын чыгарган жөбинө жөпсинбей тургандары не айлу болгон... Кезиктери оларды электеп, каткырып та тургандар. Ончозынан ла артык каныгып, адылып турган киж, эр жажына жалчыга өскөн Чалма болды.

Олордын сөстөрүн Керек-Жок өткүрө көрүп турган: бу улустар бойларынын тилеле айдып турган эмес.. Бу жуунга келбеген оштулардын сөзүн, бойларынын жетире неме ондобозы керегинде, айдып тургандары жар болгон. Онын

учун, бу жуунда Чалманы жендегени, Күжейле Ырыстын ий-дезин сый басканыла туней болды. Качан Чалма, көдүрө бойы жоктуулар жанына жайылза, бу жегү кыйалтазы жок, ошон ары бектелер эди.

Канайтпагайысла, бүдүрүп болорыбыс па, жок по?—Керек-Жок бойында онойдо сананды —Байлардын тузагына чабынганы сүрекей коркушту!

Кара бозыраш ташту кырдын учун өдө жортуп келерде ле, Ортолойдын көп оромдорынын бир жалбак ороомы, аттын алдына жалбак төжин жайа тудуп, жада берди. Озо баштап бозомтык көзнөктү, огош, жабызак турачактар Керек-Жокты ороомнын эки жанынан уткуп тургузады. Ошон ары барганда, чала жаан, эки кыптан, төрт кыптан, төс, тала жабулу, көзнөктөрүнүн тыштын агаштан чололор кезеле, жараштыра будуп койгон туралар учурап келди. Ондый жаан туралардын көзнөктөрүндө аймактын учреждениелери барын, тыштында жаан букваларла бичип койгоннан танып бараатты.

Оскүргөн чибн, кайын, терек агаштардын ортозында, көгүлтирим будукту, жабызак церквенни одожында турган эки кат жаан турага Жорыкчинов жеде жортуп келди. Бу аймактын исполнительный комитеди болгон.

Керек-Жоктын келгенине аймакисполкомнын председатели Василий Иванович Зырянов бар бойы жүрегине сүгүндү. Председатель озо келген улустарла куучынын тургузала божодоло, олорло жакшылажып, мышпайта кырынып алган тегерик чырайы кулагынан бери күлүмзиренип, колын түргөн сунды.

—Отур, најым, куучында, Бис экү тушташпаганынан бери саат болды. Керектү келдин бе, айла тегин туштажарга ба?

Тегинле жүрдим, — Керек-Жок, мендеген бойынча жастыра айтты.

—Жок! — Зырянов каткырды. — Сен тегиндү качан да жүрбейтен. Мен сени билерим. Кодор ло, бери сал ла.

Бу тушта, Керек-Жок төш карманындагы протоколды ала-ла, председателге берди.

—Бу чаазынды кычыр, Василий Иванович, менин учун ол айдар.

Зырянов протоколды жайа тутты.

—Э-э Күндүбейдин колын көргөн бойынча таныдым. Протокол?

Ол чаазынды көзине жууктадып алды. Онын тегинде көөрөм чырайы там ла там жаркындалып, сүгүнчилү болды. Кычырып божойло, тизезине чабынып ийди.

—Мактап турум! Слердин жалтанбазыгарды мактап турум. Күндүүм болзын слерге. Чике баштап жадыгар.

—Слер бойыгар уретпей бисти... бу жолго... Онойдордо, бис айын көрбөгө турубыс. Слерден болуш сурап келдим.

—Бу баштаган керек ырысту социализм жазалынын башталгазы—ол жагы туранын баштапкы тоормошты салганына түней! Оны жагыс эппен саларын билер керек. А бистин болужатаныбыста, кыйалта да жок.

Зырянов бойынын көзине бүтпей тургандый, протоколды база катап, баштамызынан ала учына чыгара кычырды.

Ондый ба... Айдарда слер, нөкөрлүккө укту бука сурап турганыгар ба? Же, онын аргазын табарыбыс. Мен слерди бистин Аймзонун башчызы Айдаровло таныштырайын. Ол аргазын табар... Онын кийининде менин айылыма келеринг, билбейтен эмезик. Чайлаарыбыс, ол айас эмеш кейдежерибис...

... Аймзонун башчызы Айдаров, чаазынга коя салардан озо, узак андандырып, көрүн отурды. Нөкөрлүктин мындый түрген төзөлгөнн, ого ненин де учун жарабай турды.— „Кечеле, нөкөрлүкти төзөөр эдип, жөптөшкөндөр, бүгүн дезде, укту бука сурагылап жат“.

—„Буканы бербезе не болор“?—Керек-Жок коркунуп турганы тын болды.

Же, Айдаров чаазынга колын салды. „Алгайзыгар, канайдар—Кызыл бөслө жаап салган столго тайанала айтты—Же, жагыс чеберленигер: симентал укту бука, баазы бүдүн жарым мун. Өлтүрген согында, эки-үч мун төлөдөрим“.

Айдаров тегин де жылчык көзүн там жылчыйтала, кир-биктин ортозынан өткүрө Керек-Жокты өчөмөлдү ажыктап отурды.

Керек-Жок карууна айтты: „Качан да өлтүрбезибис, иженигер. Кара жагыс Аза-Жалаңды айрып алатан болзобыс!“

Азонун башчызы, озо баштап бу сөсти ондободы.

—Аза-Жалаңды алатан? Кемнен!

—Күжейден аларын айдадым. Ол ненин учун жердин жакшызында отуруп жат, бистин жоктулар дезде, агаш-таштын ортозына кысталып жадылар. Слерди бис, эки өзөктин улустары, сурап турубыс: чала бачымдай землемер ийип, жерди ончобыска тен эдип кезип, темдектеп берзин деп.

Айдаров казырланып күрт эдип кекенди: „Озо баштап иштеерге үренигер!“

Оны уккан Керек-Жоктын эдинин соогы жайылала, алтыгы эрди тырлажа берди.

—Кемнен үренетенибис! Айры колына качан да иш

тутпаган Күжейден бе? Бистин күчбиясти јиген улустардан үренетен јадыбис. Јок, ондый неме качан да болбос!

Керек-Јок кол салдыртып алган чаазынын бөркунин түбине катый кийеле, Айдаровло јакшылашпай да чыкты.

II.

Укту буканын табын-талы кобы јикте айылдарга, салкыннаг турген јайылды. Је, Керек-Јок санаазы эмештен байла, энделип јүрген болор. Бойынын јаныс уйына өскө јердин — кижии кайкаар буказын экелди... Озогы карыган улустар мындый букалар керегинде чөрчөктөлө айдыжатаң эди. Карын ол болбойтон бо? Је, Керек-Јоктын јаныс уйын ол туунын-суунын ээзи былча базып койор туру“.

— „Мындый немени кем көргөн, кем уккан? Мал айгырду, уй букалу ла болуп јайалган неме эди. Эмди, неме кубуларда, Јорыкчынын уулы санбашка буканы экелди“.

— „Је, Керек-Јокты кем билбес. Тенек мундустардан эмей база. Ксп сөстө дө бар јок по:“ Мундустар јуулып јурт болбос, букалар јуулып уй болбос“.

— Је болор, Јорыкчынын уулы Кудай-Бергеннин билезине адаркажып јатпай. Ол олордон бай болорго сананган ийне. онын учун санбашка буканы экелгени ол“.

— Э-э, чаалда! Олорго кайда тендежетен. Кудай-Бергеннин кайрчагында эрјенелу ак болчок таш јатканын кем билбес“.

— Је, болгой, Керек-Јоктын Кудай-Бергенге једиже байып баратаны, касты ээчип, учарга турган карганын јодозы сынды деген бирүзи.

Андый сөстөрдии классовой өштүлер де, неме билбес карануй да улустар көп айдыштылар. Онойдо, Керек-Јоктон туйка айдыжып тургылады. Је көзине де, јалганбай, айдыжып тургулады. Олордын көп јанын Керек-Јок унчукпай, өткүрер болды. Каа-Јаа ла карузын кеп сөслө айдып турды: „Арык торбок, айса семирип уй болор, јокту кижии, айса, бир тушта аргалу јадар“.

„Јаны-Јол“ деп мал нөкөрлүгине, эмди тургуза, бириккени сегисле өрөкө болды. Је, Керек-Јок сагышка кестирип турганы јок, нөкөрлөрин көкүдип, айдып турат: „Алдырбас, туудый коозо болгончо, аякча үрен болзын. Аяк арбадан, анканына кижии јетпес аш өзөр, сегис өрөкө нөкөрлүкке, канча мун өскөлөри кожулар. Бистин тообыс көптөп, ижибис јаранган сонында, неден де јалтанбазыс, кандый да ишти будүрерибис“.

— Ол чын, — карыган Челапан јемежип, омок айдатан. — Јоонду от өчпөс, јонду улустар јалтанбас. Јонду улус — темир талку деп, озогы улустын айткан кеп сөзи бар. Бис

биригер болзобус, ийдебис тын болор. Чынба, нөкөрлөр?

* * *

...Керек-Жок чалкойто жадала, теке кабагы эмискекти тын тиштенип алган канзазынан чала күрентимек ышты бурладып жатты. Түндеги тенери Керек-Жокко иле көрүнип турды. Кандыйда чөбрөктөгү баатыр, тенеринин түбинне мөңүн суу чачып ийгендий койу жылдыстар, мызылдажып тургылады. Керек-Жок, 1919 жылда, база мындый ок түнде, бойынын жүргөн айылынын ээзи Грань ары жапына качып, көчүп турарда, оны үдешкен эди. Ол тушта Кудай-Берген талдама деген аттарын үйине балдарына ээртеди берген. Бойы дезе, атзаводын туткан Аргымайдан садып алган, ан сүрүп андайтан, кара-калтар адын ээртеди алган. Эки тегеликтү алты түнөй тарадайларга артык деген жөөжөзүн чоккон баалу алулардан эткен тондорун, баалу кебистерин алтын мөңүнүн. „Ойго бу Аза-Жаланга качан келип, журтагай небис?“, дежип Кудай-Бергеннин балдары, ол тушта ыйлашкылап тургандар. Керек-Жок ло Челапан эки жалчы оны көрүп, чыдашпай, база ыйлажып ийгендер.

Кудай-Бергеннин көзи ол тушта, балдарынын көстөринин жакын көрбөгөн, же Керек-Жок ло Челапаннын көстөринин жакын көрүп алды.

—Менин бүдүмчилү жалчыдарым ыйлашпагар, ийде-кү-чигерди жөстин жажыла кожо коротпогор. Качан түбинде ол слерге керек болор. Бойымнын жылкы малымды сенин колына бүдүп, берип турум, Керек-Жок, оларды сен ачап кызылдардан корула. Бу беш адар мылтыкты сеге тутуруп турум. Кызылдар учурашса, малды ологго бербей, ок жеткенче, адыжарын.

Кудай-Берген көк торко тонун жениле, телбек жүзине тебилип, келген терди, туура тартып, арчып ийеле, жалчыларына калганчызын кылчайып көрөлө, айткан: „Же, жакшы болзын, кару жалчыларым, кийер кийимди, жиир курсакты слерге элбегинче артырып жадым. Эзендеги жайдан өтпөзим, ойто журтума кирерим...“

Керек-Жоктын канзазынын ыжы чөйүлүп жатканча, тегериде мөңүн өндү жылдыстар суркурашканча болды.

—Ол тушта Челапан да мен тортоло жүүлгенибис,—Керек-Жок эмди, эди-канына тийип, саананып жатты.—Кудай-Бергенге канча жылга жидирткенибисти, ол тушта канайда ундудыбыс. Ол бисти канча сокконун, электеп, жамандап, кыйнаганын канайып сагышка алынбадыбыс болбогой?“

Бу тужында тыттын чөбрөөзи ле жапкан айылдын үстинче кандый да неме тадырада мантаганы ба айса төгөлгөнү ба угулды. Керек-Жокко соок жууктап келди „Мынан озо,

Төңөрүктүн бажында база мынайда ок тонгон эдим —деп, Керек-Жок бойында сананала, тонын кыпчынып, ийт чилеп түрүлеле, жада берди.

Керек-Жок, талдама деген он алты айгырлу малды айдап, улус кирбес тошту мөңкүнүн алдында Төңөрүктин кеен ичине ажырган. Айландыра аккарлу мөңкүлөргө курчалып койгон өзөк болгон. Оноор өдөтөн турганы жаньы жол. Оны Керек-Жоктон өскө асла улус билетен. Оңдо Кудай-Бергеннин малыда кожо Керек-Жок бир жыл ажыра жадарда бир де кижиге туштабаган. Кышкыда салкын, ачу корон соок, же жайгыда да оңон кайкалы жок. Туште бийик туунын бажына жаба күн каарып турар, түнде тошту тайгалардын соок тыныжы жаба жедип турар...

Бу керек, жаан изү айда, таң жарыпла келерде болгон Онын алдында өткөн күндөрдө түнге, түшке жанмыр урганы не де аайы жок болгон. Керек-Жоктын кийими бир де кургак жери жок, шүүлгени коркушту. Ичөөнине суудалала, чыккан өркөдий, бажынан ала таманына жетире сууга өдөлө, түнде калтырады. От саларга болбос: кайдан-кайдан улустар көрөрдөн магат жок. Же, Керек-Жок ол күн түнде чыдажып болбоды, Кудай-Бергеннин жакылтазын бусты, —отты түнде одырды. Кийимин отко кургадала оттын жылузуна уйуктады. Же, күдүчинин сергелени элик ошкош, кайда да ыраак жок, кургак будак быжырт эткени угулды. Керек-Жок тура жүтүрди. Беш адарын тутты.

—Мылтыгыңды чач! Колыңды көдүр! —таң алдындагы туман ортозынан кемнин де кыйгызы угулды.

Керек-Жок, жерге жаба жадала, туман ортозында элбендеп турган темдектерди аткылай берди. Канча катап аткан соңында, мылтыктын ичинде чөйүлгөн патрон чыкпай, тура калды. Керек-Жок, оны чыгарып болбой, мандайы терлеп турганча, улустар оны эбиреде курчап келгиледи.

—Түрүгө алар!—

Керек-Жок, мылтыкты туура таштайла, мөштин будагында жаан бычакту курына жедерге эңмектеди. Курга колын сунаргала жадарда, мылтыктын кындагы жедип тийди.

—Оңдо сурак та жок, адарла—бойынын устинде кыйгыны жарт укты.—Ол бандит!

Ол кыйгыга база канча үн кожулды.

Керек-Жок, көзүн де ачпай жада берди. Кемнин де бек колы ийининен келип тудала, өрө көдүрүп келерде, база өскө кижинин кыйгызы угулды: „Акырыгар, нөкөрлөр! Онын бандит болгону кайдан таныдыгар?“

Ол кизи жартла начальник болгон туру, ненин учун десе, ончолоры онын айтканын тындай бергиледи. Же, онызы

Керек-Жокты кайкатвады, онын кайкап турганы—ол начальниктин уни таныш кижинин уиндий болгонында болды. Ол ондый уни анчадала сурекей жууктап угуп жүрген ошкош. Керек-Жок көзин ачты. Эбиреде мылтыкту улустар тургулады, Овчозынап ла жуук турган кижини ајыктап көрзө, ак чырайлу, бийик сынду, улдуни кайыжы он ийинин ажыра тартылган, кол мылтыгын кабынан чыгарала, он колына тудунуп алган кизи эмтир. Керек-Жок бу кижини качан да, кайда да көргөн, же кайда?..

Ак чырайлу кизи онин көзине чшке, кезе ајыктап турды.

—Сен Жорыкчинов Керек-Жок по?—деп ол сурады.

Керек-Жок, бажын кекип, каруузын бергендий билдирди. Ол эмди бу кижини таныды. Ол Василий Иванович Зырянов болгон, экү, бир тушта, Кудай-Бергенге кожо јалчы болуп жүрген, онын кийининде Зырянов кандый да городко барган. Ол бойынча олор катап тушташпаган да, суру чабын да угушпагандар.

—Бу сен кайткан, бойындын улустарында жуулажып?—Зырянов кату сырғынду сурады.—Мында нени эдип јаткан.

Керек-Жок Кудай-Бергеннин канайда ұреткенин, јакарганын овчозын куучындап берди.

—Э—э, ол канайда кылынып турган? Кудай-Бергеннин јөөжөзин корулап, жуулажып турган ийнен?—Зырянов, эмди каткырымзып, чөйбө айтты.

—Ол Казанцев Михаилди шыркалаган, көрүгер!—бир партизан кыйгырды.

—Адарла оны!—өскөлөри үзери јемештилер.

Је, Зырянов, олордын уни јара согуп, айтты:

—Акырыгар, нөкөрлөр, мекеге кирген пастухты адып салар эмес. Бойныбыстын колыбыстан божотпой алып жүреели, кийининде кандый болорын көрөрибис.

Төнөрүктин бажында Керек-Жоктын јангыскан жүрүми онойдо божогон. Онын кожо жүрген улустары, оны адып та салар учурь бар улустар болгон. Је ненин да керегинде олор онойдо этпеген. Олордын бирүзи де, Төнөрүк бажында адыш болгоныла Керек-Жоктын ол тушта удурлажа жуулашкан керегинде эрмек этпеди. Керек дезе, онын беш адарынан шыркалаткан Казанцев Михаил де өштөбөди.

Керек-Жок, бу керекти узак ондоп болбой жүрди. „Ненин учун бу улустар оны бойларынын нөкөри деп, айдыжып јадылар, ненин учун онын атканын керекке албай, таштап салгылады... Онын кулактары туркаары бу јангы санаалу улустардын сөстөрия тындап жүрди. Онын эмди билерге жүргени, -бу јокту- батрак орус, казак, татар, алтай, оноп до, өскө

улустар нениг учун бир аай бириккилеп, айылы- журтын, бала-барказын таштап, колдо мылтыкту, бай-кулактын, кам-жарлыктын баштаган бандиттерин жалтанбай истежип, канча соокко тонуп, канча жанмырга откулеп жүргендери болды.

Андый сагышты сананып жүргөнүнөн бери жетинчи жыл өдүп калды.

...Айылдын улазында жаткан, Керек-Жоктын ийдичеги бопулдада үрди, Керек-Жок тындай берди. Ийттин уни узуктеле берерде, тогдок жерге баскан аттын тибирти угулат. Кем де айылдын жанына жууктап келди. „Түндө кандый киж болды?“ Орб туруп жадала, Керек-Жок сананды. Ол эжиктен бажың чыгарып келерде, келген киж адын чакыда буулап жаткан эмтир, Керек-Жок ийдине тап эдерде, онызы куйругун айра минеле, айылдын төрине барып, табыжы жылайды. Айлчы, эжиктен эңчейип киреле, уни жоктон, оттын жанына отурды.

Айыл ээзи косторды, турундардын косторын отын ортозына жууяла, эки, үч катап жаагы бултыйганча үрүп, отты жалбыштандырала, үзери тыттын чырбагалынан таштап ийди. Оттын жаркыныла айылчынын кара торколо кыптаган тоны мызылдап чыкты, коркок, кой тумчугынын бажы жалтырап кызыл чырайы иле көрүндү. Айылчынын алын эрдинде, ээги ле жаба, бери келер алдында ла жиген семис эттин үзи жапшынып калганы иле көрүнөт.

—Мени таныбай туругар ба?—деп, айылчы күлүмзиренди. Ол кончынан тере калтазын, койнынан кангазын чыгарала, танкыны тыгып, костон куйдүреле, үч катап ышты жуда тартынып ийди (жакшы чоктоно куйгенин билерге) оини кийининде Керек-Жокко асты. Оны ээчий кара тажуурда, аракызын айыл ээзине сунат. Керек-Жок бир кезекке учукпай отурды. Айылчы бажын күндүлү эңчейтти.

—Менин адам грань ары жанында олгөн согында, слер бисти кичүден ала билетен, менин жаан акам ошкожыгар, менин төрөгөн адамды да солуп жадыгар. Бу аракыны да слердин ок азыраган уйлардыг сүдинен аскап эди. Чектенбей, чугулданбай ичигер.—Ырыстын эрмеги койу, жымжак, чөйбө төгүлүп турды. Керек-Жок тажуурды аларга эки катап колын сунуп жүреле, үзү костон коркуп тургандый, ойто жана тартты. Учунчиде тажуурды алды.

Жылкы малдын сүдин алыштырган чегееннен аскап жылу аракыны ичкен согында, айыл ээзинин эрмеги көптөди.

—Je, Ырыс, менен кандый суракту келдин? Жажырба, жалтанба, чикке айт.

—Me... Me en,—Ырыс чоколдонды.—Мен бир жоп сураарга келдим...

—Уйуктап жаткан баланы уйгуспаска тургандый, унин жабызадып, шыбыштады. — Мен бодозом, мынан ары эскидеги аайынча жадарга жарабас ошкош. Слер жакшы керек баштадыгар. Же тегин жакшы аргалу нөкөрлүк төзөйин десе, мени сагышта, малды көптөп бириктирерге керек...

Керек-Жок чыдажып болбой, сөстин бажынан ала койды: — Бистин баштаган керегибис учун бис экиде эрмектежер неме жок. Жаан кичүзи жада-тура көрүнер. А сен кандый жоп сураарга келдин, оны сураган?

— Мен... менин сураарга сананганым, нөкөрлүккө мени кожуу аларыгар ба, жок по? Малымнын кабортозын слердин нөкөрлүккө кожорым. — Онойдо айдала, Ырыс койнынан чаазын алып, Керек-Жокко берди. Керек-Жоктын кабагы ар-бери жылышты, эрди тыркырай берди. Ол чаазынды колго аларда, колына соок жылан түдүлгандый билдирди.

— Мен жаныскан бу керектин учурын айтпазым, сурагынды артырып кой, нөкөрлөрүмле жөптөжөйин, олоор нени айдыжар — өкпөзүн арайдан ла жаба базынып, айылчызына айтты.

Ырыс база катап бажын күндүлү эгилтти.

— Ажындыра слерге иженип, алкыжымды айдып, мөргүп турум. Бис слердин балдарыгардый өскөнибис. Слердин болуштугы бис көп көргөнибис... Мынан да ары слердин куунзек жүрөгөр биске килеп, болужар деп, иженип турум! — Ырыс калганчы сөслө өрө туруп, эжиктеп чыкты.

— Э-э! Слердин балдарыгардый өскөнибис! — Керек-Жок тижин өткүрө кекевин, кимиренип, сананды: Уйат та жок! Торсыгы жагыла түзелип жүреле, мени, ат эртеп бербедин деп, дробьло атканын ундуп койгон, уйат билбес кулугур. Онын аткан дробьтору эмди де будымда жүргенче. Сенин адан мени жайзандарга алдыртканын база ундуган турум. Мени Табы жайзан алдыртарда, келгем. Эки каазы алты темичизи, он ажыра шууленилери, канча кирези көдөчилери ончозы жайзынды эбиреде отургылады. „Сен каланынды не төлөбөй турун?“, — Табы, менен сураган. Кудай-Берген десе, ыржайып, күлүмзиренип: „Керек-Жок төлөөргө чыдаар. Оңдо арга бар... Ол тунга, оны угала, бойымды бойым токтодынып болбой, айткам: „Мен неле төлөөрим? Слердин малды кабырдым, оноң бир де неме жетпейт. Алу аткамда, ок таары, жиген курсак, минген ат, ончозы менин болгон, алуларды мен алар учурлу...“, — дейле, алып баразын. Айдарда эмди берер неме жокто, тынымды берейин бе“.

Жайзан менин — жоктуунун омогын жаратпай ачынган: — “Угугар, көдөчилер, бажын кургакка тескери кырыгар !!! Көдөчилер мени тудала, албан күчүлө бажымды кургакка

1. Аза-Жалап П. Кушук.

195603

кырып тура бергилеген. Көзимнин жажы токтоп болбой, кара суудый аккан, бажым, отло өртөп тургандый, изип турган. Ол тушта Кудай-Берген мениң адаанымды алганы кайда? "Слердин балдарыгардый өскөнибис,"!!! Уйады жок бөөрүлөр.

—Керек Лок Ырыстың заявление сурагын отко чачып, кыйын жадып уйуктай берди.

III.

Марчалу да Лолдунын улустары жуунга, бир эмештенле тамчылап, жуулыштылар. Эртең тура, эртелей жуулыжар болгон. Же күн тал түшке жетти. Керектү деген улустар Керек-Лок айылынын жанына кабышкалак болдылар. Ол до келген бойлорынын мендеп озо келгендерине адылыжып отургылады.

—Келген улустар сакып жадыбыс, келбеген улустар дезе, аракылап жадылар.

—Байала эртени бойынча, ээрлү аттардын аркалары быштыкты. Айла, канча катап жуундап турза, бүтпес кандый керек табылган ...

Улустар жажыл торко өлөннин үстинде, байдастанып отурлар. Андый куучындардан улам, озор тамла токунап болбой баргылады. Улус жаныс жерге отуруп болбой, жанмырдын суузына өдөлө, күнге каткан тере тондорыла күлүрежип ары бери жылыжып, баткага саргарып калган, ачуңилекейлерин жаш өлөңгө түкүрип, отургылайт. Ондый кечилдире сөстөрдө Керек-Локтын ады чике адалбай да турган болзо, улустар кемге табарып айдып турганын ол јарт андон отурган. Ол өрө туруп, котын көдүреле айтгы:

Нөкөрлөр! Эки өзөктөң эки јүс төртөн өрөкө улустар-јууларга керек, же озордын кабортозы да жуулбады. Канайдарыбыс?

—Ачыгарла! жуунды ачыгарла, — отурган улустар кыйгырышты. . . Керек-Лок, тын мойношпой, база эмеш сақыды. Арайдан да улустын тоозы жууктажарда, жуунды баштады.

Куучыныды Керек-Лок ары-бери тын өскөртпөй, Аза-Јаланнанла баштады.

—Аймзоның землемери, Аза-Јалан деревнеге јарабас деп, айдыжадылар. Мен бодозом, озорго оноң тургуза јакшы көрүнбей турган ошкош. Бого до јүргилегенде көстөриңе јакшы көрүнбей турган болгодый. Мен бодозом, озор эмеш јастырылап јат. Бистин аймактын јерин ончозын айлаңнып келигер, же Аза-Јаландый јакшы јерди тапазыгар. Мен, бу керекти эмеш шүүңгем. Менин санаамла болзо, эки өзөктин белтирининг эмеш алтыгы жанынан кечире поскотина тудар керек. Өлөн әдер, аш чачар јерди поскотинанын тыш-

тына чыгарып ийерибис . . . Јерди Марчалу ла Јолдунын јаткан улузына тен улеер. Поскотинанын ичине кирген јер-де дезе, ончобыстыг малыбыс тен јайлазр. Көрдигер бе? Кудай-Бергенниг бийлеген јерин, чыйрак та атла, тўжине айланып болбозыгар. Эмди дезе, бойыгардын јаткан јерлеригерди аыктап көрүгер, кандый? Таш-корумга, саска, тўнкеге кыстадып аттаныбыс. Ол чын эмес пе?

Керек-Јок бүгүнге јетире, ондый көп улустын алдында, ондый узун куучын да айтпаган. Онын тери јаакты төмөн јолдолып, керектү сөстөри тилине јолукпай турды. Чынынча болзо, ол не аайлу көп сөстөр айдарга сананган болгон. Ол бойынын чике јолдо турганына бир де эмеш аланзыбаган . . .

Керек-Јок айдып божоды. Отурган улустар базала токунабай баргылады. Көп јаны јөптөништилер. Кандый да карыган эр кижии, сөс айдарына суранбай, кыйгырды:

—Јорык жүрген улустар коибос, Аза-Јалагда деревени, тазөбөргө туругар ба!

—Чын ол, —экинчи кижии јеметти, —ондо көрмөс турлаган-тургакту јер!

Мынызы Кудай-Бергенниг јалчызы—Чалманын уни болгонын, Керек-Јок, јазымы јоктон танып алды.

Чалма, айдып, турган сөзин улустар укпай турган болбозын деп коркугандый, өрө туруп чыкты. Туркаары он ийинин ажыра чырчандап жүретен ортозында ак топчылу, такталып калган күрен-јеерен кәјегезин, сол ийинин ижыра таштап алды, он колыла суйук сагалын сыймай тударда, он јенинин турганы јаныс эи учук, ийттиң азузындык кажайып-турганын ончо улустар көрүп ийгиледи. Чалма колын оног бийик көдүрерде, колтыгында кара тўги овчо улуска базада иле болды. Је, јилбиркеп, аыктагадый неме — онын алтыгы эрди болгон. Ол озодо Кудай-Бергенниг эмдик аттарын үредип туратан ээжилү кижизи болгон. Ондый эмдиктердин бир калжузы, онын эрдин үзе тепкен. Шырказы јазылган да болзо, је сорбузы онойдо артып калган. Ол тушта кан агыспай төктодорго, косты оодоло ургылап ийгенинен, онойдоло карара јазылып калган. Онын ол эрди тыртыя јазылганын көргөндө, туркаары улуска өткөнишип жүрген неме ошкош. Эмди ол Чалма Керек-Јоктон туура тартып, байларга болушту сөстөр айтты. Онын неден де јаманы бир канча улустарды тескери сайгактап, бойынын сөзине јөпсиндиргенинде болды. Кыйгы-кышкы серигенче, Керек-Јок бек тудунып, сакып алды. Онын кийининде Чалманы чала электеген аяасту түрген де, јарт та куучындады.

—Мен бу киреге јетире Чалманын мындык сүрекей чөр-

чөкчизин билбедим. Озодо бойынын айыл ээзинен уккан чөрчөктеринин бирүзин де ундубайтыр. Бу чөрчөккө база будүп туругар ба. Кудай-Берген Аза-Жаланга төртөн жыл ажыра жатты, көрмөстөр оны бир де катап оорутпады, түйметпеди. Оны өскө жерге ныкый басты. Грань ары жанына онын балуу-батты. Же, ол өлгөн кижини айдышпаза да бойыбыстын да ортодо темдектер талтура. Чалма ла мени алар болзогор: була Аза-Жалаң да, Кудай-Бергенниң эжигине карыдыбыс та, өлбөдибисте, коркубадыбыс та эмдиге жетире түрү. Бүгүн слер бойыгар, уктыгар бис не аайлу кыйгырыштыбыс.

Керек-Жоктын эди изиди, куучыны көндүкти, сөстөр тилинен көндөлөн бойлоры төгүлип тургулады. Кара жанус ондый чокту куучынды угуп тургандары аслай берди. Кезиктери, түштеги боро укүдий, көөтөри борорглап отургылады, кезиктери калталарын сурашкылап, кол бажына былаажып отургылайт. Батка өдүп калган соргуулдарды, тон эдегине, курч бычак ла кертип, канзаарды катап ла азын, ачаптанып тургулагандый, каборто ышты жудуп, кабортозын ойто тумчуктарынан чыгаргылап отурдылар.

Уй улустар бойлорынын соотторын ок алды: бойлорында чүмдеп көктөгөн не бар кийимдерин аыктажып, кажы бирүзинин ус бодгонына кайкашкылап отудылар. Ол жажыл өлөнниң үстинде отурган улустарда, Жолдудын ичиндеги айылдардан жажарып, чөйүлип турган ыштарга да куйунгилеп отургандары бар болды.

—Ой, калак сени, казан жагыла жабып жаткан ошкош. Бу жуунды түрген божоткылайтан болзо. . аракынын амтаны жылыып калар... калак...

Мындай шугаанның ортозында Керек-Жокко куучындаары, жаскыда, чаналу, ан сүрүшкендий бодолду болды,.. Бслужар кижж кенетийин табылды. Челапан өбөгөн өрө ондөйдди.

Койдын түгиндий такталып калган боро чачынын ортозынаг, чычканнын куйругынды кејегези чычайып турды. Жузунинг чырыштарыла тер жолдой агып, жылыжа берди.

—Мен жетен жылга Аза-Жаланнын жанынында жаттым, бирде көрмөс көрбөдим. Айла, оны кем көргөн? Жакшы жерди бийлеп отураарга Кудай-Берген төгүндеген, камдар десе, байга болужып, бистерди коркуткан. Жүк жагыс Чалма унчукпайтан болзо кайдат, тeneгин улустарга көргүспезе кайдар!

Челапан тыныжын эмеш токунадала, мынайда айдып божотты: —Менин санаамда —Керек-Жок чын айткан. Поскотинаны тудар керек, Аза-Жаланга бойыбыс журтаар керек. Челапан, айткан сөзи бу улустарга ончозына жеткен-жетпегенин билерге тургандый, ойто отурбай, бир кезек өйгө

улусты эбиреде аҗыктап көрдү. Уй улустын ортозында база ла куйбуруп келген соңында, делегатка Эзе өрө турды. Ыжы бурлап турган канзазын ичкери улай тудала, бойы дезе, чырайы кызарып, мындый сөс айтты:

Нөкөрлөр, уй улустар! Бис ада јаштан ала карыганча байларга, анчадала Кудай-Бергенге, тере уужап, кой кыркып, уйлар саап, кийим көктөп, аракы астыбыс... Карануйда өскөн уй улустар көрмөстөн коркуп турубыс дешкен болзо, бир эмеш будерге де кем јок эди. Је, эр улустар ондый немеге будуп, күн ашканча тартышкылап отургандарын угарга да јескинчилү... Тфу!—деп, Эзе түкүреле, ойто отура берди. Отурган улустар катап чуркурашкыладылар. Бойы-бойлорына көрүп, каткырыжып, Эзе јазр шоодулу сөстөрдү ийгилеп турарын баштадылар.

—Эр улустын шүүжип јаткан керектерине сен кирешпезен кайдар,—уй улустар кимиреништи.—Унчукпайла отура керек ийне, не керек болды сего?...

Бу мында отурган уй улустар, Эзенин кылыгын узактан бери јаратпай келгилеген. Эзе ончо келиндерден озо делегатка бичиткен. Онын кийининде, улустар чаазынан көрүп, өскө улустын тилеле эрмектешип турганын көрөлө ликпунктка кирип үренерге сөзин берген. Кирге бастырып јүрерин, ол кичүденде сыранай суубеген.

—Ай чыгып келди дезебис, Эзе базып келген туру ийне—деп, ол азыйда јүзин јууип алганын көргөн келиндер шоктоп, айдыжатап болгондор.

Је, Эзени эмди омокөдип турганы, ол јангысла бойы эмес, канча јус мун келиндерле кожо јайым јүрүмге једингени болды. Канча јылга онын эки ийинин кезе баскан јук, эмди јерге түжүп, онын ийинин катап кезе баспазын билин алган. Онын учун сөс айдарга темикпеген де болзо, јалтаныш јоктон айдып турганы ол.

—База эрмек айдар улустар бар ба?—деп, Керек-Јок сурады. Эрмек айдар кижичыкпады: Керек-Јок Кундубейдин мынчаа јогына комуданып сананды: “Оны аймак алдырткан... Кундубей мында болгон болзо, бир канча јаш өскүрүмди бойына тартып, јакшы бүдүмчилү куучынды айдар эди. Ол куучынды качанда темдектү, јозокту төзөлгөлөп айдатан болгон. Је, канайдар да арга јок, бойынын чыгарган шүүлетзин көптөдөргө керек болды.

—Аза-Јалаңды үлежер, поскотинаны тудар деп, јөптөгөн улустар колдорыгарды көдүригер.

Коп кол көдүрилбеди.

—Бу јөпти кем јаратпай туру? Колдорыгарды көдүригер! Бастыралары, јангыс кижидий көдүргиледи.—Бу канайт-

кан улустар болор“.—Керек-Жок кородоп сананды. Эмди ол өскө эбин шууп алды.—База катап бойынын планын жазап куучындап берди.

— Аза Жалангы чеденниг тыштына чыгарарга жөп деген улустар он жанына басып, жопсинбеген улустар сол жанына басып“, —деп, жөп чыгарды. Тере тондор күлүрежип улустар өрө тургылады.

Он жанына жирмеле кижичыгара баскылады, арткандары ончозы сол жанына баргылайла, Чалманы курчап ийгиледи.

IV

Керек-Жок жуунына оору жанган. Эки чыкчыды согулып тизелери мылтырай берди. жагыскан бололо, эрикчилин жайладарга тургандый озо баштап айылга кирбей, удурумга эткен сарайга базып келди, Оңдо укту бука „Алып“ турган. (нөкөрлүктин улустары укту буказын онойдо адап алгандар) „Алып“ буктелип болбос мойынын ичкери сунуп, жаан, тегерик көзиле аяктап көрди, Керек-Жок оны ойынга шылтай житкезинен төмөн ныкый базып, —Алдырбас, „Алып“, Аза-Жалан ошкошло бистин болор. Оңдо жер сүрекей жакшы. Сула бүдөр, амтаңду өлөндөр өзөр . . . Сен айла, ондый немелерди сүүйтенинди билерим мен, —деп, эрмектешти.

Алып, онын айтканын жарадып тургандый, куакай оозын ачала, эдирменду тилеле Керек-Жоктын жаагын жалап ийди . . .

Айылдын ичи кандый да боромтык, чачыны немедий болды. „Эмди каймактан каткан изү, койу чай ичкен болзо“. Керек-Жок кунукчылду сананды . . . „Ногоон эзен болзо“, Онойто сананган сонында там эрикчилду боло берди . . . Отыкты чагып канзазын куйдирип алала, оңдоп калган оттын жанына, боромтык төстөк күлди аяктап отурды. Мындый коронду өйлөрдө Ногоонды санабаска ол бойы да жарт ондоп турганла, же санаазы оңон камаазы жок оңоор барып, үзеери бойынын жаш туштагы жүрүмү база санаазына чыкпай барды . . .

Керек-Жок жаш тушта, жараш уул болгон, Кызыл-күрөң, бөкө чырайлу, алтай улуста анылап көрөр, кара, тегерик, жаан көстү. Кабагы эки көстин ортозыла кечире тудуш та болзо, чырайы качан да жалакай көбөрөм жүрөтөн. Кандый да кижиге туштаза, күлүмзиренип келетен болгон . . . Онын бастыра кеберин үрөп турган неме, кара жагыс, он кулагында сыргазы болды—эр кижиге ондый жазал эби жок көрүнип турган. Же, ада-энезин, ол бала тушта танып берген сыргазын алып, таштап ийерге жарабаска бодоп жүрөтөн. Керек-Жоктон жаан үч уулдар болгон, ончолоры узак жүрбөй, өлгилеген. „Балдарыбысты жаман көрмөс алып жады, —“деп, ада-энези айдыжип тургылаган. Төртүнчү уул чыгарда,

эжикте ээлеген эдү көрмөсти мекелеерге, уулды кыс эдип, кийиндиргилеген. Адын бир де неме керектебезин дежип „Керек-Жок“, деп, адап алгандар..

Керек-Жок канча кату шырканы көрзө дө чырайынын жаражы бүткен бойынын бөкөзи кубулбай өскөн. Бай Кудай-Бергеннин кызы Базым да оны көп катап, кылчандап, көрөтөн болгон. Бир катап, токтодынын болбой, айдып та ийген.

— Сен мени аларын ба, Керек-Жок?*

Керек-Жок десе, оны электеп айтканга бодоп, бир де эрмек айтпай, адына минеле жүрө берген. Андый болорун Базым сакыбады. Ачынганын бадырып болбой, торко чачагын узе тартала, Керек-Жоктын кийининен чачып ийген.

Кижилер, айылду болор сагышты, Керек-Жок сананбайтан да. Бойы жалчы, база кижини кайдатан оны деп, айдаган. Оңдо айыл да, жөөжө дө жок. Тегин жерге сагыжын куй-бурагнаска кыстардан туркаары кыйып жүрөтөн.

Керек-Жок, бир катап тайгада мал кабырып жүргөн жеринде айылга түшкөн. Ол азык ла танкы аларга келесткен болгон. Өзөккө жууктап жүрөле көрзө. Кудай-Бергеннин айылынан анча-мынча ураакта, ышка, карарып калган кийиле туткан кичинек айыл турды. Оңдый айыл, азында оңдо жок болгон. Керек-Жок оны тыг кичееп аяктабады да. Аза-Жаланга канча айыл тургузайын десе, Кудай-Бергеннин табы. Жалчылар оны билер учуры жок.

Керек-Жок ээзинин айылына жууктап ла келерде, ийтердин ундерилене кожо, Кудай-Берген айылдан чыгып келди. „Кару уулым, не керек бери келедин—түлкүдий жылмаарып айтты.—Бойыннын айлына барып туш, жаш үйиң сени сакып жат“.

Аңдый сакыбаган солун табышты угала, Керек-Жоктын колынан тискин түжө берди. Бастыра эдине соок жайылды.. Ол кысты качан да көрбөгөн, кандый бүдүштүзүн билбес. Же, „жаан“ кижинин сөзүн укпай барар арга жок.. Айылга једип келеле, чылбырды чакыга арайданла буулады —колдоры тортло өлүдий. Айылга кирди, Же эшди јанында јаш келин отуры. Оң јениле јүзүн бөктөп алды. Керек-Жок оны тургузала таныган. Ол Кудай-Бергеннин ок казанчызы, Ногоон болгон. Ол кыс база Керек-Жок ошкоч, кичүден ала өскүске өскөн. Олор экү кичүден ала бойлорун биле иш килейтен. Јаныс аай јүрүмдери ажыра олор бойы-бойлорына килежер де болгылаган, је сүужерге олордын сагыжына да кирбей турган. Керек-Жок кайкап, аяктады. Онын јенинин алдынан көстин јажы агып турганы јарт көрүндү.

— Якшы ба? — Керек-Жок араай сурады.

— Якшы ла, якшы ба?— Ногоон оной араай карууна айтты.

Олор экү, ол бойынча, он сегис жыл журтагылаган, же Керек-Жоктын жүреги, ол келинди сүүп, бир де катап изү жүрген тужы жок болгон. Кайда-кайда барганда онын керегинде эриклейтен де. Төбөрүкте бир жыл ажыра Кудай-Бергенин малын да кабырып жадар тушта эрикпеген. Оной кийинде партизандар ла тушташкан. Отрядтар бир ай жүрген сонында, ол Зыряновтон беш адар мылтык сурап, алала, бойы активный партизан болгон. Алтайда ак бандиттерди үзе тудуп божогондо, жуу токтогондо, Керек-Жок айыгына токунаган, же Ногоонды катап көрбөди. Ол бойы партизан болуп-жүрөрдө, Аза-Жаланга бандиттер келген. Ол ач бөрүдий актар, бир де бурузы жок Ногоонды, тудуп алгандар. Сенин өбөгөнни Кудай-Бергенин жөөжөзин кызылдарга берген беде? Ол бойы кызыл партизан бололо, бисти истежип жүрү бе?" Оны сүрекей узак кыйнагандар. Неле тапкапча электейле, жарым тынду кижини агашка бууп салгандар. Ол бойынча, Ногооннын чырайын Керек-Жок катап көрбөди. Ногоонун кыйнадып, электеди өлгөнүн, журт улустардан уккан сонында, ол он сегис жылдын туркунына сүүмчизи жок, эчөмк жүрүмди кожо көдүрүшкен кижин, бойына кару жүрегине, жуук болгонун, Керек-Жок эмдиле жарт билип алды. „Менин учун совет жан учун тынын берген, кайран Ногооным:.. — Керек-Жок бойында кородол сананды.

Ногоон эзен болгон болзо, өмөзи жаныс болор эди. Канча шоодыш, элек состорди, канча учурды эмди жаныскан көдүрөргө керек болды. Кече, айылдаш жаткан, Кознаштын айткан сөзин Ногоон качан да айтпас эди: „Акыр, Керек-Жок-балдар да, карындаштар да жок ийне. Жаныс бойына Аза-Жаланды аларга албаданбанда, жер жетпес пе? Сен бу түймеенди тегинеле баштаган“.

Ого Керек-Жок ачынала, кезем айткан:

— Менде жок болгой, сенде бар. Өскө улуста бар. Жаныс бойынын учун эмес, ончозына туней—якшы болоры учун тартыжар керек. Ленинде бойынын балазы база жок болгон, же ол бойынын бүткүл жажын кысканбай, кемдердин жүрүмине жарык көргүзөргө турушкан деп, бодоп турун сен?"

Керек-Жок ондый өткөн күндөрдү сананып узак отурды. Чай да ичер кууни келбеди. Айакта чайды алдынан тургузала, канказын катап асты. Кайыгнын шандазыла алыштырган таякыдан, чала күрөң-сары ыш чөйүлүп, тундук жаар көдүрилди. Жүс төртөн кижиден менин жаныма турганц жүрмеле... Канзанын ыжын там койулта соорды; кенетийин

санаазына бек тура бергени: Эртең таңла Ортолойго барар, Василий Ивановичке комудалды айдар. Ол быжула болужар:

Эртең эрте турарга, Керек-Жок уйуктаарга жазанып турганча эжикти кижиге тартты.

—Кем ондо!

Эжигерди ачыгар... Мен Малтас. — Чала чочункай ункару угулды.

Керек-Жок Малтаска эжикти ачып береле, отко кургак чырбагалдан таштап ийди.

— Мындый орой тунде кайдаг келдин? Тун ортозы жеткен болор. Малтас оттын жанына, чеберленип отурды.

— Же куучындап оту, каядый керек таптың— деп, Керек-Жок эчикпей сурады.

— Менде ат жогын слер билеригер. Мен Кузейден бир ат алгам... минерге. „Бу атты мин, теринин учун олгон тургузып бер“— дешкен. Кем жок. Мен олгонди тургузып бердим. Бастыра билемле, иштегенибис... Бугун десе, Ырыс келеле, ол атты менен айрып алды. Жуун тушта сенин жаныга басканымды угала, мени боёнынын оштүзи эдип алган эмтир... Мен эмди жойу не болорым...

Малтастын жүзи Керек-Жокко бурулып келди. Онын жүзи неденде коркуган, куп-куу болды.

— Менин санаамда болзо, слер тегин жерге оч-оён баштадыгар ошкош. Керек-Жокко чике көрбөй, араай, онон ары айтты: Аза-Жалангы онон айрып алары, байла, жок.

Керек-Жок кинис эде каткырды.

— Каяйып отуруң, сен! Алып болбос, „Олор жогына канайып кижиге болорун?“ Бу не будүштү эрме тер! Сен Кудай-Бергенде канча жыл жалчы болгонунды билеринге бе, онын учун нени алдын! Бир де неме жок. Эмди Кузейге ок олгон тургускам деп, куучындап отуруң. Айдарда бойун шүүп көрзөн, кемигер кемге төлөмирлү...

Малтас унчукпады.

— Атты бербе— Керек-Жок онон ары айтты, — Олор сенен нени де алып болбос. Жаргылашкылазын. Бястин Совет суды ошкошдо байлардын оштүлдердин адаанын албас.

Керек-Жоктын айдып отурганы ижемчилү де, чокум да болды. Же Малтасты жөптөн алатаны күч болды.

Малтас оло бойы, отты кезе аяктап, унчукпай отурды. Онын тиштенип алган канзазы база очуп калган, же канзазын ол бойы болгободы. Онын эмди де сананып отурганы, байа баштап ла келердеги санаазы болды...

Керек-Жоктын айтканы ончозы чын. Малтас Кузейдин адын тегиндү тузаланып турган эмес. Кузей саап ичерге уйдун да „быйанзып“ берген эмези жарт болгон. Малтаска уйдын

Жанысла суйук сүди једижип турган; эткен сарјузын, чыккан бозузын, торбокко јетире азырайла, Кујейге берер учурлу болгон. Је, ондый да болзо, Кујей келтегейинен ол база „болуштый“ көрүнип турган. Малтас, Кујей ле Ырысты јамандаарга келди деп. Керек-Јок тегин јерге сананбазын. Јок, андый эмес, айла, олорды јамандап сөс айдарга онын јаагы ачылар ба, тили кыймыктанар ба?, Айла, кижинин јүрүмин, бай болорын олор токтодып турган эмес. Өрө турган Улген онойдо јайабай, кезигип бай, кезигип јокту эдип, Улген бойы бүдүрген. Олор ончолоры онойдо алдында туней карууна турарлар. Башказы јаныс сөөктө болуп јат. Кезиги мундустар, кезиги тодоштор. Олор дезе, Малтас ла Кујейдин уулдары јаныс сөөктү-маймандар. Олор алдынан бир јайзаннын улустары болгон, јаныс аданын уулдарынды сананыжып јүргүлейтен. (Јаныс сөөктү јоктуларды „бойлорынын“ байлары канча да кулданза, бистин карындаш“ дежестейдер). Кујей дезе, олордын сөөгинде ончозына јаан јенези — эне бодолду. Онын сөзин укпаска сырамай јарабас. Оныла сен Улгенди тарындыраын, бойынды дезе, јаман көрмөстин кылына берерин. Кем онойдо кылынар, ол кижиге јаан јеткер болср. Онойдо кун тоозына Кујей бойы канча айтпай турган; ого үзери кудајла тил „билижер“ камдар туркаары айдыжып тургылаган.

Андай, тортло беш сабардый, јарт немелерди Малтас канайда ундуган. Керек-Јоктын келтегейине канайда јайылган... Ол кече коомой улустардын сөзине киреле, мендеген бойынча, онойдо кылынып ийген. Кийининде јаныскан артып калала, јанысла ондонгон, Керек-Јок оны кандый јеткерлу јолго баштаганын билген. Айса болзо, Керек-Јок, база бачымыла бойынын озогы јүрген бойына каршу сагыш тапкан. Айса онын айтканын улустар ондобогон? Малтас, байа Керек-Јокко амаадап келерде, шак онойдо иженип келген. А эмди ол нени укты... „Кујейдин өштүзи мен“ — деп, Керек-Јок, эмеш те јалтанбай, коркубай, айдып отуры. Онойдо ок Малтасты база Кујейдин өштүзи эдип койды... Малтастын эткен кереги коркушту уур болды... Эмди не болор? Эмдиден ле кыйын башталып јат. Бүгүн Ырыс келе, адын айрып алган, эртен уйын алар. Малтас јанында јадып, азыранып јаткан улустары, кайра көрүп ийдилер, ол дезе, эмди атта јок, уй да јок, акча да јок, оной кату ачананы көрөтөн, јер ле генери ортозында тенийтен ой келген туру. Андый кунукчылду сагыштар, бүгүн, Малтастын бажына бадышпай турды. Таманынын алдындагы јер туура јылып, бойынын алдында түби јок, кара оро јатканы иле көрүнип келееткендий болды...

Малтас кангазын кончына сугала, өрө турды.

— Сен кайда барарга туруң? Бого коно бер. Керек-Жок, чала чочунуп, айтты.

Малтас Керек-Жокко кылчайып та көрбөди. Ол, тын оору кижидий, эжиктен энчейип чыкты.

Ол барган соңында Берек-Жок узакка уйуктап болбоды. Кунугып жүргөн кижини угуза айдып болбогонуң бойына-бойы, тың чугулданып жатты... Айса, ойто келер болор бо? Же Малтас ойто келбеди.

Ол, ол ок түнде, Аза-Жаланда чеденнин ичиндеги бөкөн талга буунып койды.

Онын сөбгүн эртен тура таптылар...

V.

Тымк сууга таш таштап ийгенде, толкуузы канайда экпичи жарадына чыга беречи эди, онойдо ок Малтастың буунып өлгөнү улустардын жаткан кобы-жиктерине, жайыла берди. Кижиден кижиге, айылдан айылга улайлады. Баш-башынан жарандырып кееркедерде, кижинин куйказы жымыраар неме болды.

Эки таң атту улустар, байала эртен, жабызак артта, жаңыс мөштин төзине тушташкандар.

Олор канчала кирези араай эрмектежерге тургылады, сөстөрүн салкын учурбазын деп тургандый, сөстөрүн жаба тудунып отургылады. Күн бойы ашкан, пастухтар койлорун айдап, айылга жеткен, а олор дезе, куучындашканча. Олор-- Айду кам ла Чалма эку болгон Айду эмди карый берген: бойы корчойгон, көзи жаштанган, уни дезе, азыйдагызынан арайлаган.

— Бу камык керекти Жорыкчынын тенек уулы баштады. Ол Аза-Жаланга жууктап жат. Ондо журт тургадый жер бе ... Көрөригер ле Малтастың кийининен Керек-Жок бойы барар.

— Ол чын, — Чалма жөпсинет. — Мен онын келтегейине кожубаганым жакшы болды...

— Андый куучындар, Малтас өлгөн соңында, Жолду ла Марчалунын өзбөктөринде өрө-төмөн өдүжип турды.

Түндеги сооктор келееткен жасты канайып токтодып болбойтон эди, онойдо ок болор-болбос эрмектер нөкөр-лүктин өзүмин токтодып болбоды. Кезик аразында, оштүлөрдин көп сөстөрине, Керек-Жоктын ижемчилү де улустары, жайа тартылып турдылар. Бир күн Челапан өбөгөн туштайла, жолдон туура кычырала сураган:

— Мен бир солун табыш уктым, ол чынба, айтсаң, Керек-Жок.

— Кандый солун табыш?

— Улустар айдыжып јат... Эмди бистиг уйларга өскө јердин буказын экелген. Угын башкаландырага.. Онын кийининде бистиг келиндерге өскө јердин эр кижизин...

— Керек-Јок ачынала карыганды эрмегин учина чыгара айттырбады.

— Сен карыган киж, нөкөрлүктинг эг баштамы члени, өштүлердин сөзин уйалбай канайып ээчй айдып јадын...

— Кулагым барда укбай кайда барайын. Уксан озо... — Челапан актанарга сананды. — Бойыг бодозон, карыган киж јаш баладый. Укканла немезине ончозына бүдер. Керсү улустар, аайлап, айдып бербегенче бүдүпле жүрер..

Оног бери Челапан ондый куучын айтпас болгон.

Улустыг бир канчазы, Ырысты нөкөрлүкке кожордо дејип тургылаза, кошпогондор.

— Онын малы да көп акчала да бай. Онызы јогына куч болор. Јалагла јоктулардаг кандый туза? — деп, айдыжып та тургылаган.

Кезиктери оны председателъге тудуп алар дејип, тургылады.

— Ол бичикчи. Онын адазы да јайзан укгу. Јан ишти канайда баштайтанын ол билер. Бука неме јеткерлене де бергедий болзо, ондо төлөөргө акча бар.

Ырыс бойынын керегинде эрмек айтпас болгон. „Менин учун өскө улустар айдышсын, ол амыр болор,“ — деп, бойында чикке сананып алган. Је, улустар онын учун эрмек айткадый болзын деп, бойы база көп кичеенген. Танкы тартар киж бар ба? Бу калтаны алыгар, кабак танкы тартыгар“. Андый јымжак сөслө айдып, тере калтазын улустарга көп кетап берип туратан.

Адазы эзен тушта, Ырыс бойы танкы тартпас болгон. Је, онын адазы, танкы ажыра, улустарды бойына канайда тартып турганын, ол тушта јарг көрүп туратан. Байлар улуска канайда јапшынарын јакшы билетендер! Алтай улустыг ортодо: „Јибезе де, јуу тату, албаза да, бай јакшы“, — деген сөсти ол бойына јөмөлтө эдип, ого тайанып жүретен.

Улуска „јакшы киж“ деп айтырага, Кудай-Берген сүрекей көп сүмелер сананып таап туратан.

— Кайыгнын шагдазын ичкенче, менег барып кыдат кара чай ал, танкынын сөөгин тартканча, барып кабак танкы алыгар.

Байдын андый мекечил „быназак“ сөзи, јөргөмөштин уязы чылап, будынан ала бажына чыгара ороп алганын көргилебей Кудай-Бергенди экинчи кеп сөслө мактап тургылайтан: Бардан једер, устен тамар“ . . .

Адазынын андый сүмезине Ырыс јакшы таскаган бол-

гон. Калтазын береле, кичееп көрбөй дө, кем де жүргенин керексибей де отурды. Калта Ырыстан канчала кирези ураганда, Ырыс анча кирелү сүгүнип отурды... „Суузындары канганча танкылазындар, бир, чымчым танкы, ойто меге тузалу сөстөр экелер“. Онын жангыс ла чочунып отурганы Керек-Жоктон болды: „Оны танкыла мекелеп болбос. — Оны канайдар?“...

— Нөкөрлөр! — Керек-Жок куучындады, — Кудай Бергенов Ырысты, коомой кижиде деп айдарга болбос. Ол бичикчи де, ары-бери жүрген де. Жөөжө ондо база көп. Кандый да болзо, оны биске түнейлеп болорыбыс па? Озодо бисти бийлеген байыбыс... бойынын жалчыларыла жараар ба ол?

— Бис ого кул болгон эмес, адазына иштебей! — кем де улус ортозынан кыйгырды.

— Ол чын болбой, — Керек-Жок мендебей карууна айтат, — же, андый да болзо, адазынын жөөжөзи онын колында арткан, бистин колго келбеди.

— Бай улустар байларла, жоктуларла бириклезин. — Керек-Жокко жемешип учунчизи айтты. — Кеп сөстө бар ийне: „Чак чагынча, чана буунча“. Бистин ийдебис бир аай улустар бир болоды, аргалу улусты Ырыс, бойына нөкөр эдил, бириктирип алзын.

— Мен бодозом ол чын. — Эзе жөпсинип айтты.

Чаптыев Күндүбей ачынган бойычна жастыккан кылгадый-таш тура жүгүреле кыйгырды:

— Жок, чын эмес! Табыскакту сөстөрлө бойыгардын колы будыгарды күлүбегер. Онын алдында неменин чынын айдарга жалтанып жадыгар ба? Тарындырбаска турган ийнегер... Күжейдин уулы — ончо журттын ээзи... Бойынын күчиле нөкөрлүк төзөзин деп, сүме айдып туругар Айса ол жөпсинеле, катап биске суранбай, алдынан бойы жада берер... Байлардын нөкөрлүгүн төзөөр озорго жайымды кем берер? Совет жанды мекелеп болбозын! Бистин жоктулар ла ортондор, бай-кулактарла женижерге өмө бир болзын деп, биригип жадыбыс. Бойыбыска иштенип, жыргалду жадарга турубыс. Ол десе, укту бай, биске амыр бербей жаг... Айса, чындапта, слердин айтканыгарча бойларынын нөкөрлүгүн төзөөрлөр Слердин табыскакту, жымжак куучындарыгар кандый жолго баштап турганын эмди билдигер бе! Оны бойына он кулашка жуукатпаска керек! Онын чикезин жарт айдарга керек. Недег коркуп тырлажып туругар. Күндүбей ойто жерине отурды. Жуун өдүн жаткан Керек-Жоктын айылында бир де табыш жок боло берди. Тын одындар каа-жаа тырс эдил, косторы ары-бери чачылгылап тургылады... Отурган улуста бир де ун жок-тым. Олор эмди Ырыстан коркуп, унчукпай отургылаган

эмес, је бойларынын ла сөстөрине уйлала унчукпай бар. гылады. Оны Ырыс јарт билген. Айландыра ајыктап көрди. Көзи чугулду көлөгөш чедиргендер чачылып тургандый, эрди курулып тургандый тартылыжа берди.

—Менин калтам кемигерде жүрү? Баштап-баш болзын, ойто јандырзагар.

—Калта ойто келерде, чарбайган карды толбос болды. Ырыс калтазын үч катап кончына јастыра сугала, төртүнчизинде тапты. Кажыгына јетире, терен сугуп ийди. Өрө турды. Тоннын эдегич тын карчый тартала, курдын учын бектеп кыстанала, айылдан чыкты.

V.

Эзе таг алдында ойгоноло соокко бек кучактадып алганын јарт билди. Бажын тоннын алдынан араай чыгарып, тундукти ајыктап көрди. Күн чыкалак болгодый. Тенери караборо, корголјындый көрүнөт.

Эзе өрө турды. Балдары-учүлези јаныстоннын алдында бойы-бойларына шыкаай јадып, уйуктап јаткылады. Кичү кызычагынын јалагаш буды тоннон чыгала, көгөрө тонуп калганын көрди. Ол балазынын будын тонло ойто јабала, ончолорын эбиреде кыпчып ийди.

Онын өбөгөни Тарбаган оттын јанында јадып уйуктаган, эмнегени јастыгын јазаарда, көзин јүк арайдан ачып, көрди.

Эзе отко энчейип келди. Турундардын үстинде, јымжак апагаш тус уруп койгондый темдектер јаткылады. Ол колыла тудуп көрди—кар...—Ээ, узун мойынду кыш келген туру. Эзе бойында кимирендди.

Бу ок өйдө онын санаазына киргени: „сарайда „Алып, кандый конды болбогой. Бистин јерге үренбеген мал, айса, ол јылу јерден келген, кайдан көрөр?“

Тонын түрген јамызала, эжиктен чыкты.

Бастыра јалан, јалбак кырлар, агаштар—ончозы айландыра сүттий ак торколо ороонып алган тургылайт. Сондоп калган јалбак, аппагаш тарылга ошкош карлар өрөртинен кыйаладып түшкилеп турды. Јанысла башка өң,—күн чыгышта Казан-туунун бажына јаба, күн алдында булуттар кызарып турганы болды Јут болор, “—озогы улустардын айдыжатаны Эзенин санаазына кирди.

Айылдан урак јок, уйлар, јалан јерде јатгылар. Олордон изү казаннын буузындый тыныш бурлап турды, кар түктөрине јапшынып каларда, ончозынын өңдөри бир аай аппагаш немедий болдылар. Кабыргаларынын алдында кар, јылузына кайыларда, кара-күрең јерлер көрүнөт.

Бугун Эзе, ол уйларга алдындагызындый јалакай сөстү

жууктабады. Онын, озоло көрбөргө турганы „Алып“ болгон, оны кичееп азырап көрөри Эзе мойнына берилген болгон.

Эзе жымжак карды кыжырадып, сарайга келди. Тыттын чобыргазыла жапкан жамычанын устиндеги, көбөн ошкош, жымжак кар көкпөйип жатты. Эжиктин бажынан, сарлыктын барбак куйругу ошкош, кар селбектенип турды, база тоормоштор до ортозына, канайда да эптелип, кысталган жадыры. Эзе эжиктин тутказынын тудала тартарда, мойнына. энчикпес кижн өнөтийин чачып ийгендий кар урула берди, Ол энчейген бойынча сарайга кирди.

—Эртен тура келип туштаарын „Алып“ сүүп туратан. Эжиктиле ачары кереес болгон. „Алып“ бойынын жылу төжөгинен турала, ыныранып чөйө мөбрөйлө, семис мойнынын сунуп келетен. Ол, эзендежип- жакшылажып тургандый, бажын да кекийтен болгон ...

—Je бу тужында „Алып“ ненинде учун турбады. Эзе, манзарып, бозомтык сарайдын ичин аяктады— бирде табыш жок. Онын турган јерине түрген барып көрди. „Алып“ мында да жок болды. Оны столбого темир кынжыла буулап тургылайтэн. Эмди көрзө, кынжы сарайдын ортодогы чеденге аркылып калды. Эзе кынжыдан тартарга санаган, је кынжы тыт агашка бадалала, жоон сыраны бүктөп ийди. Эмдиле көрөр болзо, „Алыптын“ эки колы јерге эмеш јетпей, буунып калган туру. Онын эки көзи кыймыктабас шилидий болуп өлүп калган эмтир.

—Эзе бир кезекке аргазын тапай, јаныс јерге тура калды. Көстин алдында кубакай тостоктор тоголоныжып тургандый болды. „Эмди кайда барар? Нени эдер? Керек-Јок кече Ортолойго барган... јанбаган“... Эзе тортло эзирик немедий, сарайдаг чыкты.

—Керек-Јок дезе, бу өйдө аймакисполкомнын председатели Василий Иванович Зыряновло, жылу кчагаган эдерин эркектежип турган.

Зырянов бу керекти сүрекеј јарадып укты!

—Јакшы учурлу керек баштадыгар—Зырянов изу эркектенген. Слердин нөкөрлүктин ады „Јанн-Јол болгонн тегиндү эмес эмей. Буканы чеберлеп, азырап, кыштадып алзагар эзенде английский укту айгыр берерибис.

—Керек-Јок андый сөскө айдары јок сүгүнген бойынча, тунде уйуктап та болбогон. Бүгүн ол Ортолойдо конгон. Јадып алган, сананып јатты: „Јакшы болор. Эзенде „Алыптын укту бозулары чыгар база эки жылда английский укту кулундар бүдер. Ол тушта улус, нөкөрлүктин тузазын көрүн биске кожуларлар. Јус өрөкөгө јеткен согында көр-үжерибис, Аза-Јалан кемге једер эмеш“...

Онойдо сананарда, эди тамла изип, уйкузы чыгып, Аза-Жалаанда жаан, жараш деревне буде бергендий, көзине көрүнип турган.

Тал түш киреде Керек-Жок айлына жууктап келди. Сарайдын жанында жуулган улустарды кечүдин ол жанынан көрүп ийген. „Ондон не болды не?—Керек-Жок бойынан сур-ады.—Ончозы жер жаар энчейип алгылаган?“ Оной жууктап келеле, үч ийт согышкылап жатканын көрди; эки-үч сагыс-кандар казыктарда, кардынан кадалып калгандый, отур-гылайт же, ондо до „Алыпка“ жеткер болгону билбеди. Сарайга жедип келеле көрзө, буканын кабортозын сойгылап салган эмтир. Керек-Жок, адынан түжеле, унчукпай турды. Челапан оноор көрди. Канга уймалып калган бычактуу он колын туура сунала, сол колыла мандайында терди туура арчып, көзүн типилдеди турды. Ого коштой Эзе, тизе-ленип отуруп алган, көзүнүн жажы буканын эдине тамчы-ладып турды.

Керек-Жок унчукпай, узак турды. Калганчыда ла сурады:

—Кандый-кандый темдек бар ба?

—Жок билдирбейт. Чеденнин ортозынан ажала буунып калган, — көп улустар жаныс уиле айттылар.

—Кайда жок!—Челапан ачынды. —Малдын сын арказын чыгара көрзөбөр: көк шилкек болуп калган. Көрүп туругар ба? Жаныс терези ле тежилбеген, теренин алдында эди десе ылбырап калган.

—Көрүгерде!—Эзенин кичү уулчагы, узун, жоон, кайын агаш табала, көргүсти. —Байла бу агашла соккон.

—Ол агаш, колдон колго жүре берди. Ончолоры оны андандыра туткылап, не болгону ол агаштан тындап угарга тургандый болгылады.

„Андый агаш, бу сарайдын жанында качан да жок болгон — деп, Керек-Жок бойында сананды. —Бу сарайдын жанында кандыйла такпайларды, чөл-чөлкөнү ол ончозын билетен. Бука да жобөш болгон. . . . Кышкыда элдин коштой до жатса, ашпайтан болгон; коштой чеденде уйда тудар тушта, ажарга сананбаган. Бу агашла оны кем онойдо согор болды, айла ненин керегинде?“

. . . Колодазын жаратпаган адарулар, канайта өскө жерге качатан эди, улус онойто ок, эки катап чыгым боло берерде, нөкөрлүктен ойто чыгып тура бергиледи. Олор Керек-Жокко жагыстан келгилеп, көзине чикке көрүп болбой, сурагылап туратандар:

„Мени чыгара кырып салзагар“ . . .

Нөкөрлүкте жирме жети өрөкөдөн алты өрөкө артты . . . Олордын ортодо карыган Челапан, комсомолец Күндүбей; өбөгөнү мойнозо до онын сөзүн укпай, артканы Эзе

Коронду тилдер жымжабай тургылады. Туш талазынан Керек-Жокты электеп, шоодып тургандары сүрекей болды. „Күжейдин чымаалыдый кыймыраган малынан бирүзи де ар-сайбаган, Керек-Жок десе жангыс бука экелген, онызы да буунып койды. Оны бис айдып турбай: „Касты ээчип учпа, канадын сынбазын“. „Озогы жаандардын сөзи учурлу: „Тандагы жуудан, бугунги өкпө тату“. Ол келишкени ол ийне.

Бу түймееннен Кудай-Бергеннин үйи—Күжей де куру калбады. Коштой айылдарга айылдап, көп улустын ортозында, он чачын сыймай тудуп, тыркырууш үниле айдып турды: „Эйт, кулугурларды, ачымчылу. Укту мал азыраарга олорго сагыш кайдан келген! Сананган сагышла ол кайдан болот. Алтайдан айдулу, кудайдан салымду неме эмей. . .

Ачуга узери ачу, коронго узери корон болды. Кургак агаштарга от камылгандый, жаны түбек базала кобы-жиктергетаркады.

VII

Јети айга јерди буркеп јаткан кар, јулу салкынга, изу кунге чыдашпай кайылды. Кобычактарды төмөн суулар, бойы-бойлорыла маргаандажып тургандый, күркүреп түшкиледи.

Кардан айрылган күрен јер, јалбак меестер, кеен бүктер жакыл өлөңлө јүзүн чечекле бүркелди. Олоннин бажыла өрт күйүп тургандый, барбак башту күн келди деп, чечектер јайканышты, жапык тыттардын төзинде ачкыл јытту чейнелер талбайышты. Кейди толтура турар јараш јыту јодыра чечеги, ак көбүктий кайнады, табылгы тайа, јыдынаактар ончолоры, тойго барарга тургандый, јазангылады. Аспак ла кайыннын јалбырактары эзинде шыбыштажып эрмектешкилейт. Күрен јес ошкош тыттар да кееркеерин ундубадылар. Кышка, јайга чырайлары кубулбайтан мош, чиб, тиген, каргайлардын өндөри јарангылап, будактарынын бажында муустери тостойжып келгиледи. Чечектер бажыча адарулар күүлешти, ак, сары, кызыл күрен көбөлөктөр кейге јайым кыйа-теје учкылап турдылар.

„Јаны-јол“. Бу нөкөрлүктен канча-канча, јылтыркай түктү башпак тумчукту, јоон мойынду симентал—„Алыптын балдары көрүнди.

Челепан өбөгөннин жангыс јеерен уйынан, база андый боозу чыкты. Айыл ээзи ырызын батыштырбай, кирген ле кижилерге мактанып турды:

—Көрдигербе, кандый! Јаныста болзо онго бодолду.

Андыј бозулар јанысла нөкөрлүкте аркан улустарда, эмес, нөкөрлүктен чыккан да улустарда база болды. Ол улустар нөкөрлүктен чыкандарына ујалыжып, туйка сүгүни-

жедилер: „Мынызы мындый санбашка немези бе“.—Олор бойлорына айдыжып турглады.

Керек-Жоктын көкси кениди. Сыны түзелди, чырайы жарып, көзи туркаары каткылу, он жыл кайра жаш боло бергендий жүрди.

—Эмди Зыряновка барарга кем жок. Английский укту айгыр керегин эрмектежерге жараар. . . Бойы келип көрзин. . .

Энгирде терс салкын болды. Ыш түндүктөн чыкпай, айылдын ичине толо берди. Айылдын ичи ачу ыш, бозом-карануй болгон. Оттын жаркынына, отурган улустардын жүстериле кызарыжып отургылайт. Чалманы үч киж и арайдан-ла тудуп, токтодып тургылады; ол дезде, эмдик кулундый ташталып, кара сууга түшкендий терлеп турды.

—Мени божодыгар! —Ол айры-тейри үниле кыйгырып турды. Мен барып сууга түжедим. Божодыгар!

Ол бирле кезекке жобожып турала, катап кыйгырып турды:

—Мени суудан кем чыгарган? Отко мени кем таштаган? Тошко мени кем суккан! Кем? . . .

—Сени суудан Керек-Жок чыгарган—деп, үйи токто-дып айдат.—Ол сени өлүмнөн айрып алала, айылына өкел-ген; онползон, Чалма, бу сен канайып калдын. . .

Балайдын көзинин жакы кургабас болды. Көп күнге уй-уктабаста, болчок жаагы, карыган эмегеннин жаагы ошкош, копшыя берди. Изү жадышка санаазы чыгып турган өбөгө-нинин жанында, кичү баланы каруулдап тургандый, түнге-түшке айрылбай отурды.

Үч конок кайра, Чалма, тайгадан кујурга жылкы мал түжүргөн. Малда огош кулундар көп болгон. Ол малды Урсулдын суузын кечире айдаарга керек болды. Урсулдын суузы тегинде жаан, түргөн ого үзери тайганын кары бузулган, жанмыр да тын жааган—суу казыр болды. Бир кулун жалбак таш-та тайкыларда, суунын чакпыны жыга сокты. Чалма коркуган бойынча, чечинбей де, сууга чурап ийген. Је Урсул суузы-на чыдаарга кижинин күчи жетпеди. Түргөн суу, Чалманы көдүргөн бойынча агыза берген. . . Күркүреек табышту арту төмөн, ураак жок. Чалма сагыжы бойында тушта, сок жаныс содон таштан тудунып алды. . . „Эмди жаратка канайып чыгар? Бу таштан кол айрылган ла сонгында, артудан бөрүкчеле барып ажары иле. Өлүм ондо. . . Андый арту-лардан качанда киж и түрү чыкпаган“.

Чалма таштан тудунала, узак кыйгырган, болушка кы-чырган. . . Онын кыйгызын ончозынан озо уккан киж и—Ортолойдон жанып келееткен Керек-Жок болгон. Суунын жа-радынан көрөрдө, Чалманын бажыла көрүнип турган. . . Ке-

рек-Жок, мендеп, адыла сууга кирди. Же, Чалмага атла жууктап келер арга жок болды. Суу капталга жеде берген; база ла бир-эки алтам ичкеери жортсо, оны да жеңил агыза берери жарт болды. . . Керек-Жок адынын бажын өрө, сууга удура буруп ийеле, канжаадагы армакчызын турген чечти—Чалма жаар таштады. Ол онойдо Чалманы судан чыгарган. Онын кийининде өңөрөлө, айылына экелген . . .

Ол ок тун Чалма изу жадышка туттырган. Балай ыйлады: „Оскө улустын малына болуп жүреле, арай олбогон. Бойынын жангыс малынын кийининен . . . кижин жок. Мен тегинде бойым оору . . . балдарла отураарга керек . . . сен база ооруду таап алдың . . . жангыс уйыбыс саска түжеле, олуп калды. Эмди канайып жадарыбыс!“ . . .

Чалма жети конок сагыш жок жаткан. Түнде туркаарыулаарып, кыйгырып, кандый да жарты жок сөстөр айдып, кайдары да жүгүрөргө турган. Айылдаштары оны арайдан ла токтодып, төжөккө жатыргыскылап тургандар.

Керек-Жок Ортолойдон доктор алдырган, . . .
Бир ай өткөн соңунда, Чалма төжөктөн турды. Онын жүзи кошпыйала, чөйилип калгандый болды; эки бутта чак жок, жангыла базарга үренип жүргөн баладый болды.

—“Кузей жеңеме барадым . . . —ол эмеш ондололо, айтты.—Уй сурайдым. Азыранар арганы бедиренер керек. Онын кулунын өлтүрбеске жүреле мындый түремел болды“.

Чалма келерде, Кузей жалакай, килемкей болды:
—Сенин кыйналганыңды билерим, көөркийм, билерим, сүрекей, кыйналдың.

Качан Чалма уй керегинде эрмекти баштаарда, Кузейдиг кабагы жемирилеле, оң колыла кулагында мөнүн сыргазын тартарда, кулагы арай жырылбады.

—Жартын айдар болзо, сен коомойло кижин, Чалма, чын-арга жок коомой кижин! Менин талдама кулунымды Урсулдын суузына агызарында, мен бир де эрмек айтпадым. Мен уйды да берерге ачынбас эдим. Жоктуларга бир де неме кысканар күүним жок. . . Же, менде артыкту уй жогын сен бойында билерин, налог учун барган. . . этке бодоп алгандар, кол жукарган. . . Бойыбыс та, байла, сүт жок отураар болорыбыс.

Чалма ойто, не де жок, куру жанган. Ононло бери онын жүрүмү өскөлөнди. Оору жүрегине кандый да кара сорбы артып калгандый, жүрөк болзо тұлтук-бырсык, улусла да эрмектешпес, иени де кезе сананып алган жүрди, Амыр жадып, уйуктабас та боло берди; каа-жаа карамтыкса да, сан башка түш көрүп тургандый, үстине корголжын салып койгондый, базырынып турар.

—Кажы бирде Балайла, түштеле эмеш эрмектежер.

Керек-Жок сууга түжетен болзо, ол эмезе аттан жыгылатан болзо, айла, ол тоормошко бастырза ба.

—Ого не андый кара сананып турун?—Балай кайкаар болды. Ол сени өлүмнөн аргалабадыба? Ол сеге доктор алдыртпадыба?

—Ол меге жетирген жакшыларынын көбизин мен билерим.. Же, онын жетирген жакшызын, мен ойто неле жандырым? Неле? Сууга түшкен болзо мен оны жаратка чыгарар эдим. Аттан жыгылган болзо, мен өрө тургузар эдим. Эмезе тоормошко бастырган болзо, ол тоормошты бойымынын үстиме алынар эдим. Балай, өбөгөнүнн андый куучынына жанысла үшкүрүп отуратан. Андый, сентескеери, сөс-төргө кандый кару айдарын аайлап болбой турды.

Ол ок жайда бир катап, изү күнде Керек-Жоктын айылынын жанында Марчалунын улустары жуулышты. Олордын ортозында Чалма база болгон. Ол үч катап, бир жерден бир жерге солуп, отуруп турды; сыранайла, алдынан суу чыгарда кургак жер бедиреп тургандый, токтодынбай отурды. Жуунда бүткен керектерди де, айткан куучындарды да онду укпады оны кандый да бойынын сагыжы кыйнап турды. Же, ол түргөн туруп, төртинчи жерге отурды, бежинчи де столго жууктап келеле, калын, жалтанбай, өрө көдүрди;

—Нөкөр Керек-Жок, меге бир-эки сөс айдарга жараар ба?

Улустар ончозы оноор бурулгылап көрдилер...

—Нени айдарга туру не? Жуунга тузалу сөс айтпас кижиди... үй улустын ортозында отурган Күжей десе сүгүнди-жалбак, ак чырайына жылу күлүмзирү жайыла берди. Эр улустар ортозынан Ырыс өрө, бийиктей отурды. Ол түлкү жакалу торко тонын эдегин ача тутты, кара килин камду бөөлжилү бөркүнүн кызыл торко чачагы сол кулагынын үстине анданып келди.

Чалма Керек-Жокко жууктай басып келди. Ого изү болгон. Ол эски кой терези тонынын төжин ачарга сананган, же толчызын узак таап болбой турушты. Улуста үн де жок. Ончолоры сакидылар.

—Нөкөрлөр,—калганчыда Чалма баштады,—менин айдарга турган сөзим, айтса бу жуунга камаазы жок болор. Же, андый да болзо, мен айдарга турум... Бу столдын кийининде Жорыкчынов Керек-Жок отуру. Бис экү кичүден ала Кудай-Бергенге жалчы болуп, кожо өскөнибис. Ол меге качан да, бир де жаман этпеген. Менин жылыып барааткан жүрүмүмди, ол ойто меге жандырган. Онызын слер ончогор билеригер. Же мен... Мен десе, ого сүреен жаан шок жетирдим. Эмди мен билип жадым, жанысла ого эмес же слердин ончогорго жаан шок эттим. Оны эмди билип жадым.

Отурган улустар өрө көдүрилдилер, мойындары ичкеери узай бергиледи. Көп сабалары оосторында канзалары өчүп калганын билбей, отурдылар. — „Бу Чалма нени айдарга туру не? Кандый шок болды не?“...

Чалма бажын жабызадып ийди. Үни онойдо ок жабызай берди..

— Слер ончогор бистин укту бука— „Алыптын“ өлгөнүн билеригер... Онын кийининде улустар, Аза-Жаланнын көрмөстөрүнө там тын коркор болгондор... Нөкөрлүктөң ойто чыклаган.., Ол керек, нөкөрлүккө жаан арчамыгын жетирген. Анчадала, онын председатели Керек-Жокко тын күч болгон... Эмди кандый, көрүгөр... Нөкөрлүк ийделенди. Олордын баштаган керектери ичкери, тузалу жолго көндүкти... Анда да жок, көп улустар, оны букага шылтай, андып ок жадылар. Мен андый немени чыдажып угар аргам жок... Аза-Жаланнын көрмөзи мен! Кайын агашты бу менин колым туткан..Буканы.. мен албанла чеденнең ажыргам.. бойымды ок кулданган улустардын сөзине киргем... Бойыгар... Канайсагар да таштазагар да.. Мен слердин колдо.. Андый немени айтпай жүрөр аргам жок...

Чалманын тизелери мылтырт эде берди, отургышка келип түшти, бажын столго көнкөрө салала, ыйлай берди..,

Ончолоры үн жок болдылар. Ырыс коркуган бойынча, энезиле удур көрүшкиледи. Онын санаазында: „Эмдиле тутканча, отурган жери бойынала өй ойылала, оны јудуп ийетен болзо кайдат“. Күжей, үн јоктон, өрө турды; чакыдагы аттардын ортозында турган, мөңүн јазалду күрен-јеерен адын чечип аларга басты.

— Онойдордо, Аза-Жаланнын туткактары, көрмөстөри, олар болбойтон бо?— кем де араай айтты.

Ол сөс, таарыга чедирген чачылгандый, улустын ортозына түшти. Кыйгы-кышкы, табыш-тал көдүрилди. Каргандар, јииттер, эр, үй, улустар— ончозы кыйгырышты. Кезиктери, Күейди ле Ырысты тутканчала, судтазын дежип турдылар. Бир канчазы Чалманы кармап тургылады..

Бу тушта Керек-Жок отурган јеринен өрө турды. Ол Чалмага јууктайла, онын јардынан тудуп, јүзин бойы јаар бурый тартып алды.. улустын табыжы јылыды. Ончолоры Керек-Жоктын сөзүн, Јорыкчынын јангыс уулынын сөзүн сакидылар.

VIII

Күрен күс, Алтайдын үстине, бойынын јараш кеен чүмдерин чачып ийди. Кырда турган агаштар ак-сары, кызыл-сары кийимдерди кийип ийдилер. Кескен арбанын саламдарынын төзөгөзи атпайып турды. Мал јайлаган јердин өлөн-

дөри куу-сары боло бергиледи. Жанысла Аза-Жалан, Жолду ла Марчалу эки суунун жарады жажыл торко жажанга бүркенген жатты. Эрте тургускан обоолор жанмырга карарыи каларда, жажандар оной до жажыл немедий билдирет.

Аза-Жаланга жажандар былтыр да, онойдо озо өткөн жылдарда онойто ок жажарып жадатан болгон. Же, онын журт улуска не туза болды? Бир де жок. Олордын бир эчкизи де оной кирер учуры жок болгон, ондо жанысла Куейдин малы туратан.

Эмди десе, керек оной балка болгон. Колхоз жазалына шок ижин жетирип, Марчалу ла Жолдунун жоктуларын сайгактап, бойы-бойлорун өчөштирип турган керегинде Куейле Ырысты судтайла, ийе берген. Олорды Аза-Жаланнан сүрген. Эмди кеен-жайым, ак чөл—оной улустун тен жери болды.

Тайганын өлөни када ла берерде, көдүрө улустар жылкыларын Аза-Жаланга түжүрдилер. Малды туш таладан айдап турдылар. Кажыла кижжи бойынын малын жажыл жажанга озо жетирерге мендеди. Бир канчалары керени айылдарын экилип ол жажаннын жанына, суунун жарадына тургузып ийгиледи.

—Кажыла күнде, эртен турадан ала Аза-Жаланга малта чатылдаган киреешуулаган, улустун жиркирешкен табыштары, жараш кожондоры, жаан каткылары жыырап тургылады. Ол тургускан айылдардан ногоон ыш чөйилип, аракынын жыды жытанып турды. Күстин күрени бай... Уйлар оной сүттенер, кулундарды база бир кезек буулап, малдын сүдинен кыш келгелекте, ачу аракы азып ичер..

—Аза-Жаланга көрмөс бар деген чөрчөккө эмди бүдүп турган улустар жок болды. Керек-Жокты жамандап шоодып туратан сөстөр токтоп, өскө келтегейине көчти. Керек-Жоктын баштаган ижи жарамыкту боло бергенине улустар жарт буде бергиледи. „Жаны-Жол“ тазөлгөөли учунчи жыл болды. Ол бу үч жылга неле буудактарды өдүп чыкты. Улустар күн тоозына келип, „Жаны-Жолго“ мени чийип салзагар „-деп, Керек-Жоктон сурап жүрдиле. Эмди бу азыйдагы тагына жатканынан тын, алакчызы жок нөкөрлүк эмес болды. Ол эмди сельхозартельдин уставына көчкөн. Ондо эмди алтан жети өрөкө бириккен. Бойлоры алдынан жадарда, көстөрине көрүнбейтен малдары, жаныс, бириктирип ийерде көптөй берди. Эмди олорго, Керек-Жоктын Ортолойдон кредитке алганын кожуп ийзе... Салдалар, үрен чачар машиналар, аш кезер, өлөн кезер, машиналар... Өлгөн „Алыптан“ жаан укту бука... Английский укту айгыр... чын журт жаан да, байда болды. Кыш келип өтсө,

малга базала көп укту кулундар, бозулар кожулар. Арба сула чачылар,...

Колхозтын жөнүлери бүгүндө иле, эртен сакыйтаны онон до көп. Андый да болзо, Аза-Жалаандагы улустын жадыныла Керек-Жок жөпсинер аргази жок болды. Онын санаазында планы башка болгон.

Оскө улустар, малдарын өзөктөги жажанга мендеп, айдап турарда, Керек-Жок колхозтын малын, кедееи тайгадан түжүрбей, тутты. Кедееи жаан кар жааганла сонгында малды түжүрерге сананды. Онон түжүрзе малды ыжык аркаларга тургузар, Аза-Жалааннын койу жажанына тургузар, ондо кыш өткөнчө дө кар жатпас жер: салкын учура берер. Онойто кабырар болзо, кыш ортозы өткөнчө малдын түги де сынбас. Онон ары жаны өлөнгө жеткенче, кохозчылардын белетеп алган өлөндөри жедер. Алдынан да жаткан улустардан жалкурбагандары өлөнди тургузып алгандар. жагысла омордын шүүлтелери тескери болгон. Өзөктөги өлөнгө омордын баштары айланала, оны Кузей ойто келгелекте, малдарына тепседип аларга тургандый болдылар.

—Аймактын жер бөлүги, жерди эртеде үлеп берген болзо. Керек-Жок, бойлорынын үлүзине келишкен жерлерин чеберлеер эдиле.

Айдаров көп катап землемерди ийип, жерди үлеп берер болуп сөзүн берген же землемерди эмдиге жетире ийбеген, жаскыда кыра өйи өткөн, жайгыда өлөң ижи өткөн: күски зологты тартар керек, жажанга малдарын айдап жадылар. Калганчыда, Керек-Жок базала аймакка, Айдаровка келген, онызы десе, ачынган: „Неге торсыктап туругар! Айла, слерге жерди немезин үлеер. Аза-Жалаан базтыразы слердин колхозтын жери. Кайдан кыралайтан, кайда өлөң иштеер-ончозын бойыгар билзегер. Керек болзо кийинивде үлеп бергейис“. Айдаровтын сөзүн жаратпазада, сакыырга чөлөө жок болды. Колхоз күскү кыра тартар бригаданы төзөйлө, ишти баштады. Эмди жажанды ототпос арганы тапай турды. Керек-Жокты бир де кижн угар аайы жок болды. Онын азыйдагы айылдажы Кознаш тижин кыжыраткан:

—Сен биске не амыр бербей турун! Озодо Кузей биске жарык күн көргүспеген, эмди сен, камык жерди колго тудуп, бийдеерге турун ба. Биске Айдаров айткан: „Эмди жер слердин-ончогордын, малды кайда тургузар, өлөнди кайдан эдер бойыгардын табыгар бойыгар билзегер“...

Оны уккан Керек-Жок алан кайкады: „Ол онойдо оморго канайып айткан? Жаан культурный журтты, иштеер анылу жери жок болзо, канайда тургузар—тыныдар?“

Керек-Жок бир кезек сүрекей ачынды, андый да болзо,

колхоз ижин токтотподы. Колхозко берилген Күжейдин туразын школага жазап алдылар. Күндүбей Чаптыев аймонодон бир үредүчи алдыртып келди. Колхозчылар Чапкыр деп, коштой өзөктөн бир тура садып алала, тартып экелиц Аза-Жалаңда, колхозтын конторазы эдип, тургузып алдылар; амбарларды катап жазап чыйрадып алгылады.

Керекте тутак жок болды—көндүкти... Аяс күскү күн болды. Карган Челапан, ого баштаткан он пастухтарла кожо тайгада, малда болды.

Жаргы тушта актанып божодылгав Чалма, уч кижилү Аза-Жалаңда күскү кыра тартып турды. Күндүбей жаш өскүрүмдерди баштап, Жолду бажынан жылу кажаганга агаш кезип турды.

Керек-Жок үредүчиле экү Аймакисполкомго сведение бичип конторада отурдылар. Столдо жайып салган чаазындардын устинде күн жаркындары алтын чымылдый, жорголожып турдылар.

Керек-Жок бойынын болушчызына сүрекей сүгүнип турар болгон. Жалакай Ойрот-Турада педтехникумды үренип божоткон. Аймакчый комсомолдын Комитединин бюрозынын члени болгон, ол аймак ичинде озочыл, культурный ишмекчилердин бирүзине келижип турган. Бойынын көрүм-жилү ижин ол „Жангы-Жолдо“ до көп көргүсти. Же бойы кату сыргынду, кезикте чала тарынчаак та бодолду көрүнип туратан. Онын андыйы Керек-Жокко жарап турды. Жараш колыла бичикти, бир кемле, бичип отурганын Керек-Жок жилбиркеп көрөр болды. Бир түңгей, жараш тоолор онын перозынын алдынан чыгып, бойларынын јерине јергелей тургылап турдылар.

„Бичикчи кижиге кандый, јакшы.“—Керек-Жок угуза сананды. Жалакай, мандайына түжүп келген килин ошкош кара чачын кайра сыймайла, Керек-Жокты, кайкап, ајыктады. Олор Күндүбейле экү, Керек-Жокты, бичикке үрензин деп айдып турганда, ол оны кокурга бодойтон болгон. Чала учкаары кичееп келерде, Керек-Жок ачына береле андый куучынды мынын сонгында база баштабазын, үренерге бош то жок, јаш та өткөн, дейтен болгон. Андый күндерден бери јети күн өтпөгөн, куучынды бойы баштады: „Айдарда Күндүбей ле менин јобогоныс тегин калбаган турбай“...

—Нөкөр Јорыкчынов, слер кажы киреден бери бичикчи улуска күйүнер болдыгар.—Жалакай бойынын сүгүнип турганын јажырып болбой, күлүмзиренип јымжагында сурады.

—Мен олорго туркаары күйүнечи болгом.

—Айдарда, слер не үренбеске јадыгар?

—Мен слерге айткам... Үренерге сондогом. Баштын меези каткан, неме ондоп болбос ыйне.

Керек-Жоктын туркаары айдар ой шылтагы жаш жааны ла болгон. Же эмди онын сөзүн угарда, бойына-бойы бүдүнбөй, Жалакайдан мынайта сурады:

—Айса ол чын эмес? Чындап та менин меем тынла өткүрө катпаган болор бо? Бу керек Жалакайды там тын сүгүндирди. Эмди базала эки-үч жылу сөстөр айтса, Керек-Жок азбуканы колго тудары ураак жок", — деп, Жалакай бойында шүүп алды. Ол андый сөсти тутканчала алгадый болгон, же бу өйдө көзноктин ачыгынан кандый да тын кыйгы, көп улустын табыжы угулды. Ол жанында кыра тартып турган акта кемдер де түймештилер.

Керек-Жок сенекке чыгара жүгүрди. Марчалунын суу жарадынан туунын эдеги жаар чойо тарткан кыра карара жолдолып жатты. Он кирези тан атту улустар Чалманы курчаган, колдорыла жаныгылап турдылар. Оскө салдачылар аттарын токтодоло, оморды ок аяктап тургылады. Керек-Жок оноор жүгүрди.

Коштой өзөктө алдынан жаткандары, тан атту келгилеген. Аттарын чылбырынан тудуп, танкыларын күйдүрерге, отыктарын чагып тургулады.

Керек-Жок келерделе, алдынан жаткандар эменш жобожый бергиледи. Омордын ортозынан кайкап калган Чалма чыгара базып келди.

—Нени улежип болбодыгар?—Керек-Жок сурады.

Колхозто эместер, омордын учун каруды Кознаш айтсын дежип тургандардый, оноор көрдилер. Кознаш ичкеери басты.

—Бастыра жоннын жерин тартар жакаруны слерге кем берген?

—Бир де кижн жакарбай жат, бойыбыстын күүнибисле иштеп турубыс.

—Керде-марда бу жер биске келише кандый болор?

—Омор ончозын колдоорго жат. Күжейден де кайкалы жок!—Кем де ол улустын ортозынан кыйгырды.

Керек-Жок оморды арайданла токунатты. Ол араай, жамандашпай куучындады: Күжейдин жери эмди ончо улустын болгоны чын. Колхоз оны ончозын аларга турган эмес. Ол бойынын члендерине келишкен жерди иштеер учурлу. Күжейдин журты, жери, эки өзөктөн бириккен жоктулардын колхозына берилгенин слер ончогор билеригер. Бойыгар, бодозор, бистин колхоз Марчалунын бажына барып ондо жаткан улустар бого келип, иштеер аргазы бар ба? Анайда жаныс жалкулар кылынар, салдаларын ары-бери сүүртеп жүрүп

каларлар, иш бүдүрери жок. Марчалунын ичиндеги жердин бүдүзи ончозы туней. Ого узери бугунги алдынан жаткандар, эртен колхозчылар болор, олардын жолун бектеген киж жок. Бис бойы-бойыбыска чаптык эдип, согузарга канайып калдыбыс...

Жуулган улустын танкызынын ыжи сарымзак бурлап турды. Чырайлары кату, соок болдылар. Олор ончолоры, Керек-Жок билбес, Айдаровтын айткан сөзин эрмектендилер.

—Ол нени айткан киж болотон?—Керек-Жок онон артык кайкады,—колхозко айдып берген жерди, ологго канайда айдып берер болды?

Күн бадыш келтегейинен жаан туунын көлөткөзи жайылып келди. Ол букке араай өнөлөп тужеле, букти буркеп ийди. Керек-Жок кайкап калган салдачыларды аяктап көрөлө, тұлтүйүжип калган колхозчы эместерди кылчайып көрди.

Булут тамла там жууктады. Жолдуны төмөн энир жыбардын соок тыныжы күүлөп келди. Ол жыбарла кожо, өзөкти төмөн, комсомолецтердин кожоны угулды. Ончолор баштарын көдүрдилер. Кара булут актын устинен өдө берди. Жолду бажынан бери келетен жолдогы, кожон угулган богочыны, кырдан ажып барааткан күн жарыдып турды. Кожон тамла тынып булуттын көлөткөзи, тамла урап турды. Ол кожоннон кыйды... Эмди ол артта күн байагызынан артык жаркыналды.

Күн жаркынына мызылдап турган артта комсомолордун агаш тарткан аттары көрүнгиледи. Эки тегелектү абрачак, тарда тоормоштор көрүнбей тургылады. Өзөктөн көрөрдө ату черү келееткендий болды. Көп дугаларда кызыл маанычактар жайылыжып турды. Эки тегеликтү абрачактарга жеккен аттарына минген комсомолецтер кожондоп келееткендер:

„Кара кулун жаш тушта,
Жою жүрген жогыс па?
Каан жагы болордо,
Камчыладып өскөн жогыс па?
Кара кулун жаанады,
Чыйрак, бөкө ат болды.
Кааннын мойны үзүлди,
Жыргалду жүрүм жайылды“.

Олор күрге једип келериле, эки киж и озолоды. Атан тужкен бойлорынча, кыра тартып жаткан жерди көстөп келдилер. Бирүзи жабызак сынду, таларкак, тыкчыраш, ногоон чачакту, өркө бөрүктү, кара пиджакту уул болды. Экинчизи бийик сынду, боро шинельдү, кызыл сүрүк картусту эмитир. Бу Күндүбей ле аймакисполкомнын председатели Зырянов болгон.

Зырянов ончолорыла көөрөм эзендешти. Же карууна бир до киж и учукпады.

—Бу слер неге мындый чугулду?—ол кайкап сурады, — жаш өскүрүмге күйүнип туругар эмеш пе? Күйүңзе, күйүңер неме бар, көрзөгөр мүркүттөрдү. Тоормоштор бойлоры келип жадылар...

Керек-Жок, соок дөкөнгөндий, каткырды. Ол Зыряновтын келгенине тын сүгүңгөн. Кара жаңыс бу колхозчы эместерле түймөөн чыкканына тын кемзинип турды. Мындый кыйышты бойы баштаган немедий билдирет.

—Уулдардын иштеп турганы жакшыла, —ол Зыряновка айтты—жаңыс ол тоормошторды, ойто тартарга керек болбозун ..

—Ненин учун?

Бүгүн мында не болгонуң Керек-Жок ончозун жазап айдып берди. Зырянов оны чыгара тындабады.

—Бу керекти билерим, уккам. Онын керегинде өнөтийин келдим.

Зырянов ончолорун бойына жууктада кычырып алды. Колхозчылар ла колхозчы эместер, бойы бойлорына аяктайып, Кундубей ле Зыряновты курчай, күйүн-күч жок, отурдылар.

Зырянов Аза-Жаланга алдында да көп катап жүрөтөн. Онын кийининде Москвага, Советский строителъствонун курсына барган, онон бери бир жылдын туркунына Аза-Жаланга жүрбөгөн. Онын куучыны жарт та, чокум да болотов, онын учун улустар кичееп тындайтандар. Суракты качан да көп беретендер... Эмди онын куучынын угарга кезе тындай бергиледи. Куучынды ол чын сурактын бойынан ла баштады.

—Айдаров слерге нени айтты?

Озо баштап, көп улустар, ол суракты кемнен сураганын аайлабадылар. Керек-Жоктон сураган болор бо? Жок, Зырянов алдынан жаткандарды аяктайды. Олор базала, Кознашты, айтсын дештилер. Кознаш кайкай берди. Зырянов айтты:

—Айт, Кознаш, коркуба. Ол слерге нени айтты?

—Эмди жер ончогордын, —деп айткан.

—Ол чын, жер ончогордын. Онон ары база нени айтты?

—Эмди тургуза жарты жок, жер кемге жедер - онызы кийининде билдирер деген. Колхоз дезе, блаап, тартып жат... Бу жер, учында, меге келишсе кандый болор? Олор дезе тартып койгон. Онойдо этсе не болор? Айдаров, кандыйда болзо, начальник-бий, Керек-Жок онын айтканын ненин учун укпай жат?

Колхозчы эместер, эрмек жогынан жөпсинип, баштарын кекидилер.

Зыряновтын чырайы бозомтык боло берди, үни чала кату сырғынду болды.

—Начальник-бий болор тушта болгон, эмди ол начальник эмес.

Ончолоры Зыряновты кайкап көрдилер. Керек-Жок то жакшы ондоп болбоды.

Зырянов ончозын куучындады.

—Айдаров Аймакисполкомды туркаары мекелеп, колхозтордын иштеер жерлерин үлеп, темдектеп турубыс деген. Ол, бу керектерди өнөтийин чөйгөн. Аймакты төгүн сведенелерле „күндүлеген“. Колхозторго до, алдынан да жаткандарга онду, бир аай иштеерге бербеген. Ол слерди өөркөштирген.

—Ол ненин учунонойдо кылынган? Айдаровтын бойын жакшы шиндеп көрөр болзобус, ол тушта јарт болор. Онын јаан карындажы качан да Кудай-Бергеннин приказчиги болгонун слер уккан бедигер? Чолтой Аймактын јоктуларынын тийинин, кузугын... тегинен кайкал алып турган кижн, ол болгон. Бир осьмушка таякы учун, эки јашту букачактар алып турган. Ол бай, жакшы јаткан. Ол Совет јанга удурлажа үч јылдын туркунына јуулашканы тегиндү эмес. Онын кийининде, бандиттер былча бастыарда, ол, Монголиянын јерине качты...

—Ондо барала тыны кыйылган эмей. Отурган улустан кемизиде айтты.

—Өлгөн болзо, не болзын эди, тыны кыйылбаган ийне,— Зырянов јара сокондый айтты. Эмднле јартап көрөр болзо, бистин Азонын заведующийи болгон Айдаров Чолтой аймактагы куйругы јок бөрүннн бойы ол эмтир.

Андый сакыбаган солун табышты угала, кезиктери јерден өрө өндөйип келдилер.

—Көрдигер бе, нөкөрлөр, бистин Азонын башчызы кандый кижн болгонун? Ол эмди Азодо јок... Је, бу керек башка. Бистен ол јажынып болбос. Кара јаныс коомой неме,— бистер бойы-бойыбысла өөркөжип јадыбыс. Оштулердин кармагына илинип турадыбыс. Ол кылыкты биске јоголторго керек. Алдында иштеген землемерди база судка берген. Эртеп бери өскө землемер келер. Јерди ончогорго тен үлеер. Комудалду артпазыгар.

Зыряновтын куучынын сүрекей кичееп тындадылар. Анча-мынча бй өткөндө, алдынан јаткандары Зыряновла карузыжып јакшылајала, атанып, айылду айылдарына јандылар.

Кырачылар салдаларын тудуп, аттарын айдадылар. Курч салданын мизине семис јер тыдырай берди. Өрө јаан бүкте

комсомолецтер тоормошторды кожон-жыргалла тужургилен турган.

Узун тунге чыгара тышкары шуурган шуулап турды. Салкын, тоормоштын жарыгына, печкенин чувалына кожондоп-сыгырып, тураны антарарга тургандый калжуурып турды. Эзе уйуктап болбои жагты. Ол балдарына кезе санааркап турды. Онын санаазында олоры тынла тонуп жаткандарга бодолду билдирет.

Ол оро туруп, керосиндү лампазын жырытты. Туранын ичи жылу да, тымык та эмтир. Балдары жалбак агаш орында жергелей жаткылады. Сатин бостон, тоо тунгине сырып, эткен жуурканы, олордын буттарына туре тебилип калды. Ончолорынын жуэстери токуналу кызыл маралдый жаткылады. Козноктин ары жанында казырланып турган шурганды балдар билбес те болдылар.

Эзе орынын кырына отурды. Озодо бала журуми санаазына кирди.

Эзеден башка олордын билезенде беш бала болгон. Олордын уйуктайтан жери-айылдын эр жанында, тас торбоктын терезинде болгон. Устинен жамынары-энезинин эски кой терези тоны болгон. Канайда да шыкаай жыткылаганда, тон ончолорын жылу кучактанып болбойтон. Жаныс ортозында ла жатканы жылу уйуктайтан. Эзе ончозынан жааны болгон керегинде, бир де катап ортозына жадарга келишпеген. Ондый ырысты огошторынан былаажарга болбос. Онын энези тунде канчала катап туруп, балдарынын тондорун кыпчып, отты жазнада салып туратаны. Эзенин санаазына эм де жарт кирет. Онойып кичееп те турза, балдарына кышкыда жылу коныш ас болотон. Ачу корон соок, айылга туш жеринен кирип, тоннын алдында балдарды турултип ийер.

Эзе, эмли балдарын база катап, корди. Туранын ичин эбиреде айкады. Олор бу турадажарым жыл ажыра жаткан да болзо, Эзе балдары соскко тонбозын деп, эмди де санааркап туратан.

Ол ада жаштан журекти жиген айылдала жаткан болор деп, сананып турар болды, онын учун терен уйуктап болбой, оёгонып турганы ол болгон.

Ол эмди балдары керегинде санааркаары токтоды. Же уйуктаарга жатпады. Онын амыры жок бажын, оскосагыштар жагыдан изидип ийди.

„Жаны-Жол“ колхозто жагыла саржунун заводун эдип будурген. Жап-жаны, будагы жок-коо тыттардан струштап саягантоормошторы свечиге туней болды; ичиндеги жазалы онон артык, неле жузун керекту немези толтура. Жааны кижисынына туней, сут толгойтон, този жылтыркай, кара будукту

Сепаратор-машиналар турды, колло толгоор күрен бочка, ак таладан эткен флягалар, суу изидер төрт булунду тала казан, ак череттү печкеде кондырып салган турды. Бу керектер колхозко жеңилге турган эмес. Заводко көп ийде-күч, акча-жөбжө салынган. Эмди дезе завод белен. Сүт ле келерин, ачалтап, сакып жат. Эртең таң атсала, оны комиссия жарадып алатан учурлу, онын ла кийининде көндүгөр.

Ол комиссиянын председатели Эзе болгон. Мастер Ортолойдон кече келген. Аза-Жаланда улустар алдынан, уйларын көп өлтүрүп тургандары нениң де учун база сагышка кирди? „Завод сүтти тегиң алар, оны ол сан башка машиналарга үреер. Субай уйларды дезе, этке бодоп айдаар“.

„Марчалу ла Жолдунын улустарына андый копты кандый кижжи жайып туру не?“

Андай сөс таркадып турган улустарга Эзе туркаары канын жүдүнүп турар болды. Же, онын ортозында бойында да каа-жаа аланзу сагыш келип жүрөтөн — „Кайдан көрөр, айса бистин жерге жарбас?“

Эзенин андый бүдүнбес санаазын ойто кайра. бойынын ок көргөни туй чаап турды. Оны, Алтай жеринде озо бүткен, сүт заводуна былтыр экскурсияга жүргүскендер. Ондогы уйларды, ондо бүдүп турган иштерди көрөлө, түш жеринде көрүп турганга бодоп туратан. Акыр, бис эзендеги жылдан өткүрбей, мындый заводты эдер ле!

— Гм... Заводты бүдүргөн соңында, оны биске жакшы иштедер керек.

Онон ары, таң жарыганча, Эзе уйуктабады. Тышкары жарыган соңында, лампазын өчүрүп ийеле, көзнөктин көжөгөзүн туура тартып, форточказын ачып ийди. Тышкартынан соок эзин, жарыш эдип, туранын ичине кирди.

Орында жаткан өбөгөни—Тарбаган кыжуурып анданды.

— Көзнөкти базала ачтын ба, кижиге уйуктаарга бербес... — ол кимиренди.

Уйкузы чыга бербезин деп коркугандый, он колыла көзүн жаба тутты. Уйи форточканы ачканла тоозына, Тарбаган андыжатын болгон. Онын учун, Эзе оныла медекешпей токтой бергени ол. Кимиренип-киркиреп токтой бербей. Ол Эзеле таң бажынала кыйыжатын болгон. Канча жүзүн тескери сөстөр айдатын, же андый да болзо, Эзеден ураар аргазы жок болгон. Жүрегинин теренинде уйин тын сүүү, бойынын сөзине кемзинип туратан.

Марчалу ла Жолдунын уй улустарынын ортодо, уй кижинин сүрин баскан—чегедекти чечкен, „Жаны-Жол“ колхозтын жаны эткен мылчазында јунунган кижжи—Эзе болды.

Эзе чегедекти көрбөзи кичүден ала болгон. Бир катап

олордын јаткан јерине Бакай јайзан келген. Ол келерде, ондогы улустар ончозы сагыш јок, јүгүрүк бажында тургылаган. Ол тушта Бакай көп улустарды чыбыктаган. Бир Мынырчы деп, күрсак келинди, сүбей турган уулла кожо јуртабай турун деп комутка кептей салала, чыбыктаган.

— Чегедегин чечпегер, онын мында кайындары көп!— Көзи аракыга туй тижип калган, јайзан онойдо айткан.

„Чегедегин чечерге јарабас, чыбыктаарга дезе, јараар!“—Он јети јашту Эзе, јүрегине коронды бадырып болбой, ол тушта айткан эди.

Мылчага ол уредүчи Јалакайла кожо барган. Олор эку, баштап тушташкан күнинен бери, эпту јүргендер. Төртөн жылга, энеден чыккан күнинен бери кирип јунбаган Эзе, мылчадан чыгарда, кижн таныгадый эмес болгон. Онын чырайы ару, куакай, самыннын јараш јыды ураактан билдирип турган. —Кулактын кийининде, ээктин алдында кирип јунбас болбой деп, Тарбаган иженген болгон. Озогы алтай улустын јанында „кирдин алдында кижинин ырызы јуруп јат, оны јунарга јарабас“ дежетен. Је, Эзе ол до „ырыстарды“ артыспай јунуп салды. Тарбаган тегин јерге иженген.

Саат јокто Тарбаганга база бир ачу-корон болгон. Эзени Ортолойго курска ийе бергиледи. Ондо келиндерди бичикке, көктөнөргө, кийим јунарга, калаш быжыраарга үредип турган. Ол үредү Тарбаган санаазында бир де тузасы јок немедий билдирип турды. Эмегинин барбаска сөстөгөндө, онызы колхозтын правлениезине јарбыган: „Олор ийип јат“. Тарбаган правлениени бурулап, народный судка комудал да берген. Олор комудалды тындап угала, каткырышкан; ол керек неме болбоды. Чат неме болбосто, јөпсинди. Эмди, Эзенин нениле эдип билерине, ол сүгүнип те турат. Онын үйи эмди, городто до јаткан үй улустан коомой эмес, камык немени бойы эдер, келиндерди үредип, таскадып турганы көп болды. Эзе эмди колхозто бежинчи јыл јадыры. Оны мактабас улустар јок. Областан бери сый алган. Эмди бүгүн форточка керегинде база андый. Тарбаган эмешле тап эделе, ойто, үйин тарындырбаска, јымжай берген.

Эзе туранын ичин јазайла, балдарын азырап, школага ийе береле, бойы боро быјыраш кураган јакалу, көк чекпен пальтоло, эки ийинине јайылып турган, јајыл торко, барбак чачакту, түлкү бычкак бөрүгин алала, кийинип алды.

Јажыраары јок чынын айтса, бу өйдө үйи, Тарбаганга там тыгыда јарап турды.

Је, Тарбаган болорло болбос немеге кимиленбегенче, онын тили кычып тургандый болгон.

—Мен сурап јадым: кемнин уйлары, кайдар апарып жадыгар?

Айдунын көзи типилдей берди.

—Билбезим, билбезим... Мени, городко јетире апарыгар деп, айбылаган.

Керек-Јок Айдула Кознашла әрмектежип турган тужында, комсомолецтер көдүрө чанактарды көргөн. Чанак тоозына учтен уйдын бүткүл эди чыкты.

Мал сугадынан бери Челапан өбөгөн жүгүргенче келди. Ол тайагын Айдуга јетирип келип, арайданла сокпой турды.

—Э-э, сен карыган тұлку!—Челапан кыйгырды.—Түште сен төжөктө оору болуп жадын, карла жааган күнде базарлап жадын. Улустын уйларын макелеп өлтүрүп, астадып сadyп жадын!

Керек-Јок Кознаштан, јартын айттырып угарга албадашты.

—Билбезим,—Кознаш манзаара берди.—Айду баштаган. Ого городтон кандый да письмо келген. Турген эт экелзин деп бичиген ошкош.

—Кемнин уйлары?

—Бойымнын!—Айду түрген киришти.—Бойымнын уйларымды өлтүргем.

Айду уйларын әртеден экиге јетире астадып салганын колхозчылар билетен. Олор, письмону көргүссин деп истежип тургылады.

—Кандый письмону айдазыгар? Менде бир де письмо јок андый немени ол кайдан тапкан.

—Тивтизин оны!—Эве! кыйгырды.

—Чын, тивтизин ле!

Айдуны, эрик-јарык бербей, чанактан тужүртеле курын чечтиргиледи. Айду, онтой-сыктай курын чечеле, тонуи ача тартып, мойынында илип алган тере баштыгажын чечип, сүрткүштеле карарып калган чаазындар кодорды.

—Көрзөгөр, бу менин налог төлөп алган квитанцияларым.

Чындапта, олоры налог төлөгөн квитанциялар болгон. Је олордын ортозынан Күндүбей база бир кичү чаазын тапты: Ондо печать та, номер де јок, карандашла бичиген, тегин письмо болгон Күндүбей ончозына угуза кычырды:

„Карыган Айдуга!

Мен ол ок базардагы магазинде иштеп турум. Бистин иш јакшы өдүп јат. Јол үрелгелекте база бир ой кирези уйдын эдин экелерге киченигер. Мен ижевип турум. Слер этти менин иштеп турган јериме экелбей, алдында чылап ок јаткан айылыма экелигер. Баа керегинде сананбагар да. Саар уйлардын учун бааны өрө, бийик беригер. Канча ки-

рези өлтүргилезе, анча ок кирези тузалу болор. Слерге керектү немелер белен.

Слердин А...“

Кычырып божойло, Күндүбей Керек-Жокты ла Эзени аяктап көрдү. Ончолорунда үн жок болды.

—Ол кандый-андый „Олордын А...“ —болгон?— Челапан, тайагын тошко чатылдадып, сурады.

—Чийүзи таныш кол эмтир.—Күндүбей карууна айтты.—Бу Айдаровтын колы.

—Кандый Айдаровты айдат!—Айду аргазын тапай калды.—Ол бу ок жорыктап сала бербей.

—Же, болды, болды!—Керек-Жок катуу айтты.—Аймакта актажарыбыс. Аттарды бурый тартыр!

Агажы жок сары тас тайгадан күн өксөп келген. Жабыстай койу мөштөрдин ортодо, ак тумандар бырсып турды. Мөштөрдин ийне ошкош бүрлеринде, эртен турагы чалынын суузы, шили топчылар ошкош, сурлажып, ак жылдыстый күйүп тургылады; күннин оды чедиргенделип тургандый болды.

Жолдон ыраак жок, койу агаштын ортозында, сүген-согор бойынын өткүн үчиле жаңыландыра эдип турды. Агаштын ортозын жазап аяктаза, онын сары төжи, ончоно жылыткан күн жаркынына мызылдап отурганы жарт көрүнөр. Кайда да аркада, куран, машинанын табыжыч угала, багырыш үнин агаштарга жаңыландырып турды.

Жолдын эки жанындагы жерде, барбак жараш чечектер өзүп чыккан. Олор ончозы, чалынын кургадарга тургандый жүстөрүн күн жаар буруп алган.

Машинанын моторы тамла түргөн тәркырада согулып, тынзынып келди, же оной машинанын түргөн баратаны жок болды: бийик богочы башталды.

Керек-Жоктын жүреги мотор чылап ок тын да, түргенде согулып чыкты. Богочыдан ла ашса, Аза-Жаланы „Жаңы Жол“ колхозы ыраак эмес.

Керек-Жок городко барганынан бери тогус ай өдүп калган.

Ол тушта Керек-Жок Ойрот-Турага бош атту чике жолдо төртүнчи күнүндө жеткен. Ойто жана кандый... Ол байала эртен үч час кайра, городто болгон. Эмди көрзө богочыга жедип келген. Бойынын онойдо бараатканына торт бүдүнбей турды.

Озодо айыл эезинин, койоймдарга саткан чарларын бу жолло Керек-Жок, канча катап айдабады болбогой. Ол тушта бийик кырларды, жалбак аркаларды, жаан чөлдөрди, өдүп чыгарга кандый узаак өйлөр керек болотон эди...

Эмди дезе, ол јерлерди өткүрө шоссеиний јол чөйүлип, јыланның өзөгиндий мызыллап јатты. Автомобильдер не айылу учуп јадылар. Кулакка коштой салкын шуулайт тынышты ала койуп тургандый. Озогы карыгандар тегинду кеп сөстөрүн айтпаган эмтир; „Мынан ары албаты Москвадын јерине мал сааганча, Петербургтын јерине уй сааганча барып келер“.

— Слер эмди бичикчи болдыгар, иштеерге јенгил болор.

— Керек-Јок кенетийин кулагынын јанында өскө кижинин үнин укты. Кайра бурулды. Оныла коштой Василий Иванович Зырянов отурган болгон, ол областька барып иштегени эки јыл ажа берген. Эмди Ортолой аймагына командировкага барып јаткан.

Керек-Јок кирбизий берди.

— Менин бичикчим болгой. Оны айтпагар торт. Јаандай берген кижиге үренерге күч эмтир. Кычырарын кем јок, кычырып јадымла, бичишти көрөр болзо, кардын үстине канадыла чийип ойногон чайдын изи ошкош.

— Алдырбас, озо баштап чай канадынын изиндий мыйрык, оның кийининде табыргынын изиндий түс, коо боло берет. Онын изин билеригер, кандый коп-коо, онын учун тын комудабагар, нөкөр Јорыкчынов.

Је Керек-Јок комудап турган эмес болгон. Ол бойнын темиккен аайынча айткан. Бойнын меези каткан деп, шүүлтезине бүтпес болгониан бери саадаган. Јалакай үредип турган јаан улустардын ортодон оны озочыл деп, көрүп туратан. Колхозтын өскө керегин иштеп божобой до турза, бир ай өткөлөктө адын, өбөкөзин чийер бслды. Керек-Јок эки-үч ай үренеле, бир кичү письмону бичип турар аргалу боло берген. Керек-Јоктын јенүлерине, ол тушта Ортолойдо иштеп турган Зырянов сүрекей сүтүнип, бу текпишке токтобой, онон артык үренерге сүме айдып туратан. Колхозтын председатели бичикти јакшы билер керек. Јон керегинде ле политика јанынан кандыйла сурактарды алаңзыбас билерге керек деп айдатан. Онон башка колхозчылар бичикке ле политический сурактарына үренип алып онон озолой берерлер, ол дезе кийининде артып көрүнбей барар. Керек-Јок андый сөстөрдү јарадып угуп туратан. Јаңысла городко барарынан мойножып турган: „Колхозты канайып таштаарым? Мен јокко озор ондонып болбос“...

Өйлөр ичкери јылды. Колхозчылар ишке тамла таскап, јозокту иштери көптөди. Јүрт јаандады... Учёт тамла тын керектү болды. Көп учреждениелерле, организацияларла бичик алыжатаны элбеди. Ол ок тужында алдында озогы јадынын, темикенин таштап болбой, колхозко кирбеген улус

эмди кирип тургандар. Колхоз керегин башкаратаны там ла там жаан керек боло берген. Кандый да болзо Керек-Жоктын бичикти јетире билбези жаан тутак болгон. Ол бойынын заместители Чаптыев Күндүбейден болужын көп катап сурап турган... Калганчыда, былтыр күскүдө, үрөнерге барзын деп айдарда Керек-Жок катап мойнобогон, үзери сүгүнип барган.

Онын ордына Күндүбей арткан.

Баштапкы үренип турган өйлөрдө, Керек-Жок туркаары санаркап туратан: „Ой, калак, ол күлүктерим канайгылап жадылар болбогой? Не неме боло бергей?“ Је, колхоз коомой эмес јаткан. Онын керегинде Күндүбей туркаары бичип турган. Бир катап, бойынын колхозы керегинде газеттен мактулу статьяны кычырала сүгүнгөн.

Керек-Жок онын ончозын учынан ала санавала, эрик јок күлүмзиренип, тын унчукты:

— Јарганат дезе, јарганат!

— Кайда?—Зырянов кайкай берди.

— Бистин улуста андый чөрчөк бар. Карыган айу јайзан жагын башкарып болбой барган. Айдарда, андар өскө јайзан тударга жаан јуун јууган. Ончо андар, јуулган, жагыс јарганат келбеген. База катап элчи ийген. Ол канадын јарга јайа тудуп, үргүлөп отурды. „Јуунга ненин учун барбай отурун?“—онон сурагандар. „Мен түште учар аргам јок, бу јарды жемирилтпей тудуп отурум. Мен барар ла болзом, јар жемирилер“... Мен база онойто ок. Үренип болбозым, мен јокко колхоз жемирилер“... деп, мойношком.

Зыряновка чөрчөк сүрекеј јаады. Ол узак, токтодунып болбой, каткырды. Онын кийининде, Керек-Жок „Јагы-Јол“ колхозтон кандый солун табыштар алганын сурады. Ол азыйда ады јолдорынан ала билетен колхозчыларын ончозын тоолой сурап бараатты.

— Ол бир карыган өбөгөн кандый жадыры?—Зырянов сурады.

— Карыган?—Керек-Жок озо баштап ондободы.—Слер байла Челапан өбөгөнди сураган болорыгар?

— Чын, чын Челапан керегинде. Сүрекеј өрөкөј болгон. Мен оны сүреендү сүйөтөм. Изү кижн болгон ол.

— Ээ, чын,—Керек-Жок үшкүрди. Курч малта ошкош карыган болгон.

— Ол эмди ондо ок болбой?

— Челапан өлгөн... бу кышта өлди. Сөбгнн јуушпадым...

...Богочынын бажы кийин јанында артып калды. Эмди јол өзөкти төмөн көндүкти. Машинанын јорыгы там ла түргенделин бараатты. Агаш-таштар коштой элестеп турды. Оостон чыгып турган сөстөр дө, салкынга тутырала агаш-

тардын ортозына кайра апарып тургандый болды. Керек-Жок озодо байлардын малын айдап конгон, түшкен жерлерин көстүн кыйузыла көрүп танып бараатты.

Машина кенейтийин кыйрак таштын эдегинче эбире согордо, алдында жада түшкен ак жалган жайкана берди. Эмди Аза-Жалам мынан иле көрүнөт.

— Адыбысты эмеш амырадып алалы ба? Слердин деревнени аыктап көрбөс пө?— Василий Иванович сурады. Керек-Жок жөпсинди. Шофер машинаны токтодып саларда, олон онон тужеле, эмеш өрө бийиктей базып, бугул ошкош таштын үстине отургылады. Керек-Жок, жүрексиреп, жаштана берген көзиле бойындын төрөл деревнезин кезе аыктай берди.

Сегис жыл кайра Жолду ла Марчалунын белтиринде, Кудай-Берген байдын эки кат төрт туразынан, эбиреде жаткан жоктулардын терин жууган, төртөн кулаш сынду эки кат амбарынан башка неме жок болгон...

Эмди дезе ондо жаан да; жараш та деревне турды. Жокдуду өрө барган жалбак оромнын эки жаында, тыт агаштан бидөп эткен, жаы туралар тургылады. Олордын үстин төсла жабала, смолала сүртүп койгон, бастыра тураларды кызыл жестен уруп койгондый, көзнөктөри дезе, күнге алтын ошкош мызылдажып тургылады. Кажыла турага коштой, тыт чобыргазыла жапкан айылдар туру.

Ол ором Марчалу ла Жолдунын бириккенине арай жетпей, Марчалуны өрө бурулды, онызын көргөндө алтай тоннын өмүрине түнейлеш болды.

Бурулчыктын бойында, озодо Кудай-Берген бийлеп турардагы туразы турды. Же, ол тураны эмдиги ээлери кубулган. Чирик төс жабузын кызыл талала солуган. Онын, көзнөктөрүн эки такып жаанаткан. Ондо эмди өскүс балдар жадып жадылар. Ол интернат. Ого коштой жаы, жаан тура— ол жети жылдык школа.

— Ол турганы—сельсовет. Мен барар алдында бүдүргендер. Радио мен тушта жок болгон.

— Колхоз саржу өдер планын артыгынча бүдүрген учун сыйга алган неме болбос пө?

— Ээ, чын! Жагыла сагыжыма кирди. Олорго сыйды ачала берерге сананарда Күндүбей, радио тургузып берзегер деп сураган...

Бирүзи кангазын, экинчизи папирос чыгарып танкыладылар. Олордын көстөри Марчалуды кечире салган жагы күрде болды. Ол суунын меес жаында база башка деревне ошкош көрүнөт. Тегин кичү туралардын, содон айылдардын, ордына узун суйман көзнөктөри көп, туралар болды. Олоры «Жаы-Жол» колхозтын жылу дворлоры. Баштапкы

дворды Ортолойдон техник келип, баштап тудушкан. Онын кийининде колхозчылар үренип өскө дворлорды бойлоры эттилер. Олордын туткан дворлоры, техникка баштадып тургускан двордон коомой эмес болды.

Жылу двордын кийин жанындагы жалбак акты өрө көк арба кылгазы жайкана берген жатты. Ого коштой, чала кара-көк, суланын кылгазы турды. Онон эмеш он жанындагы артта, былтыргы күзінде эки тракторло карарта жолдоп салган жерлери там ла элбеп, орыктап турдылар. Эзин салкынла кожо мотордын тункилдеп турган табыжы иле угулып турды.

— Жакшы, — Керек-Жок сүгүне берди, — айдарда МТС бисти мекелебеген турбай, парды тартарга келгилептир...

Онон өрө көрөрдө, кыр там ла там бийиктеп, өөн бажы жаар көп корум таш сойоктор боло берди. Эмди Керек-Жок ло Василий Иванович Марчалунын ичин көрөрдө, көс же-дерден бери, өлөни тас, чала сарымзак өндү кујурлу актар жатты. Актын ортодо боромтык ортолыктар көрүнөт. Лаптап көрөо ол ортолыктардын кебери таг бажынала башкаланып турды. Кезикте күреелей тегерик боло берер, бирде чөйө суйбайып, бөлүктелип, үзүлүп турат.

— Бистин койлор, — Керек-Жок айтты. — Олор бисте эмди уч муннан ажыра... Ол карлу тайганын ары жанында жылкылар туруп жат... уйлар... Бистин бастыра малыбысты бачым үстүне тоолоп то болбос...

— Чын, слердин колхоз байыган, — Василий Иванович жөпсннип айтты. — Байыган...

Мындый жадын болорына көп улустар бүтпей тургандар, слер билеригер. Күжейдин алдына, коркунчак балдардый, баштарын жабызадала баскылап жүретен. Онон туура сөс айдарга болбойтондор, тилдерин кезе тартып, буулап салгандый жүргилейтен болгон...

Керек-Жок, таңкынын ыжын чөйө соороло, эрмегин баштады.

— Бистин улуста озодо мындый чөрчөк бар болгон. Бир баатырдын эмегени уул бала тапкан. Онызы эки коноло, „энем“ деген; алты коноло — „адам“ деп, айткан, он конгон сонгында өштүлериле женижерге барган. Өштүди жеңген. Бистин жокту улустын жүрүми база андый ок болды.

Өзөктөн чыгара жылу сокты, улустын үсти жанында терең сананып турган барбак кайыннын жалбырагы шылырашты. Онон эмеш өрө, жаш мөштин барбак бүри коолодо сыгыра берди.

Василий Иванович ле Керек-Жок машина жаар араай бастылар.

О Р О Л О Р

Јайгы тан мөнүн башту тайгаларга јаркындалган бойынча, колхоз деревнезин эбиреде канча бөдүвелерди ойгозып, Эптешкеновтын туразынын ичин көзнөгинен карап көрди. Столдо шилизи күрен килиндий ышталып калган, лампа жылтырап турды.

Стол јанындагы тактада үч кизи отурган: „Озочыл“ колхозтын председатели Эптешкенов Сүмелү, областтан келген уполномоченный Јылмарган Тойбосов, калганчызы, колхозтын пастухы Амыров Темир. Эптешкенов сөөгинин јааныла аныланып отурды. Онын эки ийини јалбак, бийик, бажына кемде уур немеле соконынан улам мойынынын эки-үч уйези көксине бадала бергендий, тыкчырайып калган, кыскачак мойынду болгон. Мекечил жылчык көстү, күргүл сары сагалы, каргананын тегенеги ошкош, јүзінде сарбайыжып калган. Тойбосов батпанак сөөктү, тегерик, кыска төнөштій болды. Көп толуун ошкош кара јүзінде бороноттый кара көзи, килемкей немедий, сурлап турды.

Амыров ончозынан јиит, бырчыт, чыдым болгон. Онын көзи, ачык, јарык, курч, сагал өспөгөн, јүзи күнге күрентип калган отурды. Бу улустардын көстөри ичинде кумак урулгандый, өйкөлип турганы уйку јетпегенин керелеп турды. Олордын тан атканча куучындашкан куучыны, јангысла керек учун болгон. Јеткерге түшкен Темирге „килеп“ отургылаган.

— Сенин адын ыраакка угулган, пастух, — Сүмелү тамагына сарју уруп ийгендий араай, койу эрмектенип отурды. — Сени Ойрот-Турада, Барнаулда, Москвада да билип јадылар. Сеге кажыла јыл сайын сый берип турубус. Сенин ады-чуун канча кобы-јикке јайылган. Сенин көзинен бир де уурчы јажынып болбос; сенин кабырып јүрген койлорыннан бир де койды бөру былаап болбос. Бу мындый јаан јеткер канайып болор болды? Сен бойың мындый јескинчылү керекти канайып эдер болдың?

— Төрт меринос укту койлор — ол бир мун алты јүс салковой.

Јылмарган сагышка бодоп ийеле, араай айтты: — Ончозыла ол болзо, канайтсын, бистин колхозты былтырдан бери өштүлер колдын-буттын ортозынан блаажып турганы кор-

кушту. Ончозынан кайкамчылу болуп турганы, бу калганчы төрт күнге, күн тобзынала бир койдон жылыйган.

—Селин бойына бир де кижн сананбай турулар. Же, андый да болзо... койлор јогы чөрчөк эмес.—Јылмарган онойдо эрмектенип, колын јайып, бажын јайкап отурды.

Овын кийининде, ол Темирдин адазын Амырды да сагышка алынарын ундубады.—Јакшы кижн болгон!

Ол бойынын иделу јардыла неле уур јүрүмди көдүрип чыккан. Онын кунукчылду јүргенин бир де кижн көрбөгөн. Ол 1920 јылда ак бандиттердин колына кирбеген болзо, эмди озочыл колхозчы болор эди. Эрте өлди. Јаңыс уулын јети јаштан өскүс таштады...

—Онызы чын, јалтанбас та, јакшы да кижн болгон деп, ончозы айдыжып јат.—Сүмелу, керелегендий, айтты.—Јокту да болзо, баатырдый күчтү, ончо јайзандарды ла байларды өртөп-тургандый, от ошкош тилдү болгон дежет!

Темир, олор экүди элип-селип ајыктап көрөлө, сурады:

—Койлорды кемнин колына табыштыратан?

—Керектин аайына чыкканча... сен бойыннын јеринде болорын.—Јылмарган айтты.

—Севен кайкал пастухты табарыбыс јок.—Сүмелу јара киришти.

Мындыј јымжак сөстөр Темирди там узери кайкатты. Эптешкеновтыг катузын ол јарт билетен. Пастухтарды, санаазын чыгара, талап тургандарын ол көп катап уккан. Кезикте болор болбос немелер учун кизирейтен. Колхозчылар оны „Чыдырт“ деп, тегиндү адаган эмес. Оны Сүмелу бойы да көп катап уккан. Же ол, оны угала колхозчыларга айдып туратан: „Мен бойыма болуп турган эмезим, слерге болуп, колхозты өрө тартарга турум. Менин бойыма бир де неме керек јок“...

—Бу бүгүн кандый сүрекеј јалакај, килемкеј де неме ошкош?—Темир кайкады.—Ајса болзо, областтан келген уполномоченныйдан јалтанып отурган болбос по?...

—Сен бойыннын ада угунды јакшы билетен бедн!—солун кижн сурады.

—Јок, торт билбейтем.—Пастух карузын берди.

—Ол арай коомой.—Јылмарган арайынча јаратпады.

„Мынын керегинде, ол не керектү ајдат... Ненин учун андый јымжак, өңөлегендий. Олор экү, оны неле сөслө айткылаган болзо, торт болор эди. Ондо кандый да сүмелу неме койлорды уурдаган, ол дезе карузына туратан учурлу?... Койлорды ол сатпаган, өлтүрбеген... Же, ол олорды чеберлеп болбогон. Мынызында ол бурулу. Онын керегинде, оныла јымжак эрмектежерден болгой, тап ажыра уйкузын таштап

отурардан болгой, ого жазап адылар керек болгон. Онын жүрегине энчүлү болор эди. Керде-марда бу отурган айылчылар төрт көй жылыткан болзо, оорды карузына тургузарга Темир бар күчин салар эди“.

Мында не болуп турганын Темир оңдоп болбой отурды. Олордын буурзак, кару сөстөри учуналкыш жетиргедий „Же, колхоз жөөжозин чеберлебеген кижиге городтон келген уполномоченный ла колхозтын председатели буурзабас учурлу болор керек. Пастух койлорды та жылыткан, та бойы жип койгон, олоор кайдан билер“...—Темир узак сананып отурала, сурады.

—Мен пастухка канайып артатам?.. Мен колхозко жан чыгым эткем... Колхозчылар эмди меге качан да бүдүмчизи жоктөн көрөр...

—Сен тегин жерге озолодо чаксыраба. “Сүмелү, оны токтодып, айтты.—Сен мактулу да керектү де кижиге. Сенин чыгарган чыгымын кирелү эмесле. Судтаган соондо он жылдан төмөн болбозын бойын билерин. Он жылдан өрө өткөндө, не болотон эди, онызын база билерин... Же, сен бойын ла жакшы жүретен болзон, бир аргазы табылар,—суудан чыккан камдудый, куп-кургак чыга берерин..

—Слер... уурчыны корулаарга ба?.. Мени судка беригер...

—Сакуп ал, нөкөр Амыров,—Жылмарган оны токтодып, айтты:—Менин айтканымды ук. Агаштар ортозында мындый болотон: тазылы чирик, уйан агаш, салкынга чыдашпай жыгылатан, же, ырыска, бажы өскө, бек, чыдым агашка бара-ла, жапшына берер. Бек агаш карындажына шидеен болуп, онон ары экилеси өзө берет. Албаты ортодо мындый немелер болотон: бир, сагыш жок кижиге, бийик кайдан калып, согылып өлөргө турар, экинчизи, жакшы кижиге, оны сондобой, тудуп алала, өлүмнен айрып алат. Онон ары, карындаштардый жүртай берет.

—Же, мен бойымды бурулабай... Мени судка берзин, койлорды бойым жибегенимди слерге көргүзүп берерим.—Темир төжине согынала, тактадан туруп, чыгарга эжикке келди.

—Жок!—актанып болбозын. Оны Сүмелү, казыр унүле, токтодып ийди.—Кыйгырар болзон, бис чынын жарт айдарыбыс. Керечилер көп табылар. Сен койлорды бойыннын колына өлтүрүп жибенинди олоор жарт айдар...

—Керечилер?!—Темир, тын айдала, столго түргөн базып келеле, председателдин жүзине чикке көрүп, кожуу айтты: „Олорды бери экелигер... Слердин керечилеригерди,

—Мендебе, көөркийим... Качан керек болзо, олоор бойлоры келер—деп айдала, Сүмелү кончында канзазын алып, танкы асты.

—Je сеге ачынып турубус, Темир. Качан бирде сенин тузап бистин алтай албатыга једерине ижеенип отурубус. Бу керекти сен јакшы санан...

Темирдин бажы, маскала согуп тургандый, јынкылдап турды. Бу мындй эрке сѳстѳрди городтон келген кижи не керектѳ айдып турганын, ол чатла ондобой турды. Ол арай эбирилген бойынча, эжикти ачты. Эртен турагы јенил, ару јыбар, јараш чечектердин јыдын алганча келеле. оны тышкаары уткуп ийди.

Амыров турадан чыгардала, столдогы ѳчѳмѳк лампа ѳчѳ берди.

Эптешкенов ло Тойбосов бозомды ѳткѳре бойы бойлорына ајыкташтылар. Чырайларынын кандары тартыла берди, кѳстѳри ѳчѳмѳктеле берди.

—Јана тѳшпес уул.—Јылмарган эрмектенди.—Бойынын айтканынан кайра тѳшпей турганын. Андый отык-таштар биске качанда керек болор. Андый улусты бойынын јанына тартып алатаны белен эмѳс, је јоболдо тегин калбас. Сондобоско керек, председатель. Керектин башталганы эптѳ болды...

Эптешкенов бир кезекке унчукпай, јѳргѳмѳштин уйазы тартылып калган, кѳзнѳкти ѳткѳре ајыктап турды.

—Сен канайда бодоп турун, ол менин айткан сѳстѳримнин кабортозын билди бе, јок по?—Јылмарган, председательдин ийинине тайанала, айтты.

Сумелѳ, најызы јаар бурулала, нени сурап турганын катап айттырып угала, тиштерин кыјыратты.

—Бир де неме ондобогон болзо, торт болор эди. Ондогон сонгында—бистин баштарыбыска суу урар. Мен сени ајыктап деп айткам...

—ѳкпѳзиребе, менин најым, Сен улусты ас билетен эмтирин... Ол бѳгѳн тѳймеен чыгарбаган сонгында, бисле бирге болорында аланзу јок болды. Тѳймеен чыгарарга санангадый болзо оозын гуй тут, бажын сууга сук...

— Не болуп турганын ол эмди бойы да јакшы билбей јат, нени эдерин ондобойт.—Тойбосов оной ары эрмекти кѳндѳктирди.—Бисте эмди де, бир чѳѳчѳйдѳн аракы ичип алгадый, ѳйибис бар. Је онын кийининде бистин кѳстѳрибис, онын баскан јеринен кыја болбос учурлу.

—Айылга баралы,—городтон келген айылчыны, айыл ээзи кычырды.—Тиштеги эт ле чѳйгѳндѳ аракы бисти энирден ала сакып јат.

—Олор экѳ, буттарында корголјын буулап алгандый, бийяк бозогоны уур алтап чыгала, эки башка ачылатан эжиктѳ, јабызак айыл јаар бастылар.

—Темир энирде 3 койды тўндеги сторожко табыштырала, деревненин он жанында, койу агаштар ортозында чакпынду, табышту Койдом суунын жарадына келди. Жабыстан кескен, жоо карагайдын тўнѳжине келип отурды.

—Жымжак энир бѳк жерлерге тўжўп келген. Жылу жыбар, ыраак жок кобычактан келип, Темирдин жўзин ле мойынын эрке сыймап турды.

Бийик жардын алдында Койдомнын табыжы, кезикте эзирик улустын табыжынды болды. Кезикте кѳнгдѳй жадыкка тоқпокло согуп тургандый, кезикте дезе, тўнўрдин табыжына тўней болды. Ол табыштын ортозында, жодыранын будагында отурган. Коротынын жараш кожогынын жанылгазы чоокыр-теекир угулат ..

Темирдин бажын кунукчылду уур сагыш жайа тартты. Жылыйган койлорды тўрт конок бедиреген. Тизелери кѳп катап тыркырап бѳктелишкен. Кѳк боро таштар онын жолын туй алып турар болгон. Же ол бир де жерге тыштанбай бедиреп турар болды

Бастыра колхозчылар ортодо „уурчы“ деген сѳс жалкынан тўрген жайылган: онын бойынын санаазында, сыранай жуук найылары — комсомолка Тойу ла карыган Чокуш, таллама кўдўчи, онон туура кѳрѳ берген болгодый.

Кече айылдын жанында жаны кой терези тон кѳктѳп отурган келиндердин эрмегин ол бойы уккан:

— Областьтан сый алган, Крайдан сый алган, ондо до ас. Уурыга колын сунган...

— Ѳскѳ кижиди андый жеткерге кирген болзо, эртеде тўрўге жип койор эди. Бого дезе, тиштери тыгынбай жат—кайдан болзын, макка чыкканда...

Бодолы, ол ўй улустар кере тўжўнеле жаныс ол эрмекти айдышкандый. Тортло олардон качып, кичинек, карагуй куйга бектенген болзо амыр болор эди. Же, мындый амыр бербес сагыштан, мындый, сакыбаган жеткерден качала кайда баратан. Кырлар да оны жакындыратан эмеш пе. Олардын жўзи кайра бурула берген, кунукчыл турулар. Чечектер де жаражын жылыткан, ѳлѳндѳр дѳ кугара берди. Турген суулар дезе, ончозынын учун айдып тургандый:

— Уурчы, уурчы—чык...

Байа тўндеги эрмек оны бўгўн тўжўне таштабады.

„Бу керектен айрыларга сеге бир арга“...—деп, Эптешкенов кўнўрек адарудый кўўлеп турган — „Камду чылап, суудан кургак чыгарын“...

„Ол кандый арга? Оны кайдан бедрейтем?—Темир бойнан сурап, ойто ок карузын айдып турган.—Менде арга жок... Койлорго мен тийбеген деп, канайда актанарым, олар-

дын кайда барганын, качан жылыганын бойым билбей жаткамда? Меге бир де кижн бѳтпес“...

Комсомолецтер, де, жуук та жүрген улустар ого эмди бѳтпес Кече комсомолдын жуунында оны комсомолдон чыгарала, судка берер деп, узак тартышкандар. Карын Эптешкенов ло Тойбосов, эки коммунист оны айрып алган. „Уурчыны“ тутканчала, кату карузына тургуссын деп, тартышкан комсомолдорды олор кѳмѳлѳп ийгендер.

— Айса болзо, койлор табылар—деп, Жылмарган жуунга айткан.—Эртеден ле кижини тѳби жокко не керектѳ ийде салар? Айса ол бир де буру жок кижн...

Бу улустын кылыгын кайдан билер?

— Жуунда мени корулап турарлар,—Темир жагыскаан эрмектенди,—улус жокко дезе, бурулап турар... уурчы деп... Олор ле болгон улустар?...

Темирге кенетийин билдиргени, кем де оны, бѳкѳ колыла тамагынан кыйа тудун браткандый болды. Ол эмдиле жүгүргенче келеле, жылым ташка да согулза, эмезе түрген сууга да калыза, маказы канбагадый...

Ол турала, таралжып, агычакты ѳрѳ басты. Жалбак таштын жанына отуруп,—ол ташты жастанып жадала, кара-кѳк тегеринин тѳбин аяктады. Ондо жаркынду, жылдыстар, кѳп одулар ошкош коштой-коштой, мызылдажып тургылады. Ол жылдыстардын алдында, койу кейде, тегеринин текези эжинип киркиреп турды. Канадын кыйа тудала, чике тѳмѳн шунуп ийер, канаттары дезе, ѳрѳртинен жаан конко тѳжүп келеткендий, жыырап турар.

Бу ѳйдѳ Темидин сагыжы та тегеринин текези керегинде чѳрчѳк келди. Ол куш кажыла жастоозына тѳрт жымыртка чыгарар, онын тѳрт бала болор. Кере тѳжүне олорын азырап, олордын жанында оролыжар. Балдары жаандайтаны да белен. Ле онын кийининде, энези бирле кичѳ ыраакка, учуп барып, келер болзо, олордон не де жок, жоголып калар. Онын балдарын кандый неме жоголтып турганын, ол чатла ондоп болбой жүрди. Ле бир катап кѳрзѳ, онын жылу уйазынан ары жылып брааткан ачап жылан кѳрүнди.

— Мен де база сууген балдарымды тапай калдым... Онын кичивек жүреги ол кирези коронды бадырып жүрер аргазы жок болды. Ачуга түшкен энези, бойынын комудалын айдып, ыйлаарга тегеринин тѳбине учуп чыккан.—Бѳдүвенин балдары бѳрүкке толтура, талтардын балдары таарга толтура. Мен жоктунын, жылдын сайын турганы тѳрт балам ачап жыланнын азыгы. Ташка тѳжүп талаладым, мыска тѳжүп бузуладым. Кр-р-р-у-у!.. Кр-р-р-у-у!..

Кичѳ болчок кужучак, мергедеген таштый, тѳмѳн тѳжүп

кледеле жылым ташка једип ле јүреле, канадын түзейле, ойто өрө чыгар. „Тыным керек, тыным керек!“—деп, омок айдып барар.

— Тыным керек, тыным керек,—Темирдин эрди эрмектенди. Чыңды табарга Совет жаг меге болужар болбой.

— Соок таш—коомой јастык эмей,—сырагай јуук базып келген кыс кижинин чокум таныш үни угулды.—Сен не керектү мында келип јаткан?...

Темир тура јүгүрди. Эки алтамнын бажында Тойу турды. Уулга кенетийин эби јок болгондый, ол туура көрөлө, шаншагыла мандайында терди арчыды.

— „Бу бери не керектү келген? Менен не керек ого“...

— Јер јаар көргөн бойынча, бойында сананды.

— Је, сеге санаркаарга болды. —Кыс мында эрмектенди. —Менин келгеним... Мени сеге карыган Јалтанбасов Чокуш ийген...

— Чокуш?!

— Ээ... Ол ийген...

— Сен коптон-шиптен, коркубай турун ба? „Уурчыла најылажип туру!“—дежер ийне.

Кыс јоон јадыкка отурала, бозомды өткүре, үн јоктен, уулдын өчөмүк чырайын кезе ајыктап отурды. Темир ого коштой келип отурала, омогы јок көзиле оноор көрди.

— Менин келгеним... Меге карыган Јалтанбасов айткан: „Барып Темирге айт, мен онын актууна, бойыма бүткенинен артык бүдүп турум“,—Тойу эрмектенди,—Карыганнын санаазында, бистин колхозто өштүлердин танмалары уйлап јаткан кеберлү. Је ол танмалар удабас темир чакпыга тугулар!

— Айдарда, ол меге.—Пастух, кыстын колынан тудала, тын ныкып ийди.—Ол меге бүдүп јат па... Бу чын ба?... Је, бу јарыкта бир кизи бар ок туру...

— Ненин учун бир?... Онойдо айдарга сеге улад эмес пе?... Сенин санаанда, мен сеге бүтпей тургам ба?

— Мен... мен онойдо сананарынан јалтангам... Је... Је мени „уурчы“ деп, алап тургандарын укпай турун ба? Койлор табылбаза судтаар... Ого үзери, колхозто эки-үч жылга канча чыгым болгон, оны база менин мойыныма салардан магат јок...

— Бу не, карыган эмеген болуп, калактап отурун.—Тойу, Темирдин јардынан силке тартты.—Качанда бек санан, ончозы јакшы өдөр.

Тойунун андый сөстөри, Темирдин јүрегиндеги коронды јаан сускула сузуп чыгаргандый болды. Ол бажын өрө

көдүрди. Тойунун омок көзине чикке королб, канча күнге каткырбаган бойы, күлүмзиренди.

— Алкыжым болзын. Тойу сенин меге будуп турганын, ол менин жүрүмүмди чечектендирип жат!..

Кыстын кызыл марал, тегерик чырайына күлүмзирүү чечектеп келди.

Бир эмеш унчукпай отурала, Темир Тойудан сурады:

— Менин көзиме көрүнбей, койлорды кем уурдап алар болды, айтсан?

Кыс бачым эрмектенбеди. Онын сагыжы өскө жерде болгон. Ол тын саадатпай уулдый коронду савааларын жайлатканына сүгүнип отурды.

— Карчага да сенин ортондо өөн кыйыш жокпо?—Тойу сурады.

— Карчагала ба? Бистин кичүден ала нажы болуп өскөнбисти сен бойың билетен. Же былтыр, ол колхозтын кушазын жигенинен бери, бистин ортобыс ырашкан. Ол туркаары меге карагайдын чаганазы чылап, жапшынып турганла, же мен оныла ару жүректен катап эрмектежер аргам жок болгон.

— Ол бүгүн таң эртеден ала, энирге жетире Тойбосов ло кожо базың турган. Айылдарга да кирип, дворлорго до барып жүргөн... Энирде десе, саржу заводуна баргылаган. Эптешкенов база кожо.

— Эптешкенов ло Карчаганын ортолорынаң жуугажы сыраңай коркушту, суу да урзан өткүрө агып чыкпас. Карчага эмди мен жаар көргөндө, күнге чике көрүп тургандый, көзи тайкылып турар.

— Сен... жаркынду күн, онызы чын...—Тойу онойдо эрмектенеле, төмөн көрүп уялгандый, күлүмзиренди.

Олор узак куучындажып отургандар. Олордын куучыны көп болгон. Бу керектен айрылза эку, сүгүнчилү журт-жургаары керегинде эрмектешкендер. Оштүлөрди канайда бедиреп табарын шүүшкендер. Темир, Эптешкеновтын айылында өткүргөн түндеги куучынды да ого айтты. Тойу бу керектин жартына чыгарга, олор нени эрмектешкенин, кандый сүмө айдышканын канчала катап сурап турды, же, председателдин айткан айрылар аргазы, кандый арга болгонун ондоп болбоды.

— Чындап та ол, сени жеткерге суккан киживи билет эмеш пе?—Тойу сурады.—Чындап та, ого жалакай болуп, ошон сурап угарга керек болот эмеш пе...

— Кандый да болзо, сананарга керек... Айса ол меге

жакшы эдерге туру... же, жакшы күндүлү жүрөрдөн озо, жалынарга керектү болочы эди...

Тойу жаан үшкүрө, айтты:

— Эптешкенов сүрекей сүмелү кичи, ундуба. Ажыктанбаган алтамды алтаба. Ол сени жети тиштү кармак-ла каптырып алганын, билбей де каларыннан мага т жок. Бис оны жакшы билбезибис.. Кайдан да, билбес жерден ийе берген кичиге канайып бүдөр?

— Областыта оны байла шинжилеп көргилеген... Онон башка бери ийбесте эди...

— Шинжүчилдер де база жүзүн-жуур болотон...

— Сенин бу айтканын чын, кару Тойум!

Кыс, сүгүнген бойынча, уулдын жүзине чикке көрөлө, өрө турды. Темир оны колтыгынан жөмөй тудала, айылдар жаар араай баскылады. Кырдан түшкен жылу эзин-жыбар эки нөкөрдүн жүзүн эрке сыймап ийди.

IV.

Ол ок жымжак түнде колхоз, деревнезинин алты жанында, одургак жолдын үсти жанында, жылым таштын алдындагы уч тыттын төзінде, үчү отурган. Олор бери бозом киргенде келгедер. Аттарын агаш ортозында таштагыдаган. От салбаган. Канзада тагкы күүдүрерге серенкең бөрүктин ичине күүдүргилегендер. Жөдүлдөри келгенде, жерге көңкөрө жадып, жымжак женеске жөткүргилеген. Оны тууразынан көргөндө, жайгыда тус сагып отурган анчылардый болды. Же бу анчылар чын анчыларга түнөйи билдирилбеди. Олордын ортозында ичинде толтура аракылу, тажуур, кара бакадый тастайа берген жатты. Олордын шымыражып отурганы, тыттын бүри, салкынга кыймыктанып, шыбыштанганына түнөй болды.

— Бу уч тыт, он беш жыл кайра, кичинегеш болгону сагыжына кирет пе, Сүмелү?—Тойбосов сурады.—Эмди десе, жанмырлу күнде, айгырлу мал ыжыктанар болуп калган.

Же, ологорго не жетпей жат?—Эптешкенов айтты.—Олор кыйын, шыра деп немени билбей жат ийне...

Же Жылмарган бу тужында меести төмөн көрүп отурган, өзөк жаар, абыранын жолы айдын жаркынына билдирер-билдирбес ле көрүнип жатты. Ол озогозын сананган: „Ол тушта ондо чичкечек жол болгон. Көк боро шлемдү, атту Кызыл Черүлер, ол жолло чубалыжып, өдүп жадатандар. Тенери айас болгон. Кобы жикте ээзин де жок—тымык турган. Ол атту улустар тенеринин күкүртиндий табыш болорун, таш мөндүр жаап келерин билбегендер... Ол тушта, бу каскакбоомнын алдынан көп мылтыктар жууп алган... Сүмелү десе, ыраактан көрөтөн... Жаан баалу туранабайга жединген: эмди де, жол-

дын алты жаңыдагы корымды жазап көрзө, аттардын да, кижилердин де куу баштарын канча оннон табар“...

—Сен жаш кижиге, чын жүрүмдү көрбөгөн—деп, айдарга келижер.—Эптешкенов, Карчага жаар көрүп, эрмектенди.—Же, мен эмес болгон болзом, сен түрмеде жыдып отураар эдинг...

Карчага тажуурдан аракыны урала, Сүмелүге, чөбдөп, тырлажып турган колыла берди.

—Өлгөнчө слерди алкап жүрерим...

—Уккурла ууд болзон сени качанда орого ийде салдыр-базым. Менин айтканымчала бүдүретен болзон, мен сени томонокко тиштетпезим, толоного кадатпазым.

—Мен кичеенип турум: менин ижимнен чек тапкан кижиге, жымырткадан кобы-жик табар:

—Бойынды мактаба. „Мактанчыктын таманы жукачак“ деп, кеп сости билетен бедин?

Карчага күлүмзиренип отурган. Же, айла, ол канайда сүгүнбес? Озодо кату шыралу жоктуга өскөн. Оны бир де кижиге билбеген, бир де кижиден күндү көрбөгөн. Эмди десе, колхозтын председателиле, областтан келген жамылу кижиле коштой отуруп, аракылап жат. Олорго алкыш жетирет, анчадала Эптешкеновко. Бу күргүл сагалду, жер үстинде оннон кату кижиге жок ошкош билдирип турган күлүк, былтыр оны жеткерден айрып алган. Ол тушта Карчага, бир аяк аракыны ичип, эзирген керегинде, колхозтын бир койын сойуп жиген. Онын керегинде, оны колхозтон чыгарала, судка берерге санангандар, Эптешкенов десе адаанына кирип, айрып алган: „Карчага жокту биледен бүткенин ундубас керек, колхозко десе, онын жастыра ижиге жагыс бу. Укту куча канча болор, төлөп берзин, бис десе, онын бир жаманын таштайлы“...

Кучанын баазы төрт жүс салковой болгон. Карчага бойынын жагыс уйын садарга турарда, Сүмелү ого, счетовод кол салган, квитанция экелип берген.

—Мен сенин учун акчаны төлөп койдым—деп, ол айткан.—Сен десе, онын учун меге кийинде бир кандый керекке болышкыйы...

Бир канча күндөр өткөндө, председатель Карчаганын айылына бозом энирде келип кирген. Онын чырайы, кандый да уур ишке арыган кижинин чырайынды болды.

—Же, Карчага, мен сени арайданла айрып алдым. Ол бир кыйгычы, копчы Амыров Темир, сени түрмеге ийер деп, аай жок албаданып турган.

—Темир?! Ол менин кичүден ала сүрекей кару најым эмес пе!..

—Ондый кижиге бойынын најызын жамандаарынан коркор-

дон болбой, төрөл энезин де түби жок орого ийде саларга белен.

Олор экү, тун ортозы өткөнчө, куучындашкандар. Ол тужында председатель Карчагадан чыгып браадала, мынайда айткан:

—Амыровтын кулагынын уккуры ийт ошкош, көзинин курчы кускундый. Бу керекти ундуба..

...Карчага чөбөчөйди базала аракыла толтырып берерде, Тойбосов ичип ийди. Онон бойынын жүрүмин эрмектенген...

--Амыров ло сенин ортогор чала ырап жүргөн бе?—Тойбосов, кенетийин, сурады.—Бу чын ба?

—Чын, былтырдан бери...

—Онойдо жадарга жарабас.—Тойбосов Эптешкеновко кылчайды.—Эки жаш уулдын ортодо өөн чыгып турганын председатель канайып көрбөй калган?

—Олор ойто эптешкең болор деп санангам.—Сүмелү араай, бурулу немедий айтты.

—Санангам.. Сананар эмес, күн тоозына аыктаар керек. Бойынын улустарын канайда көрүшкилеп турганын, кандый жатканын, сен ончозын билер учурлу. Бир, болор болбос немеден өөркөшкилегенин тутканчала жоголтор керек.

Тойбосов колын Карчаганын ийинине салды.

—Сен најым, эртен Темирге кыйалта жоктон тушта, менен жакшы айт. Мен онын учун бар күчимди берип турум, оны түрмеден, эрмеги жокко айрып аларым. Ол—жакшы уул. Ого онойдо айдарым.

Онон Карчага тажуурды өрө алып, жайкады—аракы койтылдабайт. Майчык будына өрө турды.

—Же, айыл жаар бараалы.

Карчага, качан ок-агаш ортозындагы аттарды жединип экелди.

—Эрлү-эр! Озогы бистин алтайлардын жанын билип жадын!—Карчаганы Жылмарган мактады. Аттар, бажын кекип, одырак жолло сайак бастылар.

Өрө бийик, тал түш киреде изү күн турды.

Карыган, жоон тыттардын төзинде койлор серүүнденип жаткылады. Олордын карындары, кол көрүктый, тастандашты. Кургак тилдери, оосторынан чыгып калган жаттылар.

Сол жанында, жаран чечектерге чүмделген, баалу кибистий, жалбак меес жатты. Он келтегейин—койу моштор. Ондо, бойларынын балдарын каргалардан корулап турган, баарчыктардын табыштары чыдырайт. Өрө бийик, айас теңериде, эки мүркүт, жемит көрүп, кайып тургылады.

Пастух адынан түжеле, эбиреде аыктап көрди. Карыган тыттын төзинде чымалынын уйазы, жаан буулдый жат-

ты. Ондо чымалы, кайнап турган казаннын үстиндеги узиндий, кыймыражып жатты. Онон ончо жанында жалбак сары жолдор. Ол жолдын бирүзиле көп чымалылар тыттыг сынык чырбагалын экелип жадылар. Туркаарыла тыштангылайт. Олорго удур аскөзи келет.

Агаш апарып жаткандарына жедип, чырбагалдыг учурин көрөлө, ончолоры мендеп келип больштылар, ол чырбагалды уйазына өмөлөп женил жетире бергиледи.

—Өмөлү карындаштар!..—Темир жагыскалдыра тын айтты. Неме жеткерден бойы-бойлорын айрып алып тургылаган болбой кайсын?..

Адын узун кыл армакчыла армакчылайла отурды.

— Менде эмди нажылар жок.—Мен слерден аскө бир де кижиге керегим жок..—Ол, тыттардын төзинде, жаан кийис жайып койговдый, жаткан койлорына көрөлө, бойына айтты.—Слерди бөрүлерден коруйдым, балдарыгарды мүркүттөн чеберлейдим... Слер кижиге тилин билетен болзогор, ол төрт кой кайда жоголо бергенин меге айткай эдигер. Айса онондо аскө немелерди айдар эдигер... Мен ажындыра билип турум, слердин айдарыгарды... Бис слерге азыдан берн бек карузыжып жүргенибис. Тойу ла менин нажы жүретенибис узакка болор, та жок—онызын мен билбей турум. Мен керек дезе, ол менин актуума бүлүп турганынын чынына да бүтпей турум. Айса ол мени шиндеп, ченеп турган? Чокуштын да меге азыдагыдый нажы болуп, меге бүдүп турганын билбей турум. Айса Тойу төгүндеген?..

Агаштар ортозында кургак будак тарс этти. Пастух тура жүргүргөн бойынча, оноор ажыктады.

Агаштар ортозынан ак-боро атту, Карчага жортуп келди. Күндүлөп тургандый күлүмзиренеле, пастухтан сурады:

— Коркуй бердин бе, нажым? Мынын вийининде кожондоп келип тургайм...

Темир, ого кару бербей, бойынан сурады:

„Ол, колхозто ижин таштап ийеле бери не керек келген?.. Мени алдыртып жаткан?.. Же, ондо не бар?.. Мени не сагып жатканын карын түргөн билгейимле“...

Карчага адынан түжеле, Темирге колын берди.

Темир кату сананып, келген кижинин көзине чике көрөлө, онын эрдиндеги күлүмзирежи албан бочолду, көзи дезе, күнге удур көрүп тургандый, тилдеп турганын жарт көрүп алды.

— Кайда браадырын?—Тимир чала кату сурады.

— Мени Тойбосов ло Эптешкевов ийген.—Карчага неме ондобос болуп айдала, үзери кожуп айтты:—Олор се-

нин керегинде тын турулар, бу керекти судка јетирбези-
бис деп, айдыжат.

— Менде колхозко беретен акча јок.

— Айса, койлор табылар... Председатель Тойбосов кой-
лорды табарына, база тын кичееп туру...

— Көп күндер өткөн, койлордын табылары јок. Мен билерим... Темир Карчаганын јүзине кезе көрди, је-онын мойыны чамчанын јаказына тужуре кызара бергенин көр-
бөй калды.— Табылары јок, бөрүниң казаны койлордын эдин кажы јерде кайнадып, куу сөөгин де артырбай, божодып койгон...

Карчагада үн јок.

— Сен мени кичүден ала билериң.— Темир оной ары эрмектенди.— Мен бу өйгө јетире улустан бир ийне де уур-
дап албадым. Је сенин де акту бүткенинди мен билетем...

— Мени јангыс аракы үрөп јат... Былтыр... акту сөзим, кучаны кавайда өлтүргенимди эмеш те билбейдим...

— Төрт туйгакту ат та бүдүрилип јат... Эптешкенов сени, сондобой, айрып алган...

— Чын, алкыш болзын ого, јакшы кичи ол... Бис оны „Чыдырт“ деп, тегишле адаган эмтирибис. Эмди дезе, ол сени айрып аларга јат. Ол оңчозынын учун.

— Мактаарга мендебе!— Темир кенетийин, тын кыйгыр-
ды.— Качан бөрү кулунды тудуп јиир ачабы келгенде, јер-
ге анданып, јаман сагыжы јоктый, јалакай болотон. Кулун оны соныркап көрөргө јууктап келер, бу тужында бөрүниң курч азузы, кулуннын санадына бадала берер.

— Сенин ле айдып турган сөстөринди.

— Мере болзо, Сүмелү каранүй кичи. Онын туулган јерин мен билбесим, кавайда јатканы мере база јарт эмес. Баштап колхозто, чындапта „Чыдырт“ болгон, эмди дезе, торкодый, јымжак. Ол ненин учун андый?

Пастухка кандый кару беретенин Карчага ондоп болбой барды. Ол дезе, кенетийин, бала туштагы јүрүмди сагышка алынган, ачана јүрүмди, байлардын малын шыралап кабыр-
ганын, эки уулчактын эптү жүргенин... Ненин учун айткан? Байлардын уулдары оларды базынбаганча, электебегенче күн өтпөйтөн болгон. Иш этпес јалкулар, бир шоктын кийи-
нинде база бирүзин сананып табатандар.

Бир катап омор, кичинек Карчаганы тудуп алала, теге-
некте турган сары адарунын уйазынын јанына агашка кай-
ыш армакчыла бектеп буулап койгондор. Онын кийининде сары адарунын уйазын согуп йеле, јуре бергендер. Уулчак-
тын айры-тейри кыйгызы урактан иле угулып турган. Те-

мир, оны угала, келип бычакты чупчыган бойынча, армакчыны эки-үч жерден үзе кезип ийген...

— Байлардын, бөрү жүзүндий, чырайларын бис экү жакшы билетенибис. — Калганчыда ол онойдо айдала, онын кийининде кару сурады: — Бойын бодозон, андый жүрүмнүн кийининде менин колым колхоз жөөжөзине кодүрлөр бе?

Агытмановтын бажы арайын төмөн жабызай берди.

— Тойбосов ло Эптешкеновко менен алкыш айдып бар, — Темир оной ары эрмектенди. — Же олар менин керегимде тегин шыралабазындар, мен уурчы эземдн бойым јарт көргүзерм.

Карчага будын узениге араай ээрге төбеле, белинде кортолдын тсормөш буулап койгондый, уур кодүрилип чыкты. Ат оны јалбак меести төмөн, колхоз деревнезине апарды.

— Состөзүн деп ийе берген... — Темир јортуп брааткан Карчаганын кийининен, бойында эрмектенип, көрүп тура калды.

Тойбосов колхозто төрт конок жүрген. Колхозчылардын тураларына, айылдарына кирип, кандый јаткандары керегинде нени иштеп тургандарын бала-баркалары керегинде, кандый једикпес бар ончозын кичееп угуп, сүрекей ле килемкей, буурзак кижн болуп, көрүнген. Ол атанып јанар тушта, колхоз ого сүрекей јараган, анчадала онын ийде күчтү председатели Сүмелү сүрекей јакшы көрүндн деп айткан.

Председательдин бойыла Тойбосов башка јакшылажып, мынайда айткан:

— Амыровтон ајлктанып жүр. Ондн ийттин сескири бар. Ол иске кирген сонунда ончозын, түбин өрө, антарып салар. Бойыннын јанына тартып болбозон, арестовать эдерине суракты тургус.

Јылмарган автомобильге отурала, эжигин јаап ийдн. Күрөн чырайы кызыл јаркынду боло берди. Ол јакшы алулар таап јанган анчы канайда сүгүнетен әди андый ок јорык јакшы тузалу болгонына сүгүнип, јанды. Јүрегинде, кыска өйгө бойын келтегейине Карчагадый уккур, кичеэмкей ууларды тартып алган Сүмелүдн ле мактаарга божобой турды. „Керде-марда Эптешкеновтый эптү улустар кодүре јерде болгон болзо, кандый јакшы болбос әди!... Же канайдар, колхозтордо Темирдий, айткан сөзинен јана болбостор база көп. Оныла Јылмарган бойы, үч катап эрмектешкен, је ончозы ээн јер. Оны канча катап бүктебеди болбогой, је ол, болот шыйдамдый, түсле бойынча артып калды. Бу шыйдамды Эптешкенов, канайып кызыдала бүктеп болбос болды?...

Тойбосовтын сыранайла коомой ижемчизи келишти: Эки

конгон сонында председатель колхозтын жуунын жуурга керек болды.

Ол жуунды сыранайла макалу ойдо ачты — эмир, уй саап турган келиндер фермадан келгелек, кезик уй улустар бойлорынын уйларын саап, онын кийининде курсак кайнадып тургандар — өскө сагыш айдар кижини жок болгон. Конторада көп отургуштар, кижизи жок, жайдан тургылады. Буттары мал-жыгдап калган, чичкечек столдын кийининде председателдин отурар жеринде Карчага отурды. Кандыйла суракты шуу-нерден озо, кандый бир сөс айдарга санаганда, коштой отурган Сүмелүге кыйындалып, ошон жолти сурап алып отурды.

Сурак жангыс болгон — „Амыров Темирдин контрреволюционный ижи керегинде“.

Сүмелү, Темирди бурулап айдып, учына жетирерделе, конторанын эжиги ачылды — бозогонун бери жанында Тойу көрүндү. Казыр эрмектин аайын билип алган бойынча, эбиреде аяктап көрөлө, ойто түргөн чыга берди.

Сүмелү тын эрмектенип, сөстөри бектешсин деп тургандый, он жудуругыла столды тын согуп турды. Эжиктин үзүк жок ачылып турганы ла улустын отурбай, полды кыырада базын тургандары Сүмелүди сүрекей ачындырып турды.

Тын саат болбой, конторада улустар көптөп калды. Отургуштар жедишпей барарда, кезик улустар полдо байдастанып алала, канзаларына танкы аскылап, отуктарын чатылдада чагып отургылады.

— Амыров колхозты үрөп, чачарга тургандардын башчызы болгоны жарт, канча жылдын туркунына тутурбай турган күлүк бу — деп, Сүмелү, отурган улустарга жарлап айдала, Карчаганын кулагына кыйындалып келеле, шыбыштанып айтты:

— Улустарга сөс бербе, жангысла кол көдүрт...

Карчага, тын жөткүреле, кату сыргынду мынайда айтты:

— Колхозтон чыгарарга кемдер жөпсинип туругар. Колдорыгарды көдүригер.

Же конторада кандый да тын табыш жок-тымк болды. Беш-алтыда кижинин колдоры, күүн күч жок, көдүрилди. Артык жок.

— Карануй, тоолорго болбос, — Сүмелү, ачынып турганын жажырып болбой, айтты, — лампаны жарыдыгар.

Сторожиха лампаны жарыткавча, Эптешкенов, аланзып, кол көдүрбей тургандарды кезедип айтты:

— Шокчылды колхозтон чыгарбаска тургандар, эмеш бойлорун аяктанып көрзин, учында олордын, колхозто артар артпазын база шуушпегенче болбос туру...

Карчага өрө турала, кол көдүрүп тургандарды, ус са барыла бирден өрө тоолоды:

—Он үч, он беш, он алты... Ойдо эжик жанында база кем бар?...

—Колдорыгарды неге көдүрүп туругар?—Чокуш онойдо сурайла, улустын ортозынан албаданып өдүп, столдын жанына жууктап келди.—Талдама пастухты колхозтон сүрерге туругар ба?

—А сен, шокчылдын адаанын аларга келдин бе?—Сүмелү сурады.

—Кандый шокчылдын?...—Карыган ондоп болбой, ончоны айландыра аяктады.—Мен Темир керегинде айдып турум...

—Бис база ол жыланнын өлөмзө балазы керегинде айдып турубыс...

—Жыланнын?!—Чокуш үн тыркыражып, Эптешкеповтын көзине чикке көрдү.—Онын адазы кем болгонув сен билерин бе? Сен нени де билбезин... Карыган кижиден, менен сурап угар керек болгон... Бис кожо өскөнибис, байлардын малын кабырганыбыс. Амыр жалтанбас, курч киж болгон. Ол байлардын, жайзандардын алдына бөрүгүн качан да албайтан. Сенин жыду тилин дезе, онын уулын жаман сөслө айдып жат...

—Шокчылдарга жакшы сөс качан да болбос. Олордын коручылдарына база түңгөй ок болор!—Сүмелү кыйгырып айтты.

—Сен оны жаман айдар учурын жок, — карыган тап этти.— Былтыр шуурганду, карлу күнде, бир үүр бөрүлөрдөн койлорды кем корулап алды. Темир эмес пе? Бу жаскыда, кажаканды суу аларда, тизеде, сууга туруп, курагандарды кем аргалап алды, база Темир эмес пе? Бис оны кичүден ала билерибис... Сен не киж болгонун, биске жарт эмес... Былтырдан бери колхозто неме айлу чыгым болды. Оны эткен кижини не керек тападын?...

—Онын керегин өскө жерде эрмектежерибис... Бу сөзүнүн учун, мен сени карууна тургузарым... Сүмелү, бажына изү суу урулгандый, кыйгырып, стол ары жанынан чыга жүгүрди.—Жуун жабылган, жаныгар!

—Биске бир де неме жарт эмес... Тойу бозогодон кыйгырды. Онон эки жаагы кызу казандый боло берди, кара чачы терлү чыккыдына жапшына берген. Ол онон ары сурады:

—Айдарда улусты не керек жууганыгар?

—Колхозты өштүлөрдөн, шокчылдардан айрырга жууган... Слердин жуук нажгардан аруланарга—деп, Эптешкепов айтты.

—Меге көдүрө колхозчылар жуук, нажылар,—Тойу кай-кап айдала, төмөн, такта жаар көрди.

—Сеге ончозынаг жуугы өштү...—Сүмелү протоколын алала, эжик жаар басты.—Алдырбас, бир эместен ончо тазы-лын жок эдерибис...

Эртеңдеги күнде Эптешкенов аймакка ат магына жетти. Адын милициянын оградазына, мендеп, буулайла, бойы түрген кирди.

—Оны тутканчала арестовать эдерге керек,—Эптешкенов начальникке жарамзып айдып турды.—Качардан магат жок. Бир баштык талканды көндөй кайын төнөшкө апарып бектеген. Оны, карын, бистин ак санаалу колхозчы Агитманов Карчага көргөн, ол баштап берер...

Эптешкеновло кожо „Озочыл“ колхозко милиционер келди. Жаан саат болбой, Темирди бойына коштой отургузып алып, ойто атанды.

Тойу абыранын жанывча эки үч катап өткүрө баскан. Ол, калганчызын көрүжип турганда, уулдын колын тын турдар күүндү болды. „Тойу оны азыйдагызындый ок күндүлөп турганын“, ол билзин. Же ол десе, кыстын жууктап келген табыжын угала, торто төмөн көрүп ийди.

„Мениле жакшылажып турганын, улус көрөр болзо, комсомолдон до, колхозтон до чыгарып ийерден магат жок. Өштүлө бир болуп туру, төрөгөнинен артык бодоп туру деп, айдыжар“. — Темир бойында сананды.

Улаачы аттарды камчыла сокты. Абыранын тегеликтеги кургак жерге согуларда, тоозын кайнап, өрө көдүрилди.

Тойу ырап брааткан абыраны узак көрүп тура калды. Онын кийининде, ол ок жолло ичкери басты. Онын мынайда кыйгырар күүни келди:

„Кунукпа, нөкөр Темир! Айса өштүлөрдү, удатпай, табырыбыс“.

Колхозтын жуунынын кийининде үч ковок өткөндө, база бастыра колхозчылардын жуунын жууган. Ол жуунда Эптешкенов, Агитманов Карчаганы баалу костюмла „колхозто көрүмжилу иш бүдүргөн учун“, сыйлады. „Ол сыранайла ак санаалу, колхоз учун тынын да кысканбас кижги. Онон жозок алыгар“... председатель онойдо куучындаган.

Ол ок күн, тун койулган согында, председатель Карчаганы бойына кычырып алала, мынайда айтты:

—Амыровтын кабырган койлорын, бурыл ийтке кабырарга бергенибис. Онын кийининен шиндеп көр.

—Карыганнын жыткыры ийт ошкош, көзинин курчы жашта киживин көзинен артык.

—Коркуп турун ба?... Койон жүректү!...

—Жок до... Же менин укканым болзо, Чокуш молжон турган деп, айдыжат: „Кемле колхозтын койын уурдаарга сананза, онын чичкечек ичегезин армакчы чылап түрерим!“

—Мен айдып турганчала бүдүрерин...—Эптешкенов шыбыштанып айтты.—Койлорды кандый жерге кабырза жакшы, карыган көрмөскө жазап айдып бер... Оны жок эдип алзабыс, биске чаптык эдер кижичыкпас. Ол кысты дезде, эликтин чий бөрөгүн жудуп ийген чилеп жудуп ийерибис.

Карчага Эптешкеновко мөргүди. Оны кайдала барзын дезде, баргадый, нениле этсин дезде, эдер болуп сөзүн берди.

VII

Карыган Чокуш айылында бир де конбоды. Ол күнле тоозына, койлордын чеденинин жанына келип конор болды. Түндеги сторожты мынайда жакыды:

—Бирле кичү табыш угулза мени ойгозып тур^а. Же сторожка оны бир де катап ойгозорго келишпеди—бир ле кичү табыштан, керек дезде, койлор кепшенбей токтой до бергенде, карыган тура жүгүрүп турды.

Энирде Чокуш өрөкөнгө тудуш Тойу келип туратан. Бу өткөн күнде койлорды кайда кабырганын сурап туратан. Онын кийининде, бойы кажы кырларга жүргенин айдатан. Олор, жылыгав койлордын куу сөөгүн, эмезе бир алаканча теренин жемтигин табарга кичееп жүргендер.

—Бис нени эдерибис?.. Оны канайып аргалап аларыбыс?—Тойу сурап турды.

—Бир де неме сананып табар аргам жок, —карыган бажын жайкап отурды.—Кеп сөс бар: „Жизе де бөрү, жибезе де бөрү.“ Бистин мында пастух бурулу да бурулу эместе болзо, карууна ол турар болуп калды.

—Же ол колхозто алты жыл болды ийне...

—Билерим. Оны колхозко кир деп, мен бойым сөстөгөм. Онын жакшысында эрмек те жок, же... Ол пастух бурузы жок деп, канайда актап алар оны?

Кыс карыганнан жүрегинде уур кунукчыл сагышту, барат.

Темир канайып төгүндеди... Керек дезде, ол түнде... ол бойы койлорды канайып жиир болды?.. Керде-марда бу керекти төгүндеген болзо „санаам жедип туру“ деп, айтканы база да төгүн.—Тойу он колыла изү мандайын арчыды.—Төрт кой... Айла төрт күнге!.. Бөрү де онын ончозын бу бйгө жудуп болбос... жок, жок, ол бычагын кынынан чупчыбаган, колына кан сүртүлбеген...“

IX.

Шылу божогон. Темирди эртен колхозко экелер. Суд болор. Уулды актап алар керегинде нени айдар?—Чокуш

бойынан сурап турат.—Канча да сананза, нени де сананып табар арга жок... Уредүчи Сорокин отпускка барбаган болзо кайдат. Нени эдерин айса ол айдар эди. Ол жаан үренген кижги Москвада журтаган.

Карыган, өбөгөн койлорун, айыл ошкош, содон тууга апарды. Калганчы өйдө Темир койлорды база ондо кабырган болгон. Ол койлорды ондо кабырзын деп карыганга Карчага айдып берген.

Койлор жарыш эдип, өлөңди быырада тиштеп, ичкери барып жадарда. Чокуш кийининег жортуп браадат. Качан койлор жадып койгондо, пастух бийик жерди талдап алып, болчок ташка отурат. Онон ончо жер эбиреде иде көрүнип турар. Койлорго бөрү де өңбөлөп келбес, уурчы да сүмеленим келбес!

Ол сойоктын үстинде тенери чоокыр болгон. Тенериде эски, тежиктү киисле тенеринин түбин бөктөп салгандый жаш булут, турат. Ол булуттын үзүгинең кунниң жылузы келип, мендеп тургандый, торко өлөңдөрдү, чоокыр чечектерди сыймап ийип турды. Кара бозомтык булуттын көлөт-көлөри жерле жылып, кырландарды түргөн ажа берип турдылар. Пастухтын санаазы база андый ок бозомтык, кунукчыл болды.

— Мен нени эдейин, канайдайын?—ол онойдо бойын жүс катап сурап, же карузын тапай отурды.—Бүгүн тенери де кунукчыл, бойынын чанкырын көргүспей бөктөп жат..

Эниргери булут онон артык калынжыды Бийик кырлардын бажына уур кара булуттар көнкөрилип келди.

Чокуш адына минеле, темикен аайынча кыйгырын ийди:

— А-ай, а-ай!..

Кызыл башту, тыртык мүүстү кой, койлордын алдынан айыл жаар көндүкти. Жалаң мериносовый койлор кырдан чук түжүп браадарда тортло, үсти борорып калган кар жылып брааткандый болды.

Жалбак ак божоды. Койлор сойок эдегин эбиреде курчаган агаштарга, таштарга, жетилер. Он жанында кырдан түшкөн кырзак таш сол жанында-көк корым көчкө. Олордын ортозы койу жыдынаак, табылгылар. Мында койлорды сүрекей кичееп көрөр керек. Чокуш өрөкөн адынын тискинин бош салды, аттын алын колынын тизези койлорго табарып брааты. Койлор кенетийин, ортозына тенериден таш түшкендий, эки башка бөлүнип, жара согулала, ойто бириге бергиледи. Онон ары база жыла бердилер.

— Олор онойдо неден коркудылар?—пастух кайкап сананды.

Жер алдынан койдын араай маараганы угулбаган болзо, ол көндүрө өдө берер эди.

— Бу не болды? .

Карыган аттан түшти. Огош жыраларды колло ачып турала, кичү оронун оозун көрүп ийди. Ол озогы улустардын аңдар, эликтер тудатан жерлери ошкош болгон, — үстүне огош, чырбалдардан салала, өлөңгөн жайып койгон.

Чокуш оронн аяктай көрзө: оозы кичү, түби дезе, төгөт агызатан карчашкага түней эмтир. Же, бу оро төгөтагызатан оро эмес. Оронн бу өткөн жаста касканын карыган жарт танып алды. Түбинде койдын көзи жалтырап, пастухты аяктай турды. Өскө дө койлор база онойдо түшкени жарт болды!

— Жарт!.. Эмди ончозы жарт!..

Чокуш койды ородон чыгарбай, өскө жыраалардын төзин аяктай барды. Снойып база оролор тапты. Олордын үсти ончозы чалдыгып калган өлөңлө бөктөп койгон эмтир. Оны жазаганы кече — башкүниенле өткөн эмес.

Койлор букке түжүп келеле бойларынын пастухын сакып тургандый, токтой бергиледи.

Бозом киргенде Чокуш председателге келип, бурулу немедий, бөркүн алып эзендежеле, мынайда айтты:

— Кой жылыттым...

— А-а, карыган көрмөс, колхозтын жөөжөзин жоголтып туруп ба! — Эптешкенов, уни айрыланып, кыйгырды. Айылдын ичине токтоп болбой, ары-бери басып, оттын кыбалын эдегиле эзинделтип учурып турды. — Эртең уурчы Амырволо коштой отуруп, судтадарың...

— Баштапкы жастырым болды.. Бир жаманым таштагар, нөкөр председатель. Менин колым бу керекке тийбеди. Айса Алтайдын ээзи чыгып келеле алды эмешпе..

— Унчука, жүүлгек.. Мен колхозты өрө тартарга, түнде уйкы жок, түште амыр жок иштеп турум, слер, кырчанылу ийтер кирлү колло тийбес, социалистический жөөжөнү үрөп, чачып жадыгар... Сен койды таң адырбай, тирүге мында экелсен, жаманыңды таштаарым, калганчыда Сүмелү, көзин жылчыйтала, кирбик өткүрө көрүп, айтты.

— Бүгүн түнде деревнени эбиреде бүдүмчилү улустан каруул тургусса жакшы болор эди. — Карыган өбөгөн кортык кеберлү сүмезин айтты. Уурчы койдын эдин кайда-кайда сугала, түнде айылына экелерден мага жок..

— Бир де каруул керек жок.. Эртең койды экелзин деп, уурчыга жакылтаны берген. Койды экелбезе, судка барар.

Чокуш уур үшкүрди; айылдан чыгып жалала, бийик бозого бөдүрүлүп жыгылды..

Кой чеденинин жанында, оны Тойу сакып турган. Карыган не болгону кыскарта куучындап берди. Онызы угала, комсомольский организациянын катчызына барып айтты. Онон ойто келеле, карыганнан сурады:

— Мен база мылтык алайын ба?

— Жок оморды сезиндирерге болбос. Мынаг барарда бирден барар... Сескир де деген ийтер билбей калзын.

XI

— Сен тун ортозын откоре, улустар ончозы уйуктаганда барарын. — Эптешкенов, Карчаганы айылынан уйдежип тура, онойдо шыбыштанып турды. — Алдында канайда эткен эдин, бүгүн де онойдо ок эдерин... Же чеберленип жүр — карыган бору сурекей сүмелү...

Сүмелүниң жүрегинде толтыра байрам болды. Эртег Чокушты арестовать эдиң ийзе, жаныс ол кыс артар. Арткандары сурекей коркушту эмес. Кысты десе... сууда тужуп калганын таап аларга кем жок. Онын шылтагын аларга күч эмес — санаазы жеткен кижизине кунуккан бойынча андый болгон деп айдар... Ол тушта Эптешкенов Сүмелүни амыратпай турар улустар жок болор, онын угы тозин кодорорго кижилер чыкпас. Ол тушта онын жоктудан бүткенине, кызыл партизан болуп жүргенине ончозы аланзу жок бүдер.

Тойбосов бойынын найзынын мактулу жүрерин ундубай, тын кичееди: областной газеттеги статьяны муннан улустар кычырган! Ондо бичилгени мындый болгон: „Эптешкенов Сүмелү большевик колхозты тындыдарынан жана тушпес жөнүчили. Оштулерге качан да күн кайрал бербес большевик“.

Айландыра өдүп жаткан керектерди ончозын санаган бойынча, Сүмелү күлүмзиренгенин бойы да билбей калды.

Онын жүрегинде андый ырысту сүгүмчизи жанысла 1929 жылда күн чыгышта, КВЖД-де түймеен болордо болгон. Же ол жалбышту ырыс, удабай, өчө берген эди. Бүгүнгү сүгүниш өчөр кирези жок. Сакырга узак жокто артты деп, бооро Тойбосов айткан. Качан бу керектер ончозы келиштире андана берзе, Эптешкеновтын жайзан болотонунда бир де кичү аланзу жок. Онызы быжу болор деп айдышкан. Ол тушта макалу, жаныс ла катап тын кыйгырып ийзе... баалу алулар, айылдын эжигинен кар киргендий, келип кирер, алтын, мөнүн кара суудый агып келип, тере каптарга урулар.

Сүмелү ол сагыштардын ортозына токтодунуп болбой, тере тажуурдагы аракынан монгол чөбчөйгө уруп чарбак кардына уруп отурды. Аракызы божой берерде, тажуурды эпши жаны жаар чачып ийди. Колдын шакшагыла, күлүмзиренип турган, улуш эрдин жыжа тартып ийди.

— Мен атту-чулу болорым... ат нерелү жайзан болорым!..

Эмегени коскуруктап жаткан, жымжак төжөккө барып, коштой жатты. Айылдын тыт чобырга жабуунча чычкан мантай берди, айылдан быры Сүмелүнинг жүзине келип түшти. Эмди бу чирик айылдын чыгатанына жетире узак жок. Удабаста ондо жаны кийис керени айыл болор. Онын анагажы жаны жааган кардый болор! Көк торколо жапкан, кураган ичтү тон кийер! Улустар жагыс ол тонды ла көрзө, ыраактан көнкөрө түжүп, мандайларыла жерди ойдыйга мүргүп жадар..

Сүмелү онойдо сачанып жадала, уйуктады. Улустар, бу рулу ийттер ошкош, бозогодон ажып киргилейт. Кејегелери, муўстер ошкош, чырчайыжып, колдоры тырлажып тургылайт. Ончолоры эки-үч тажуур ачу аракылу. Бирүзи калан төлөбөгөн, экинчизи сый экелбеген, үчүнчизи жайзанла тушташкан бойынча бөрүгин аларга сондогон. Сүмелү улустар чыбыктайтандарына жакарып туру: „Мынызына—јирме беш, онызы—бежен, мынызын дезе, кејегезинен буулап салзагар, торолоп өлгөнчө видо турзын“. Улус чыбыктайтандар улусты кејегелеринен тудуп, айылдан чыгара сүүртеп тургылайт. Тал чыбыктыч шыйтылдап турганы да угулат...

Эпиши жанында јаш, јараш келиндер отургылайт. Ончозы јараш чинмеериле чүмдеп, торко учукла јурамалдаган килин чегедектү, сыргалары ончозы мөнгүн. Солонгындый кабактулар. Маралдый јаактулар. „Бүгүн кажызын—талдап алатан болбогой?“ Эптешкенов бойында сананат. —Өскөлөри бойларынын өйи јеткенче бир, эки, үч күнге сакыбайынча болбос туру. Кажы бирүзи тарынбайтан болзо, јакшы болор эди. Олордын ончозы бир де тўнге болзо, јайзаннын үйи болорго турган болбой кайсын...“

Је ол келиндерден бойына эн јакшызын талдап аларга ого чаптык эткиледі. Кандый да, таныш эмес, јаан үндү кижі киреле, тын айтты:

— Улу јаан јайзаным, слерге он төөгө коштогон, товар келди!

— Муннаг ажыра койлор келди, чыгып алыгар!—Ол ортозына база кем де кайгырды.

Сүмелү, уйгуниц, көзин ачып ийди. Көрзө, ол ок карануи айылдын ичи.

Кем де јудурукла јукачак эжикке, тонкылдада сокконы угулат.

Чамчазы терлеген эдине јашшына берди. Сүмелү орыннан табыжын угуспаска тургандый, араай турды; курч бычакту курын алып, бектеп курчанып ийди, илүде мылтыгын

алып, пестонының бары-жоғын быжулап көрөлө, каптын жаына жөлөп койды.

— Кем ондо?— калганчыда эжикке жууктап келеле, сурады.

— Мен.. Пастух.. Жалтанбасов Чокуш...

— Койды таптын ба, карыган көрмөс.. Сен, тап атканча кижиге түйметпезен кайдар,— Сумелү айылдын эжигин ачты.— Бу жети күнге бир жагыс көс жумайын десе, оны да бербедиг.. Кайдан таптын?.

— Бүгүнгү де койлорыбыс табылды, эски иске де учурадыбыс—деп, Чокуш бийик бозогоны алтап, айтты.

— Бир жакшы уулды, слердин нажыгарды тудуп алдыбыс.— Тойу карыган өбөгөнниң кийининен кирип, тыг айтты.

Эптешкенов, серенке тапай, тыркырап турган колыла столды узак сыймап турды. Ся колыла лампаны жарыдып турганча, сол колынан шилизи түжеле жарыла берди..

Өчөмүк оды жарыярда, ол эжик жаар көрди. Ондо беш комсомолдор турды. Олордын алдында турганы колдорун кайра күлүп салган Карчага болды.

— Койлорды сен уурдаган ба?— Сумелү жудуругун туу-неле, онын алдына базып келеле, тыг кыйгырды.— Айла, бу ийт, байа энирде: „Тус сакып, элик адып экелерим“.. — деп, брааткан жок по! Мен сени түрмеде жыдыдарым, ийт..

Чокуш, койды канайда жылытканын, онын кийининде канайда тапканын, ородон кой чыгарып турган уулды канайда тутканын, ончозын жазап куучындап берди.

— Эр десе эр, карыган?— Эптешкенов, колын пастухтын жардына салып, айтты. Бу бөрүни бүгүн менин айылыма артырыгар, мен онын ичиндеги жыду жинан жок эдип саларым. Темирди десе, эртен актап аларыбыс.

— Жок,— Чокуш мойноп айтты.— Мен оны туткам, бойым ок коруйтам. Комсомолдор десе меге болужар.

— Бис болужарыбыс!— комсомолдор, жагыс кижидий, айдыштылар.

Олор барган сонында, Эптешкенов, эки будында чак жок, отургушка мылтырт отура түшти. Колдору десе, агаштын айрызы айрылгандый, столдын кырына түже берди.

„Ол жуулгек, нени де айдардан жада калбас.. Ол тушта мен нени эдетем.. Торт, сондобой, мынан барза кайдар?.. Тойбосов меге документти, алдында, карательный сотня оодо соктырган сонында тапкан чылап ок, кандый бир Учур эме-зе Содон деп кижинин адын таап бербей..“

XII.

Колхозтын конторазында тап атканча лампа күйген. Карчага толыкта отурган. Онын колы столдын үстүндө эби

жок жатты. Он келтегейинде Тойу отурды; сол жанында—Чокуш. Полдо бир кезек уулдар, кыстар отурдылар.

Кыс газет кычырып отурды. Карыган дезе, үн жоктон, канзазын соруп отурды.

Карчага, оны база сурактарла шыбалабай турганынан санаазы женил болуп отурды. Ол тан атканча эрдинен бир де сөс божотподы. Эптешкеновтын жакару сөстөрүн ол ундубаган:

— Керде-марда тутурзан ла—тил жок болуп ий. Өлөргө келише, жаныскан өл. Бистин Ойрот-Кааннын бүдүмчилү уулы болорун. Бистин керегибисти балыраар болзон, ошкөшлө тынынды айрып болбозун. Балырууштарла бистин эрмегибис кыскачак болотон ..

Канайдар, нени эдер? Карчага Тойудый колхозчыларла—ончозыла, була кече коштой туруп, иштеп жүрген. Эмди дезе, озор оны көстин кыйузыла көрүп, өштүге бодоп отурулар.

Тойунын көзи карыганнын көзинен курч: ол кылайып ла көрсө, Карчаганын жүзине, тортло тегенектү чырбаалла сокониына түней болды. Сыранайла жүргеери эрмектен улам, бирде онын эдине изү жалбыч божодыпийгендий, бирде корон соок болгондый онын эди-каны жымырап турат. Бойынын мынан ары кандый болорун сакып отурганча, эмдиле пол ойылала, жердин жети кадына түже берген болзо, амыр болор эди.

Колхозто баштапкы жылдардагы бойынын жүрүмү Темир де кичүден ала нажы болуп жүргени сагыжына кирди. Темир жакшы уул болгон! Эткир комус сыйлап берген, оыла санаазы жеткендерге кожондойтон жүзүн-жүүр кожондорго үреткен. Же жаньс онын кожонун угар нажы кижн жок болгон.

Айу чечектерди тепсей баскандый, озордын нак жүргенин Сүмелү тепсеген. Озорды бойы-бойлорун көрүшнес өштүлөр эткен. Онын сөзин укпаска болбос болгон, онын керегинде карыган эмегендер чымыражып тургандар:

— Эптешкенов жаан камнын уулы. Ол ого жарабаган кижини киске де эдип ийер, бөрүдий де эдип кубултар ..

А бөрү болорго кем жөдснер?

Онын кийининде городтон күндүлү кижн, Тойбосов келип жүрер болгон. Онын айдып турган сөзинде, берер болгон кайралын Карчага түш жеринде көрбөгөн. Ол база кезедип туратан: „Керде-марда бистин ижибис керегинде балырап ийер болзон, жүрүминнен женил айрыларын“.

„Мени амыр бербей, шылап келгедий туска, жартын айдарым: Мени Эптешкенов үреткен: „Мен туска жүргем. Ойто. жанып клееделе, бу улустарга табарыштым, — озор кол-

хозтын койын тудуп алала, өлтүрерге тургандар эмтир. Мен олардын кылыгын суунун үстине чыгарарын оло билеле, коркуп, мени тудуп алала, актуга килинчектеерге турулар“.

Карчага бу улустардын жымжагына, колхозтын малын уурдаган уурчыла жымжак эрмектежип отургандарына кайкады. Байа уулдар оны тудуп аларда, карыган айткан:

— Сокпогор. Закон аайынча ого кандый сыйды беретенин суд билер. Эмди десе, колынан күлүзүн де чечип койгон, танкы бергилейт, Тойу кычырыл отурганын уксын деп, айдыжат.

— Ол бойынын нак жүргөн наязын, колхозто таллама уулды түрмеге сукканын улустар ончозы жарт билгилеп жат. Онын керегинде, онын не учун жаагына сокпой, жаман сөслө айткылабай турулар? Каный саг башка улустар?.. Жагыс жерге өскөм олардын мындыйын десе эмдиге жетире билбегем!..

Карчаганын чолтык ээги, төжине араай, жапшына берди, эки көзи тырлажып турган тизелерине табарды.

Изү күн, бийик кырдаг көдүрилип келеле, койу өлөңдөги чалынды жалап ийди.

Чапкыр тенериде, бир алаканча да булут жок.

— Уй саай чылар, байа эртеде уйларын саайла, эмди бир кезектен анда-мында бөлүнгилеп, нени де эрмектежип, аймактан келетен жолды, ненин де учун туркаары аяктап тургылайт. Колхоз конторазынын жанындагы көк өлөңдү агычакта бир кезек уулдар отурган оло до жолы база аяктайт. Ончолоры Темир керегинде эрмектежедилер. Жакшы уул болгон! Ойынчы кокырчы! Кайда Темир болзо, ондо ойын, кожош. Чөрчөкти ончозынан артык билетен болгон. “Оны айдарга да сүрекей эптү болгон. Колына бичик алып, кычырганын угуп отурзан, өй өткөнүн билбей каларын. Күрежер күүни тутса, оны жететен кижитабылбас.

— Эмди ол канайып калды болбогой?

— Арыктаган болбой кайсын, көөркий...

— Кенетийин балдардын кыйгызы, козолор колырагандый, быжыранып чыкты:

— Машина!.. Машина мантап келеет!..

Канча карыгандар тайакту, канча келиндер, балдарын кучактанганча, эжиктен чыктылар.

Эки машина, колхозтын конторазынын жанындагы агычакта токтоды.

Сүмелүүнүн үни Карчагага жарт угулып турды:

— Нөкөр прокурор, бисте бир жаан солун керек табылды: бистин пастух Жалтанбасов, комсомолдорло кожо, чын уурчынын бойын тудуп алды. Онын ады — Агитманов Карча-

да. Ол, бир де бурузы жок нөкөр Амыровты килинчекке суккан. Агымановты судтаар керек...

— Сени судтаар керек — тыркырууш, тын үн, онын эрмегин үзе сокты.

Ончолоры конторанын эжиги жар көргиледи. Ондо Карчага турды. Онын кабактары жангыс жерге жуурылып калды. Көзине кан чагылды. Чачы, жаскы койдын таакызы ошкош, такталып калган эмтир.

— Сени, сени деп айдып турум. — Уул бойынын айткан сөзүн такып айдып, Эптешкеновко жудуругын талайып ийди. — Мындай немелерди сен баштап эттирген. База бирүзи — областьтагы...

— Чын эмес бу... Төгүндөп жат... Кирлү тилиле мени уймаарга туру. — Сүмелү, бирде прокурорго көрүп, бирде судьяга бурулып, тын айдып турды. — Онын оозында үч башту жылан жүрү, ол жыланнын короныла мени, коммунисти уймаарга туру...

— Унчукпагар, Эптешкенов, — прокурор кату айтты.

Карчага дезе, колхозчылардын ортозына келеле, ологорго, неле болгонын ончозын Эптешкенов ло Тойбосовтын тартып койгон, жөргөмөштин уйазына ол канайда алдырганын, түниле жакытту оролорды канайда қасканын, Ойрот-каан керегинде меке-төгүнин канайда угуп отурганын — ончозын айдып турды.

Кирбиктеринин төзюнде жаш жылтыражып калды.

— Отуругар, — Прокурор, колын машина жаар улап, Эптешкеновко айтты. — Слер, удабайла бойыгардын најыгарга националист Тойбосовло туштажарыгар...

Чокуш улусты ийде салып, Темирге өдүп чыкты...

— Жакшы ба, најым! Менин ижемжим келишкенине сүрекей сүгүнип турум!..

— Темир, менин күүним! — Тойу улустын ортозынан өдүп көстин жакын өткүрө кыйгырып ийди.

Ондо тургандары, ого жол берип, эки башка бөлүнип ийгендер. Тойу дезе, айландыра улус турганын торт ундыйла, уулды кучактанып, төжине жапшына берди.

Т О Й Ч Ы

Колхозчы Торколоева Тойчы алтан јаштан ашкан. Је, эмешле ого јууктап, јазап куучындашсагар, ол јаштын ка-
бортозын алып салар. Эрмеги јарт, уни омок, чыйрак—јаш
улуска јендетпес!

— Эйт, арайла эрте чыканымды!.. Ол эмезе совет јак
эртеде келген болзо кайдат.

Бу сөсти Тойчы көп катап айткан.

Онын јаныс кызын, Эркелейди, былтыр күскүде кол-
хозный курска ийгендер. Энези бу керекке јөпсинбеске са-
нанган, је Эркелей энезинен сураган:

— Слер мени, база бойыгардый ок бичик билбей јүрзин
деп, туругар ба?

Кызынын андый јымжак сурагы энезинин јүрегине та-
барды, ол ойто кару берерге сөс тапай калды. Јангысла, кы-
зы аттанып, ары јортордо көзинин јажын тужургенин бил-
бей калган.

Јаскыда Тойчы бир катап колхозтын конторазына келе-
ле, председателъге мынайда айткан:

— Мен алтан јаштан ашканча Корумдуойдон ыраак
кайда да болбодым... Эркелейге атты мен апарадым, ол аяс
городты да көрөрим.

Председатель карузын тутканчала бербей, бир кезекке
нени де сананып, Тойчыны кезе ајыктап отурала, күлүмзи-
ренди.

— Слердин сурак будер учурлу... Курс божоор бажын-
да, кызыгарды экелерге слерди ийерибис.

Је чынынча болзо, Тойчы городко тегиндү барарга са-
наган эмес. Бу јуукта, өскө өзөктө јаткан, мынан он беш
јыл кайра Эркелейди кудалаган. (эмди Эркелей јирме јаш-
ту) өлгөн бай Јажнайдын үйи—Баланка келип барган. Ку-
дагай эпши јанында отурган. Јүзи, кайыннын эски кааза-
зынды, кугарып калган килин бөрүктин, алдынан, арчыга
сүртүлгендий, буурул чачы сарбайып көрүнүп турган. Ол
беш канза танкы тарткан. Јаныс аяак чай ичкен. Атанып
јанар алдында мынайда айткан:

— Мен күрен атты өнөтийин сатпай турум, слердин
чакыга экелип бууларым деп, тын иженип турум.

Баланканын бу сөстөринин јымжагы сарјудый, чичкези
торко учуктан да чичке болды.

„Азыйда, калынга бодоп, бир чалдар ат берген, бис
оны колхозтын малыла бириктирип койдыбыс. Эмди база ат

берерге туру. Ол тушта, Балаңка јана берген соғында, Тойчы бойында айдынган. Кыстын табына салбас. Оны көп үредерге де болбос, түргендей барып, экелер керек“...

Је, Тойчы городко келген соғында, күрен атты да, Балаңка кудагайды да торт ундуган. Ого городто неле немелер ончозы солун көрүнген, ол дезе кичү баладый, ончозын шиндеп, ајыктай берди.

Ол бир катап, студенттердин столовойында канзасын күйдүрип, танкы тартарга сананарда, „Мында танкы тартпайтан,“—Эркелей арайын айткан. Экинчизинде ол, кино көрүп отурала танкылаарга санаган. „Мында танкы тартпайтан“—деп, Эркелей база токтоткон.

— Бу не болгон? Городтын улустары танкы тартпайтан ба? Ондо тартпас, мында тартпас, айдарда кайда тартатан?.

Эркелей, кайда тартарын, кайда тартпазын, энезине жазап айдып берди.

— Бу көрмөсти ары, кедери, отко таштабай мында не керек көөркөдип тургускан!—Тойчы областной музейден камнын маајайын көрөлө, јескингендий, тын айткан.—Бистин колхозто камдар јок, городто дезе, оны улуска көргүзет. Ол ненин учун андый?

Эркелей, энезинин андый кайкамјылу сурактарына тартынбай, ончозын жазап айдып берип турды. Ол кам эмес, камга тундеп жазаган наатај болгонын, тынду ан, куштар, кижилер эмезин айдып, музейдин учурын јартап берди.

* * *

Эмди олор Чолмон кырга чыгып келгендер.

— Мында кандый колхоз јылкыларын кабырып туру не? Энези, јолдын јанында, јаш өлөндө, малдын изин өрөлө, Эркелейден сурады.

— Кайдан билейин, энем.—Эркелей энезине каруны береле, чала ајыктана берди.

Јайгыда малды Чолмонго чыгарып кабырарым деп, ол бичиген эмес пе? Ајса болзо, ол ырак эмес... Кайда бир барбак мөштин төзинде, байадан өчүп калган канзасын, ондобой, соруп отурган болбой кайсын. Сагыжы дезе, кайда да тенип јүрү... Мен дезе, оны көрбөй турган кижі болуп, оны сүүбөй тургандый коштой өдүп барадырым.

Эркелейдин көзи јаркындала берип, күлүмзиренди. Ол сүрекеј сүгүнип, канайда туштажарын сагышла јурамалдай братты: „Ол эмдиле көрүнип келер. Көргөн бойынча каткырып вйер“...

Ол терен сагыштын ортодо Эркелейдин колынан тискини божоноло, аттын бажынан ажа берди, ат тискинге базала, бүдүрилерде, аттын бажынан арайла ашпады.

— Тискин жаап тудуп болбос кичү бала боло бердин бе?—Энези жаратпай айтты.

Эркелей адын токтодоло, тискинни ойто алып алды, кайын жажыл чырбагалла адын, Эркелегендий, жангып сокты. Ат жорыгын кожуп ийди.

Жолдон ырак күүктер, жараш эдип, жаныландыра эдип тургылады. Жайгы жүзүн жараш чечектер жолдын эки жанында күүлүмзиренип турдылар. Эркелей күн-келди чечекти үзеле, тожине жаба тудуп, кожондоды:

Күрлемелү күр кечү,
Күрен аттын кечүзи...
Күүнүм жеткен көөркийим
Колымда туткан чечектий...

— А-ай, жаан тууны ажарда кыйгырбас, кожондобос, учурлу!—Энези чугулду айтты.

Эркелей унчукпай барды. Же санаазы ойто ок байагызына табышты.

„Мында Шонкор малын канайып кабырар болды? Байа бу жолло барбаза кайдат?—Энези кунукчылду сананала, түргендеди жортты.

Саат болбой, Эркелей ле энезине эр кижинин үни угулды. Онын кожоны койу, чөйө болгон. Тойчы уккан бойынча, тискинни кайра тын тартты. Онын кулагына жеткен кожоннын сөзи мындай болды:

Ак жарыкта жараш кыс,
Менин эжим болгой не?..

Бу кожоннын жанылгазы жылыйгалакта, жолдон ыраак эмес мал бышкырды

„Ару сүрлү тайгада мал кабырып жүреле, коркубай кожондоп жыргап жүрер, кандый жүректү кижя богон?“—Тойчы онойдо сананала, кайра көрбөскө сананып алды.

Эркелей аттын жорыгын арайлатты. Аттан түшпей, элик балтыргандарды үзүп, терезин сойуп, жип турды. Онойдо энезине бир эмештеп сондоды.

Агаштын ортозынан ак боро атту, канжагазында адын алган кара чайды канжлагалаган, шыйралу мылтык жүктенгенче Шонкор жортуп келди. Онын күрен чырайы тайганын изү күнине там кара күрен болуп, калын эрди кара көк болуп калган эмтир.

Эркелей оны көрөлө, бажын туура тудуп, байа терезин сойуп койгон балтырганын катап сойуп турды. Же онын тижине дезе, суузымак балтырганнан башка, неме илинбей турды.

— Јакшы ба, кару Эркелей?—Шонкор, жаба жортуп келеле, сурады.

— Ой!. Јакшы—јакшы ба? Ой, кандый сүрекей чочудым!. Канайып жуук келгенче билбей калдым...

Эркелей эрмегин учына чыгара эйтпай, ээрдин алын кажына кезе көрө берди. Олор экү бир кезекке унчугышпай, коштой араай жорттылар.

— Бүгүн кайдан атавдыгар? — Калганчыда Шонкор болгонбой, сурады.

Эркелей, чала тарынгандый, карузын берди:

— Бичикке јакшы үрендин бе, курсты кандый божоттын деп, сурабай, конгон јерди сураарга керек болды ба?

Эркелей аттаг тўже секирди. Ол онойдо не учун эткегин бойы да билбей калды. Шонкордын ады, бачым токтоп болбой, эки-үч алтам ичкеери басты. Ол адын кургак чибиге буулап турала, Эркелейдин кару көзи оны кезе айкап турганын јарт көрүп ийди.

Шонкор ого жууктап келеле, он колынај тутуп, онын колын эрке сыймады. Чырайлары туштажа бергиледи. Эркелейдин эрке көзиндеги сурактарды ончозын тутканча кычырып ийгендий, шонкордын куучыны көндүкти. Бу унчукпас тайгада канайда јуртап јатканын, тўнде оду јанына отурала, кандый кожондор, чөрчөктөр чўмдеп турганын айтты:

— Бу кожонды, сени күндүлеп, чўмдегем,—Шонкор калганчыда айдала, комус ошкош, койу үниле кожондоды:

Орө кейде куш кайыйт,

Онон бийик чыкайнем?

Ай кеберлү јараш кысты —

Бойыма најы эткейнем?

Эркелей ол кожоннын јакшызына сўгүнип јол јаар көрөлө, араай айтты:

— Аттанаарга ой једип келди... Сондоды деп, энем адылар.

Шонкор Эркелейдин колынај тудала, сурады:

— Бис экудин кожо јадарыбыска кандый неме чаптык болуп јат?

— Энем.

— Каргышка бүдүп турун ба?

— Мен каргышка да, алкышка да бүдүп отурганым јок.

— Айдарда, Чычканла кожо јуртаарга, турун ба? Јуртагайзын ла!—Шонкор јарбынгандый айдала, ады јаар бурулды.

— Чычкан ла јуртаганча, менин буттарым бу Алтайга

торт баспагай.—Эркелей, көзинин жакын токтодып болбой адынын мойнын кучактай тудала, карузын айтты.

Шонкор адына түрген, эптү минип, тискинин тег тудала, эрмектенди:—

— Же, менин каруум, колыңды бери сун,—жакшылажып алалы, амыр энчү болзобус, бир ай бажында...

Ол сөзин жетире айтады. Онын кара көзүндө жаркынду жалбыш чагыла берди. Шонкордын сагыжында, Эркелейге эмдиле жууктап жортуп келеле, оны жылу колынан тударга керек, же ак боро ат кедерледи. „Эркелейдин энези база менин адым ошкош, өчөш туру. Мен атка чыдабай турганда, ол энезин канайып ийзин“,—Шонкор бойында сананды.

..Эркелей энезине, айылдагы калганчы богочыда жедишти.

Тойчы байа Эркелейди сакып отуурарда, темиккен аайынча мынайда шүүп турган:

„Шонкорды качан да Чычкан ла тундеп болбос! Менин жаныс кызымды бир де калыг жок, тегин аларга турган ба? Жок, Шонкор, сеге андый байрам качан да болбос!“

Чычканды, Эркелей былтыр айлынан чыгара сүргөн. „Чычкан ла журтаганча—өлзө торт“—деп, Эркелейдин айтканын энези көп катап уккан.

Шонкор ло Эркелей эки башка өзөктө өскөндөр. Олор каа-жаа жуундарда ла тушташкылайтан. Айса бу керекке бир шылтак болбогон болзо, олор экү бойлорун жакшы билишпес те эди.

Бир катап Эркелей абыралу городко барган. Городто сельпонын кижизи учурайла, товар апар деп, оны айбылаган. Эркелей кыйышпады. Жолды дезе, жанмыр үреген. Эркелей жолго конбой, бойынын колхозына жедерге албаданып жанды. Ол Шонкордын жаткан деревнезине жууктап келерде, тун кире берди. Абыранын кийин жанындагы тегелиги, кем де жолдон туура ийде салгандый, кенетийин кажудан ажа конды. Абыразы жолдон араай жылып антарылып жадарда, Эркелей түже калыган бойынча, аттын бажынан тутты. Ат ичкери мөкүргөн бойынча, тизеленип көнкөрө жада берди. Аттын канча үйе сөөги быыража берди. Эркелейдин колы аттын бажын тударга чыдашпады, болужы жок бозомнын ортозынан болуш бедиреп, айландыра көрди. Же, карын, ырыс болуп, абыранын кийининдеги тегелиги жолдын кырында карагай төнөшкө түртүлеле. токтой берди. Аттын тыныжы жеңиле берди. Абыра бийик боомнын устинде элбейип турды.

Эркелей болуш сурап, бир канча кыйгырды. Же онын кыйгызына тундеги өчөмүк жанылгадан башка, бир де тынду неменин кыйгызы угулбайт.

Абырадагы немелерди чечип, жолго чыгара тартарга ке-

рек, же оларды бүдүретенине Эркелейдин кучи жетпези жарт болды. Ол аттын жанында болужу жок туруп, үзүк жоктон кыйгырып турды:

—Э-эй! Бери келигер! Бери,—бери!

Онойдо жарым канга тапкы тартканча болды. Учунда Эркелей, кемнин де шылырап, базып келеткен табыжын укты. Эр кижинин үни жарт угулды:

—Мында не болгон? Кайткан?—Ол Шонкор болгон, же Эркелей оны, качан абыра ойто жолго амыр-энчү турган соңунда таныган.

Онын кийининде озор ол ок күскүдө, мал ижинде мергендүчилордин аймачный жуунында тушташкылаган. Президиумда кожо отургылаган. Эркелейди ол тушта костюмла, Шонкорды патефонло сыйлаган. Бу ок жуунда Эркелей Шонкорды соцмөрйгө кычырган.

Эркелей ле Шонкор бойы бойлорын тын суужип турганын Тойчы жакшы билетен, онын учун Эркелейди бүгүн де Чычкалга берип ийзе маказы канбас.

Тойчы жетпегенче кайра көрбөскө бек сананып алган. Же ол сагыжын учуна чыгара бүдүрерге онын кучи жетпеди. Койу агастан чыкалакта, жолдон ыраак жок семис куран эки-үч катап тын багырып ийди, онын кыйгызына жер силкингендй болды.

—Мылтыкту улустын жанына онойдо кыйгырган болзон, бөөрөгинди чийге жидиртер эдин ле, кулугур!—Тойчы коркугандый айтты.

—Слер качан бирде элик аттыгарба, Эне?—Эркелей сурады.

—Эйт!—Тойчы карузын күүн-күч жок айдала, кайра көргөнн билбей калды.—Кадыт кижн озодо мылтык тудатан беде. Бис үй улустар озодо элик адардан болгой, эр улустын мылтыгын да тудар эбин билбейтен. — Мында Тойчынын үни жабызай берди.—Бу керек озодо болгон... Бис кыштудан жайлуга көчөргө белетенгенибис. Адан тышкары калганчы эски-каскыны коштоп турган. Айылда дезе, жагысла аданнын мылтыгы арткан. Жеткер болорын мен торт билбедим... Мылтыкты айылдан чыгарып жадала, чактырма неге де илинип жастыкан. Онон ары не болгонн билбегем... Качан ондозом,—он жагымды кындаккла кезе согуп салган болгон...

Бу тужынан энезинин эрмеги үзүлди. Көстин жалтыркай жажы ээрдин алын кажына келип түшти.

—Ненин учун үй улустар мылтык тутпас учурлу болгон, ондо ненин килинчеги бар?

—Озодо үй улустарды быjar деп айдыжатан... Колго мылтык тутпас, тургузуларына—кудайактарына тийбес бее-

нин судиле јунала, арчыла аластап койгон атка минбес, эр кижинин ээрини минбес, армакчызын ажыра баспас болгон..

Эркелей энезинин чала јымжай бергенин сезеле, оног ары сурады:

—Эне, слер адама, сагыжыгар једип, бардыгар ба, айла албанга јуртаткылады ба?

—Эйт! Сенин сурактарын кандый аайлу? Оңл сананын јүрүм бе.—Тойчы онойдо карузын айдала, тискинди силке тартып ийди, ат дезе, јымжагында чөйө јелип ийди.

* * *

Күн кыр ары јанына јажынып браатты. Тойчы уй сааи тан көнөкти алды, ондогы сууны јес чөйгөнгө уруп, чайды азып койоло, уй саарга сананды. Је, бу өйдө ол бойындын јүзин көнөктөги суудан көрүп ийди.. Ол бир кезекке, көнөкти өрө албай, јүзин ајыктады ..

Ол качан јаш тужында улустар айдыжатар:—„Тойчы ончо кыстардын маңдайы“.

„Менин кызымнын јаражын атту кижиге—түжүп көрөр, јойу кижиге јадып көрөр. Кемле кызымды келип кудалаза, беш јүс салковой акча аларым, беш јүгүрүк аттар аларым“.—деп, Тойчынын энези, каланыда кожондоп отуратан болгон.

Тойчы айылду болгон соңында, онын кайынына бир којойым айылдап келген. Јанар алдында айыл ээзине бир алаканча көрүңгиш сыйлаган. Кайыны онын карузына төрт јашту чар берген. Кайыны баштап тарыйында көрүңгишке бойыннын билезин көрүндирген. Онын кийининде, ол куулгазынду шилден бойыннын чырайын көрүп аларга айылдаштарынын келижи көптөй берди. Андый јилбүлү улустар көптөй берерде, кайыны бойыннын уйине айткан: „Көрүңгишти кайырчакка сук“.

Тойчы бу тушта бойыннын чырайын баштапла көргөни ол болгон. Онын чырайы кызыл марал, кабагы солонгдый, эки көзи кара топчыдый суркурап турган. Тумчугы јалбак эмес, чала конкок, бажы бөкөн, онын учун энези оны „кой тумчук“ дейтен. Чачы курлаадан өдүп калган. Тегин чагы эр де кижиден јада калбас. Уч-төрт ай болгон кулундарды, јаны чыккан кураган чылап көдүрүп туратан болгон.

Бүгүн дезе, суудан өскө Тойчыны көрди. Кызыл маралын салкын учуртып салгандый. Онын ордына јүзинде кара, ак куу сорбулар артып калган—чалчык өбөгөннин соконын сорбулары маңдайында алтай ээрдин чийүзиндий терен чийүлер. Кара көзи кыбалга бөктөткөндий. Чачы буурлдаган...

—Э-э, јараш чырайым кайда бардым?—деп тын ушкүрди. Ол уйларды саайла келди. Эркелей колхоз правлениези-

нин жуунына барган эмтир. Тойчы жаныскан чайлаарга отурды.

Ол бойынын өткөн дө бүгүңги жүрүмине сананды.

Онын уулы Бичик Ишмекчи-Крестьян Кызыл Черүде. Социалистический жөбжөни корулап туру. Кызы — Эркелей колхозто канча жылга мергендүчи, көп катап сый алган. Же ол бойы да карыган да болзо иште — жаш өскүрүмге жозок. Ол доярка, үч жүске жуук труд күн иштеп алат.

Тойчынын ада-энези жокту жаткандар. Тойчы жети жаштан байларга уйлар сааган, он жаштан — балкаш туткан, аракы асқан. Он алты жазы толголокто, оны албанла байдын уулына берип ийгендер. Той тушта уулдар, келиндер колдо канзалу, мактулу кожон кожондогондор, Тойчы дезе, бойынын жаш өбөгөнине жескинчилү көрүп отурган.

Бир катап Эркелейдин бир жашка жеткелек тужында Тойчынын өбөгөни эртен тура эжиктең, эзирик кирип келген. Онын элбек конычту өдүгүнде толтыра балкаш болгон. Чилекейи чекпенниги өмүрине жетире чөйүлүп түшкөн.

— Аракы бар ба?! — ол киреле кыйгырган.

Тойчы дезе, Эркелейди эмизип отурган. Кортык үниле карузын берген:

— Биске аракы кайдан келетен?

Балкашка уймалган, эзирик өбөгөни, турунды алала, эммегенин сого берди.

Тойчы Эркелейди корулап, айылдан чыгара жүгүрди, айылдажына барып жазынарга санаган. Же айылдажынын уйи көнөктө чегендү, ыйлаганча бойынын айылынан чыгара жүгүрди, онын кийинен отту турун эжиктен учуп чыккан болгон...

— Байлар ла жайзаннын жаны тушта бистинг үй улустардын жүрүми кандый уур жүрүм болгон. — Тойчы бойында угуза айдала, тонын туура алып чачты.

„Мени албанла кижиге бербеген болзо, менин балдарымда ончозы эзен-амыр болор эди... Менде эмди канча төрөгөндөр болбос эди! Мен жаныс кызымды не керек Чычканга албадап берерге турум? Керде-марда ол, база мендий ырыс жок болзо не болор?“ — Тойчы аланзып сананды.

Же карузын бойы ок берип турды:

— Эмди совет жан. Эр кижги үйин согор учуры жок...

Чычкан жараш. Ат берген. Эмди экинчизин берер...“

Түндүктө уйалаган карлагаштар быжыктажа бергиледи. Тойчы өрө көрди: тенери тандактала берди. Ол араай турала, изү косторды жууйла эки-үчле катап үрерде, жаркынду жалбыш чөйүле берди.

*
* *

Жылдырак жолды төмөн ат бир кулаш кирелү, каналу немедий, жынылады, же жыгылбады.

— Кер ат жакшы, жыгылбаган.—Шонкор адын мактады.

Жууктала жанмыр жаайла, ойто айаскан, же кезек булуттын ортозынан күн изү чалып турды. Жажыл торко өлөндөр, жүзүн чекетер жанмырдын серуун суузына жуунып алган, ончозы ырысту сүгүнчилү болуп, уткуп тургылады.

— Жер бай! Жер семис.

„Малды канайда кабырарын билерге керек. Мындый ичпек ойдык жерлерге малды кышкыла кабырарга жакшы. Баштапкы кар жааганча кедери тайгада кабырар керек. Ол тушта колхозтын малы семис те, омок то болор“. Бригадир животновод—Шонкор, кырдан түжүп келеделе, онойдо сананган.

Оны бу ишке колхозчылар бойлоры, бу жуукта көстөп чыгаргылаган.

Шонкор бойынын адазын, түш жеринде көргөндий, сананат. Ол одус жыл ажыра байлардын малынын кийининен жүргөн, айлында ас конуп туратан болгон. Шонкор тогус жашту тужында, онын адазы көчкөө алдырып өлгөн. Бир жыл болбой, энези өлгөн. Онон бери Шонкор бойы Сапыш байга койлор кабырган. Соок түндерде Шонкор койлордын ортозына кызынып конотон. Койлор десе, ого килеп тургандый, күлөр көстөриле эрке көрүп, жаткылайтан. Шонкор малды кичүден ала сүүген. Олор онын талдама нажылары болгон.

Он жети жаштуда Шонкор колхозко келеле айткан:

— Мен слердин колхоз малына пастух болорго турум.

Онон артык пастухты аймак ичинен тапагадый болгон. Шонкорды көп катап сыйлагандар. Былтыр күскүде ого неле жазалду эки кып тура берген.

Ол ло тушта Шонкор бойында айдынган:

— Бу турада мен жангыскан нени эдерим? Мен мында жангыскан жатпазым...

Бүгүн ол колхозтын председателиле эрмектежерге бардыры.

Качан ол кырда малла кожо жүрерде, онын сагыжына кандый неме келбей турган деп, айдар.

Төрдөги турада, жаан орынла коштой жажыл будукла будуп койгон кичинек орын турат. Ол кичинек орында, сыранайла Шонкордын бойын төзөгөн, кара күрен бала жадыры. Шонкор—ада! База эки-үч жыл өтсө, Шонкор уулына чөрчөк айдып берер. Онын кийининде тоолу жылдар өтсө, бичикке үредер. Шонкор, ого жоктулардын озогы шыралу

жүрүмүн куучындаар, байлар оларды кулданганын айдар. Уккан көргөнүн ончозун айдар...

Шонкордын келгенине колхозтын председатели сүгүне берген.

— Бис сеге киж ийерге турганыбыс, карын бойун келдин. Сен эмди правлениенин члени, животновод, биске жуук жүрер учурлу.

Кандыйла куучындарды көп куучындашкан сонында председатель айтты:

— Киж и аларга керек, најым! Онон башка жаан тура көндөй туруп жат.

Шонкор, бир кезекке унчукпай, кызарып отурала, сурады:

— Эркелейди кандый киж деп көрүп жадыгар, нөкөр председатель?

— Якшы кыс! Эркелейден чек кыс качан да табылбас деп бодоп турум — председатель кыткырганча айтты.— Мен жөп, колымды күдүрип турум!— эки колын көдүрди.

Шонкор председателдин андый омок сөзине сүгүнгөн бойынча, конторадаг чыкты. Конторанын он жагы жаар тесло жапкай эки кып тура турды. Шонкор онор басты.

* * *

Качан черткиден киш божонгондо, анчы канайып кородойтон эди, онойдо ок Тойчы бүгүн тыг ачынды. Ненин учун дезе, Эркелей Баланка ла Чычканды айылдан чыгара сүргөн.

Тойчы бүгүн иштен сон жанган. Бүгүн койлор кайчылагандар. Ол бир аяк чайды ичкелекте, кенетийин айылдыг эжиги ачылган: алдынан Баланка кирген, оны ээчий онын уулы—Чычкан кирген. Олор тажуурларында аракылу келгендер. Олор Эркелейди аларга келгендерин, Тойчы жарт билген.

Чычканнын кийгени көк торко кыпту, ак кураган тон болгон. Онын торкозын, адазы Боробашта приказчик болуп турарда, Монголиядан экелген. Түлкү бычкак бөрүктин камду бөөлжизи сурлап турган. Же Чычкан бойы, неге де кунукчыл отурганын, Тойчы жастыра көрбөди. Баланка кандый да омок, жүзиндеги бастыра чырчыктары күлтүмзиринип турды. Эки тулунын алдына түжүрүп алган, эрдин аракыла жылыдып алган отурды. Эрмеги жардак болгон.

Эжик ачылган, айылга Эркелей кирди.

Ол бир кезекке бозого жагына тура түшти. Онын кийининде айылдыг эпши жагына, өрө базала, эр жагына кечип, энезине кару көрбө, сурады:

— Сен кемди саткан, энем, кемдерге аракылап отуруң?

Энези каруга сөс тапай калала, көстүн жакын арайла токтой, Эркелейге жууктай басып, тударга сананды. Же Эркелей ырада басып, эжик жаар жууктады.

— Балам... Менин кызым!.. Олор бистин төрөгөндөрибис. Олор озодо сенин учун бир ат бергилеген, эмди де база бир ат экелдилер.

— Адын ойто жандыра берип салзагар, — Эркелей айтты. — Мен бу айылдан барадым.

Эркелей чып ла чын, калганчызын айдып турганын Тойчы жыпыла жарт билди.

Ол Эркелейди эдегинен бектеп тудала, көстүн жакын токтодып болбой, Баламка ла Чычканга көргүзүп, эрмектенди.

— Олор бистин төрөгөндөрибис... Барба, менин балам! Сени кудалазын деп, оморды мен бойым айбылагам. Сен менин тенегимди ондозон, сен бүгүн оморло кожо барар учурлу. Сенин одын оморды айлында он беш жылга чокту күйүп жат, төжөгүн жылу сакып жат!..

Эркелей энезинин колынан жаазы жымжак чакпыдан камду айрылгандый, айрылып, эжикке басып келеле кату айтты:

— Эжик ачык!

Баламка өчөмүк көзиле уулына көрди, тырлажып турган колыла кылчык аракылу тажуурды алала, эжик жаар басты. Онын кийининен, буды уур Чычкан чыкты.

Олор барган сонунда, Эркелей энезине айтты:

— Э-э чаалта, кару энем, слер кылчык аракыла озогы жаанын алдына чөдөп жалындыгар. Бойыгардын кыйынду жүрүмди канайып ундудыгар? Слердин жүзигерде сорбылар канайып түргөн жылыды?

Энези кару айтпаган. Ол кангазында танкы жогын ундуйла, тудушла турунды алып күйдүрүп, эмискекти куруга сооруп отурды.

Бүгүнгү энир, Тойчынын өдүп келген жүрүмде сыраңайла уур—күч энир болды,

— Кызымды албанла кижиге не учун берерге турум?— ол бойында айдынды.—Кемле журтайтанын Эркелей бойы билзин. Эмди башкару жыны—совет жан...

Тойчы жаш тужында бойынын сүүгени бар болгон. Же онын жүрүмин байдын табы жендеген. Оны, сүүбеген эрге албанла садып ийгендер. Бир айдын бажында Тойчы, сол көзи көк ада-энезине комудалду келген. Олор көстүн жакын өткүре айткан:

— Сен эмди бистин эмезин. Сенин бажынды өбөгөнн билер учурлу.

Өбөгөнн дезе, адазы өлөрдө камык жөөжөзүн аракыга ичип, көзөргө ойноп, удатпайла үрөп, чачып ийген.

Тойчы улустарга кой терезин илеп, көктөнүп, койлор кайчылап туратан. Эки балазын-онойдо азыраган. Бир катап ол, бач жарык—Каланчыга жирме койдын терезин илеген. Онын жалына бай алты жашту баланын эски тонын берер болгон. Ол узун жайдын туркунына терелерди илеген. Онын кийининде экелеле, жалына берер болгон, эски тонын сурады.

— Слердин өбөгөннигер бистен бүдүн жарым салковой акча алган... Оны тутканча төлөп берзегер, эски тонды берерим, төлөббөзө, берип болбос турум, каруун онойдо берген.

Эркелей энезинин айылын таштап барганынан бери бир ай өттү. Алтай кызыл сары чололонды Бийик туулардын бажы кажайды.

Тойчы кышка белетенди. Жети койдын терезинен жагы тон көктөп отурлы.

Бүгүн Шонкор ло Эркелейдин тойы.

— Слер кыйалта жоктон тойго кожо барарыгар—колхозтын председатели Тойчыга көп катап айткан.

Же Тойчы барбаска бек сананып алган. Кызынын тойына энечи баратан жан жок! Ого үзери Тойчыга бош жок. Онон өскө—удабас уулы жанып келер...

Бүгүн колхозтын амбарларынын сторожы—Артыш өбөгөн, Тойчыга, жалаң мөңүнле чүмдеген жазалду килин кара ат экелген.

-- Мен Эркелейдин тойына барып жадым. Сеге дезе, жакшы ат экелдим.

— Тегин жерге жобобогор,—Тойчы удур айтты.—Атты ойто апарыгар, ээрин алып агыдып ийгер, мен барбазым.

Тойчы карыган Артыштын чырайына тегин жерге көрбөди. Ол онын жүзине көргөн болзо, чырыш жүзінде изу канын ойноп турганын, жажына табышкан кирелүзин жарт көрүп алар эди.

Онын кийининде председатель келип Тойчыны база кычырды.

Тойчы азыйдагызындый ок керексией айтты:

— Тегин жерге жобобогор. Меге бош жок. Кыш ыраак жокто туру.

— Айдарда, биске тарынбагар,—председатель айдала, жүре берген.

Колхозчылар тойго аттана берген сонгында, бир уулчак жүгүргенче келеле, Тойчыдан кайкап сурады:

— Слер тойго барбазыгар ба jene?

— Ондо сенин не керегин бар?—кыйгастангандый, Тойчы айтты.

Уулчак манзарала, чала кызара берди.

— Мен тегинеле сурадым... Олор Эркелейдин иштеп алган трудкүни учун төртөн алты кой, база оноңдо өскө көп сыйлар апарганын айдарга санангам..

Тойчы түрген турды. Негеде чочыгандый манзаарды.

— Сен кулугур, мынан ары бар... Сен байдаң, не учун келип меге айтпаган. Мен ологро трудкүн көргүзөр эдим!

Тойчы тонды туура таштады; эжиктен түрген чыгала, жүгүрди.

Чакыда турган ээрлү атты ундуйла, колхозчылардын кийининен жойу көндүкти..

Баштап тарыйында, онын саваазында сүрекейле түрген жүгүрүп брааткандый болгон. Жолды коштой учуп брааткан саныскаң да сондоң тургандый билдирген. Же база көрүп, браатса онын алдында бир уй арайын карды чарбайып, базып, браадарда, ол десе ого једин болбой турган эмтир. Бу ла тушта Тойчы онын буттары јенил көдүрилбей барганын јарт билди. Ол байагы. Артыш өбөгөннин экелген килин кара атты јаныла эзенди. Же ойто ол атка јеткенче, ичкери барза торт болды.

Эмди Тойчы, тойго канайда келетенин сананды.

Элден озо ол, келгенле бойынча, койлорды айдап экелзин деп, јакылта берер. Эркелейди тайакла килеш јок согор. Онын кийининде Тойчы, бойынын ачу комыдалын, көстниг јажын өткүре, канча улуска угуза айдар:

— Мен сени тогус ай карындангам. Јирме јашка јетире азырап, кижии эткем. Јүзине чымын кондырбай, будынды чымалыга тиштетпей азырагам.. Сени беш јаштаң ала улус кудалаган Сен ого барбадын.. Сен мени эки аттаң куру артырдын. Мен сеге ачынбай, ончозын таштадым. Учында сен менин сүүбеген Шонкорго бардын. Мен ондо до сени каргабадым. Сен...сен керек десе, трудкүндериннен энеге бир эмеш те бербедин! Канча койлорды ачпактып, бойына алдын! Эмди менин алдыманга бас, јан! Канайда кылызсам—менин табым...

Тойчы, онојдо шыбыштанып, бурулчык јолго јетти. Ого удур, үч јеерен атты темир абырага јеккен, улустар көрүнип келдилер. Тегеликтин алдынан куу тоозын кайнап көдүрилип турды, абырада бир јиит уул ла јаш келиндер болды. Тойчы оморды керексибей, коштой өтти. Же омор аттарын ойто бурала, Тойчыга једин келеле, абырага отуругар деп айттылар.

— Мени сөстөбөгөр, — Тойчы карузын айлат, — мен жаш кызычак эмезим, мени сөслө алып болбозыгар. Ол бир кезек унчукпай турала, эмеш жымжап, эрмектенди.

— Суузап турганым коркушту.

Жиит колхозчылар, ак кийистин алдынан жылу аракылу тажуурды чыгардылар. Жүкле билдирер, жылу күлүмзирү Тойчынын жукачак эрдине жайыла берди. Ол төстөгөшкө отурды.

— Карыган уй кижиге жойу базарга арай уур эмтир — Тойчы, чөчөйдө аракыны алала, колхозчыларга айтты.

Же ондыда болзо, Тойчынын жүреги жымжабай турды. аракыны темиккен аайынча ичкен. Чейне бажындый, кызыл кеен чырайлу келиндерди, кызыл марал жаакту, жиит колхозчы уулды туйказынан аяктап көрөлө, ошон ойто туура көрди..

Ол ойто ок кызынын керегинде санана берди. Энезиле эзендешпей де барган Эркелейдин кылыгын канайып таштаар. Эркелей энезинен барганынан улам колхозто эрмек-табыш чыкканын, сананарда, коронду эмес пе? Бойынын эрке кызы карыган энезине грудкүндеринен бир де неме артырбай, апарганы неге жарайтан?

Ол тушта Тойчы эрте турган болгон, же Эркелей айылда көрүнбесте, Тойчы карыган сторожко-Артышка келген.

— Сен Эркелейди көрдин бе? — Тойч а айылга кирип, оттын айагына турала, сураган.

Артыш тургалак болгон.

— Жок көрбөдим. Ол жылыган ба? — Артыш күлүмзирене-ле бажын тонло бүркөнип, жадып ийди.

Тойчы Артыш өркөнгө амыр бербей, сурай берди:

— Сен Эркелейди көрдин бе?

Артыш бир кезекке кулагы укпас кижидий жатты. Онын кийининде тонды туура таштайла, түргөн турды. Бурул чачы атрайып чыкты. Ол, согужарга белетенип алган петух ошкош Тойчынын алдында турды.

— Баралы мен сеге ончо алмарларды көргүзөйүн Бойынын Эркелейинди бедреп тап — деп айдала, Тойчынын колынан тудуп, айылдан жединишкенче чыктылар.

Колхозчылар жуулыжып келдилер. Артыш ла Тойчы алмарларды эбиреде баскылап жүргөндөр. Колхозчылардын баштап шүүгөндөрү: Артыш түндө уйуктаган туру, уурчылар десе, колхозтын жөөжөзүн апарган жат.

— Менин Эркелейим кайда? — Көстин жанын жеңиле арчыганча, Тойчы сурап турды.

— Мен кайдан билейин!.. Мен билбем деп, мун ка

тап айдып турум. Мен алмарлардын каруулчыгы, улуэтын каруулчыгы эмес.

— Колхозчылар була тушта, керектин аайын билип ийгендер.

— Бедиребегер—деп, олор айдышкан.—Бис удабасла Эркелейдин тойына барарыбыс. Чочыбагар—ол түрү!

Тойчы ол өткөн чакпырт-түйменди ончозын, эмди колдо чөөчөй аракылу, төстөгөштө отурала, сагышка алынды.

Колхозчылар Тойчыны база катап абырага отурзын деп, кычырдылар.

— Жок, менин адам абыранын изин көрбөгөн, айдарда мен де отурбаска турум, Тойчы жана түшпей, айдала, „Кызыл Тандак“ колхозко жетире жойу келди.

Мында дезе, колхозчылар Тойчыны музыкалу, кожон жыргалла уткуп келдилер.

Тойчы токтой түшти. Чырыш жаагын төмөн жолдоп тер агып турды. Бир кезекке айдар сөзүн эдер немезин тапай калды.

Онын кийининде бир де кижинин жүзине чике көрбөй, ичкери басты.

— Эне, Эне!...—кенетийин Эркелейдин үни угулды.

Кызы келип, энезин кучактай тударга санаган, же Тойчы оны бойынаг ырадаийде салды. Ол турага киреле, жүректе канча корон бар, ончозын жайып берерге санаган. Онын бу ийделу шүүлтезин, кандый да көчкө апарып болбос, куйун салкын кодорбос, ийделу баатыр токтодын болбос. Ол Шонкордын туразына мендеп басты.

Колхозчылар жолдон кыйып бергиледи. Эки кып туранын эжиги түргөн ачылды. Жараш түрү чечектердин жыды Тойчынын жүрегине жаба жетти. Же Тойчы, кандый да немеге көзи тийбей тургандый болды. Онын көзине көрүнгени полдын ортозында торко учукла чолологон ак скатертьле жаап салган, эки-үч столды—улай тургусканы, онын үстинде дезе, неле курсак чогулганы болгон. Ненин учун столды көстөп келген, Тойчы бойыда билбеген. Ол түргөн келип, скатертьтин учынан тудала, бойы жаар тартарга турарда, ого тагыш үн угулган:

—Слер канайып туругар, энем? Жакшы ба, эне!

Бу кару уулы—Бичиктин үни болгон. Качан Бичик Кызыл Черүге барарда, онын кийени эски тонычак, чачакту бөрүк болгон. Эмди дезе, онын кийими пограничниктин кийими эмтир: жажыл фуражка, эки үч толыкту жажыл петлица. Жүзи толы, кызыл марал, көкүрүм, омок.

Ол энезине жууктап келеле, колынаг ала койды. Тойчы манзаарды. Онын жукачак эрди уулынын жаагына эрке жагышына берди.

Ол уулына айтты:

—Сен жанбай, мында не керек токтогон?

—Мындый сүгүнчилү байрамнан канайда көндүрө баратан?—Бичик күлүмзиренип айтты.

Туранын ичи тым боло берди. Онон ары не болорун ончолоры сакыдылар...

Тойчы эбиреде аяктады. Көзгөктө жараш к өжөгөлөрдү көрдү, ымжак диван, отургыштар, чечектер. Ол беш километр жерге не керектү жүгүргенин ундуды. ымжак диванга уулыла коштой отурды. Бу ла тушта, одоюндагы диванда отурган, аймакисполкомнын председатели Кудринди көрүп ийди.

Тойчы онон сурады:

—Сен кайдар барадырын, нөкөр Кудрин?

—Бистин областта ады чыккан эки талдама улустун тойына кычыртып келегем.—Никандр Иванович каруун айткан

Калганчыда, столдор ончозы жазалды. Колхозчылар оны эбиреде жараштыра отурыгалады. Колхозтын председатели уткуул сөс айтты. Оны ээчий колхозчылар айдышты. Олор жаны айылду болгон келин ле уулга көп баалу сый бергиледи.

Тойчы бойынны жагына көп алтай тойлор көргөн. Ол тойлордо сыранайла күндүлү жерлерине жайзаңдар, байлар, камдар отуратан, жоктулары десе, колдо чөбчөйлү чөбдөк бажына, олорго мактулу кожондор кожондойтон болгон. Табыш-тал көл согуш, кереш сүрекей болөтон.

Тойчынын бүгүнгү көргөни башка болды.

Ончолоры жараштыра отуруп алгандар, көдирезинин жүс тери ырысту.

Никандр Иванович Кудрин өрө көдүрилди. Ол жоктулардын озогы кыйып—шыралу жүрүмү ле олордын эмдиги ырысту, сүгүнчилү жүрүмү керегинде сүрекей жарт куучындады. Андый ырысту жадында акту күчиле жаткан албатыга берген кижинин адын бастыра телекей билер. Ол бистин улу, төрөл Сталин!—деп, куучындаган.

Никандр Иванович Тойчыга кылчайып көрдү—Советский Союзта ырысту эзелер канча миллионнон бардеп ол айткан.

Бойымнын аяагымды бистин сүүген Эркелейдин энезинин учун өрө көдүрип турум!

—Чып-чып!—Артыш өрөкөн аяагын өрө көдүрип, Кудринге жөмөжип айтты.—Мен база онын учун ичедим, алтан жашту үй кизи беш километр жерге жойу келген учун.

Тойчы аякты, сананбайда туткан бойынча, өрө көдү-
рип келеле, чокум униле айтты:

— Беш километр—ол ыраак ба? Мындый ырысту, жакшы
байрамга бежен километр де жерге келерге кизи жобобос!

Т Е М И Р А Т

Жайгы күн бийик тенериде, билдирбезинен, жылып братты. Жүзүн чечектү жалаңдар изү тынышла тынып жаткылады. Орө чанкыр кейде, эки карчага канаттарын талбыбай, кайып тургылады.

Агаштардын жалбырактары да, бүрлери де кыймыктанбай турды. Андый өйдө эрмектенер болзо, эрмек ыраак угулары жарт.

Соңдобосов Кичемкейдин айылынын жанындагы агычакта бир кезек колхозчылар отургылаган.

— Мен кече аймакисполкомнын жанында бир ат көргөм. — Кичемкей, күлүмзиренеле эрмектенди.

— Ол аттын буттары он төрт, жаны ай ошкош тегерик, бойы дезе, бастырала темир.

— Мен бооро Чуй трагында андый немени база көргөм. — Бир куакай кызыл төбөлү жажыл чачакту бөрүктү, жаан келген колхозчы билеркеп эрмектенди. — Түнде онын эки көзи, аяс тенеридеги күн ошкош. Оноор, канайтсада чике көрүп болбозын.

— Талдама жүгүрүк аттар да ого једижип болбой жадылар, деп айдыжат.

— Аттан болгой карлагаш та јетпес ийне.

Бу куучындар албаты ортодо, Алтайдын түлтүк жылым кайа-таштарын динамит оодып, Јаш-Турадан Кош-Агашка јетире жаңы энчилү јол эдип турган өйдө болгон. Койлоолордын табыжы үзүк јоктон жаңыланып турган. Ол жаңы јолдордо кайкамчылу аттар көрүнип келген өйи болды.

Кичемкей, аймактын жанында солун атты көргөн бойынча, јүректин согужына чыдашпай барган. Бу мындый кайкамчылу атка минип јортор күүни келди. Ол оны эбиреде баскан, тегерик буттарын колло сыймады, јалтыркай шили көзинин јыкпыгын сабардын бажыла арайын тийдирип көрди.

Онын эжиги ачыларда, бир кызыл марал кыс чыгып келди. Онын чачы јаркынду, тортло сары торкодый болгон.

— Автомобиль јарап туру ба?—ол өткүн үниле сурайла, јалакай күлүмзиренди. — Бистин Куру-Кобыда шоферлер белетейтен курс ачылып јат. Кел. Мындый машинаны кулагынан тудуп јүрерине бойын үренип аларын. Јарайт па?

Ол куучынды бүгүн Кичемкей колхозчыларга бойы айдып берди. Оңдо отургандары—ончозы, јиит уулды темир атка минип јүрерине үренирге кычырганын јарадып уткудылар.

— Журум торто чөрчөктөгидий!—куакай бөрүктүгө кош-
той отурган кижги кыйгырып ийди.—Андый чыйрак бутту
аттар жагысла чөрчөктин баатырларында болотон!

— Темир атты көрөрибисти бис туженбедибис те!—кү-
дүчилердин жааны тын айтты.

Карыган Иркит улустын эрмегин узак тындап отурган.
Учында, суйук бурул сагалын сыйманала, тамагын кенгиде
жөткүреле, куучынды баштады:

— Мен мында отурганча, жинт тужум санаама кирди.
Кажыла жинт кижиде сууген кызы барын слер бойыгар да
билеригер. Олорго канча кожон чүмделетен. Ол туштагы
бистин кожоныбыс:

Алты туунын ары жанында
Көөркийим мени сакып жат.

Ого учуп барарга —

Ат, канадым менде жок.

Жети суунын ол жанында

Кара көстүүм кунугып жат

Ого эмдиле барарга —

Күр, кемези ондо жок.

—А эмди, бойыгар көрүп жадыгар — карыган куучынын оной
ары көндүкти, — түрген сууларды кечире күр салынды, бийик
тууларды ажыра жолдор бүтти. Ол жолдордо эмди кайкам-
чылу аттар келди, олар салкыннан түрген, жети кырды ажы-
ра мантазада арыбас. Эмди мен жаш болгон болзом, мынай-
да кожондоор эдим:

Алты туунын ары жанында

Көөркийим мени сакып жат.

Алты сөсти айткалакта —

Көзүн једип көрөрим.

Жети суунын ол жанында

Кара көстүүм кунугып жат.

Жети сөсти айткалакта —

Колынан једип тударым.

Карыган, тыныжы жаанап, токтоды; онын чүмдеген ко-
жонын колхозчылар мактады.

— Мынан озо бис Кош-Агашка кош апаратаныбыс. Би-
стин јаткан јерден Кош-Агашка јетире уч јүс берсте. Ого
једери бир айдын бажында. О-ой, баш болзын, кезикте кажы
бирбосмдорго келер болзон, чач бөрүкти өрө көдүреле, та-
ман торто тоштый тоно берер Андый јерлерден Кадыннын
чанкыр, Чуйдын апагаш сууларына канча кирелү јакшы ат-
тар, којойымнын товарыла кожо барды болбогой. Којойым-
дар, бойынын адын өлтүрп, чыгымдалган кижиге болужар-
дын ордына... онын калганчы терезин сойуп алатан. А эмди

жүрөтени — тортдо жыргал. Мен бу жуукта бир азыйдагы на-
жымла тушташкам. „Кош-Агаштан качан аттанды?“ — деп, мен
сурагам. Ол меге, бир де кичү кокпур жогынан, кару айдат:
„Бүгүн эртең тура“. Мен чала тарына да бергем: „Төгүн-
дөсөргө үрөнгенинен бери узақ болды ба?“ — деп, айттым.
Сени шонкор бойынын канадына отургузала экелди бе? —
Ол мен жаар көзи жаан көрөлө, айтты: „Шонкор өрө бийик-
те, булутка жаба учуп жат, ого отуарга мен чала жалтанып
жадым. Темир ат дөз, jerле мантап жат, оныла, жүрөргө
ижемчилү“. Мен эмеш санандым Андый темир ат бар
деп, онын да алдында улустардан уккамла, je ого бу-
дун болбогом. Ол темир аттардын ийдези канча кирези не!
Олор кандый бөөдөн бүтти не? — деп кайкагам.

Карыган өбөгөн канзазын базала танкыла тыгып асты,
отыкты чагып, от табала, буруксып турган куу танкыга са-
лып, ачу ышты чөйбө соруп тартынып ийди. Канзазын көн-
жиделе, албатынын сүзүйтөн Сартакпай баатырдын жүрүмин
куучындады.

Карыганнын суу чылап урулып турган эрмегине чаптык
эпеске, колхозчылар экиден-үчтөн келип, жажыл төрко
өлөнгө араай отургылап турдылар. Качан карыган куучы-
нын божодо айдып ийерде, тұлкү бычкак бөрүктү жаш уул
тын айтты:

— Ол Сартакпай, сүрекей иштемкей кижин болгон эм-
тир! Ончоло албатыга тузалу немелер эдерге сананган. Жа-
ныс, мен бодозом, ол тушта андый кижилер жок болгон бо-
лор. А эмди дөзө, бисте андый баатырлар көп.

— Жилбиркеер неме, — Сартакпай темир ат керегинде са-
нанды ба, жок по?

— Кандый темир атты? — Иркиг өбөгөн, жетире укпай
калала, сурады.

— Автомобили керегинде айдып отурбай... — карыганга
бир жинт уул жартап отурды.

— О, автомобильде не болзын, ол сүрекей жакшы, — Ки-
чемкей катап эрмектенди. — Онын түргени салкынды, бө-
көзи суудый! А ээлгири, онон артык ат табылбас! Кече бир
орус кыс темир атты башкарып турганын — мен көрдим. Ол
кыстың көзи айас тегеридий... Онын адына жаныс да катап
көргөн бойынча, санаам жети!..

— Же аткала эмес болгодый... — тұлкү бөрүктү уул кат-
кырымзып айтты:

— Же, оосло бар дейле, жалан төмөн барбазан... — Кичем-
кей чала чугулдана берди. — Атты сүөгөм. Темир атты!

— Шоферлердин курсуна төрт комсомол ийзин деп,
бичик келген. — Комсомол ячейканын катчызы, отурган улус-

ка жууктай базып келеле, айтты. Онон ары база неинде айдарга сананган. Кичемкей дезе бойынын жаан үниле жара киришти:

— Ончозынан озо мен! Бичи...

— Сен бистин колхозто талдама күдүчи. «Катчы айтты. — Сени канайып божодорыбыс?»

— Койлорды энем кабырар. Ол менен артык болор.

— Кем жок, жуунда эрмектежерибис.

Колхозчылар айылду айылдарына таркадылар. Кичемкей база өрө турды.

Түлтүк бозом жаланга түжүп келди. Бийик кырлар невиде сананып, кунукчылду тургандый болгылады.

Жиит уул да база терең санаада болгону онын чырайынан билдирип турды. Ол кайкамчылу темир атты онын жалкындый, түнде айдан артык жарып турар көзин сананып турды.

II.

Жуунда куучындар сүрекей көп болгон. Кезик комсомолецтер, курска барбай, мойношкондор. Кезиги, орус тилин билбезине шылтактанып, кезиги бойынын жетире бичик билбезине жондоноп, кезиги дезе, айылында оору улустарын таштап болбос деп, айдышкылап турган... Кичемкей талдама күдүчи болгон керегинде, оны колхозтон божодор күндери жок болгон. Же, учу-учында онын сурагын бүдүрер болуп жөпсингиледи.

— Качан аттанар?—ол катчыга жууктай жүгүрип келеле, сурады.

— Эртең тангла.—Овызы каруун берди.—Аймакка жетире тан атла барарын, онон ары, үренер жерге жетире машиналар барарын.

— Алкыш болзын, нөкөрлөр!—сүгүнген уул кыйгырып ийди, ондо отургандарды көзиле айланып келди.—Машиналар жүрерге үренип алзам, слерге кош тартарым! Бойыгарды да адыма миндирип, алып жүрерим!..

Айылы жаар жүгүрерде, бут алдында жер барын билбей тургандый болды. Айылга киреле, омок айтты:

— Эне, койу чайды түргөн кайнат!..

Унчулай, өчөмүк көзиле уулы жаар көрди. Жалбышту отын жаркынына уулынын, кызыл марал чечек жайылып калгандый иле күрөң чырайын көрди. Онын кулагы, омок, сүгүнчилү сөстөр укты:

— Браадырым, эне!.. Браадырым!.. Слер чөрчөктөги баатырларды угуп жүргенигер. Олор жажына жеткен сооңдо, айылдарына отурбайтан жок по. «Киер кебим кайда? Минеттен адым кайда?»—деп айдыжатан эмес пе.—Эски тонум

жылу болбойт, эки жени жастык болбойт. Жердин устин айланып барадым, жети куркунду ат табадым, оны арташ ээрле ээртеерим, Алтай устин айланып жүрүп, ай кебеделдү өш табарым!». Онойдо ок мен...

— Сен кижилер аларга сананып алдың ба?—энези сүгүнө берди.

— Жок, эне, озо баштап чөрчөктөгидий ойгор, ат таап алар керек...

— Сени мен ондободым. Туркаары кокпурлабаганча жүрбей жадым.

— Акту сөзүм, эне. Мен эртен ыраак жорыкка барып жадым. Менин койлорумды слерге күдүдөргө жадылар. Меге койу чай кайнадып биригер, тус ла каймакка карамданбагар. Айса, слердин койу чайды меге бачым ичерге келишпес.

— Жыландабай отур.—Энези, чочынкай токтодып айдала, эски жес чөйгөнүн темир очоктунг устине азып ийди. Отко кургак одыннаг кошты. Ол эмди де Кичемкейдин сөзүн кокпургала бодоп отурды. Айла онын аланзыйтаны да учурду. Ол жакшы билер, онын жангыс уулы энезинен жөби жогына кайда да барбас, оны таштабас. Кичинек Кичемкейдин адазы, байлардын малын кабырып, тайгада жүрөле, агашка бастырып өлөрдө, энези түнге - түшке байларга тон көктөп, тере илеп, онын учун аяк арба, челдеп койгон сөөк алза, өскүс балдарын кичееген эмес пе. Ол балдарын аштатпаска, ыйлатпаска канча-канча конокторды, өзөгү саргарып, уйуктап жүрген. Уулы оны байла билер. Ол эмди, энези түрү отурза азыраар керек, өлө берзе—күндүлөп жуур керек.

— Сен кандый атты бедиреерге турун? Керек?—энези, токтоп болбой, уулынан сурады.—Бисте жеерен ат бар ийне.

— Мени, эне, автомобильдин курсына ийип жадылар.—Кичемкей айтты.—Уренип алзам, меге темир ат берер!

— База нени табарын?—энези канзала турунды согуу ийди.—Болыраарга жеткен. Сен кайда да барып болбозун... Сен мени тыштандыраар учурлу...

Энезинин сөзи. таштый, кагу болды. Оны эмди неле де бүктеп болбозун, кандый да алтынду сөслө жымжадып алары жок. Кичемкей унчукпай отуруп бир аяк чайды ичеле, орынга жатты.

Туулар бажында түн койылды. Түндүктөн өткүрө жаркынду жылдыстар суркуражып тургылады.

Энези канзанынын когын каа-жаа турунга кагып отурды. Танкынын кургак жалбырагы, онын кату алаканында быырап турганы угулат.

— Манжынын койлорун канайда кабырганыбыс, слер-

дин сагышка кирет не, эне?—уулы араай сурады.—Соок жаста, жашканду күсте—өдүк жок... Буттарыбыс ол тушта айуунун табажына түнгөй болгон...

Ол жылдар өткөн. Ол жан ойто айланбас.

Энезинин үни соок то, кату да болды, уулы база катап унчукпады.

Саста талтар, жерди торгулта эдип жатты. Ол жанында, аркада кемди де сескен, элик багырып турды.

Энези кончындагы тере калтаны төртүнчи катап, унчукпай чыгарды. Канзанын бажы тын изиди, же онын жүреги онон изу согылды... Эрик жокто өткөн жүрүмдү ээине алынды. Ол күндөр, турнанын канады ошкош, боро болгон. Кыйынду жадынын керегинде жанмырдын булуду көстөн айрылбас болгон. Ол жылдарда Унчулай көп катап бойунан сурап туратан: «Мен не керек ыйлап жадым? Көстин жакы түбектен чыгарга болушпас...» Же, көстин жакын токтодып алары жеңил неме эмес болды. Тут жылдарда соок жанмырдын учуна чыгары жок.

Кичемкей кичү тушта оны энези бойунун тонын алдына, жардына жүктенип, койлорды кабырып жүрди. Күнүнле бойунун кунукчылду кожонун кожондоп жүрөтөн:

Жардымда жүрген жаш балам

Жаанап, эрге жеткей не?

Жажына кыйын ордына,

Ырысту конок келгей не?

«Эмди дезе ырысту жүрүмнүн күни Алтай устинде жажына ашпас болуп чыкты. Уулым бойго жетти. Эмди сүгүнчилү журтаарла керек...—энези, бажын жайкап, сананды. —Же ол мени—карыганды жангыскандыра таштап жат...»

Уулынан араай сурады:

— Сен уйуктап жадын ба, Кичемкей?

— Уйуктап болбой жадым,—уулы айдала, орыннын үстине отурды.

— Мен саванзам: ол курстан мойноп ийзе, кайдар? Олор сего не керектү...

— Жок, эне, жарабас. Комсомолды кайдар да ийзе, онон жана түжер жаны жок. Бу керекке дезе, мен бойум сураганам...

Бу тушта энези база унчукпай барды. Озогы өткөн күндөр онын санаазына база келди. Ол өбөгөнү ле кожо, Манжынун, Монголдон алган койлорун канча каскак жолдорло айдашкан болгон. Ол мыйрык-тейрик жолдор Чуйдын энмек боомдоруна экелетен. Сүрекей кысталанду жерлерде койлорды кучактанып та өткүрерге келишип турган болгон. Сол жаны—ажу, он жаны—энчек боомдор болгон эди. Эмди

ондо үч те абра коштой жайым өдүп жүргөдүй жалбак, жакшы жол бүткөн, темир аттар мантап жат. Олордыг манына куйун да жедишпей жат деп айдыжат. Кайыр кырлу жерлерде, андый аттарга отурала, мантадарга сүрекей болбой кайсың!

— А ол курста узак үренетен бе?—энези чала токуналу үниле сурады.

— Жарым жыл... Мени ийерге слер жөпсинип туругар ба, эне? Мен баратанла болзом .. бир де айга үренип аларым...

— Жөпсинип турганым жокло... тегинеле сурадым...—Энези ойто ок азыйдагы санаазына көчти. Же эмди оны өскөзип сананды. Ол эмди эртен, сонзун болотон керектерди сананды. Айса жарым жыл өтпөс, кырлу Алтайга эрмек—куучын жайылар: «Карыган Унчулайдын уулы темир атка минерге таскап алган!» Уулы темир атту келер. энезин бойына коштой отургызып алар, онын кийининде Чуйдын боомдорыла, озодо Унчулай бойынын өбөгөнине койлорды куачактачып өткүрүжип жүргөн жерлерде, канатту куштан түргөн учуп барар..

Энези отко кургак жарчагадан салып ийди. Онын чырыш, күрөн чырайын от жарыдып ийерде, Кичемкей ол омок сананып отурганын, онын көзинен иле көрүп алды. Кичемкей эмди орунга, арайын, ойто жадала, энчилү уйуктай берди.

III.

Ол, күн кырдан көдүрилерде ле уйгунган. Тачпак жеерен адын ээртеп ийди. Бир аяк тусту чайды ичеле, аттарга чыкты.

— Жакшы болзын, эне! Кандый жатканыгарды меге бичип туругар. Мен слерге база бичиirim. Мендешке үзенгини эки катап жастыра тепти. Атка минеле, жалбак мееске чыгара баскылап жаткан, койлорын аяктап көрди.

Уулы койу агаштардын ортозына кирип көрүпбей калганча, энези кийининен ары көрүп турды.

Жеерен ат суу жараттай жолло желип баратты. Үстинде отурган кижизи десе, кичүден ала бу өзөктин суузын бажынан ичкенде, же кайдар агып жатканын, кандый сууга табыжып турганын билбеген. Ол мынан озо мындый жаан суула коштой жүрбеген. Суунун чанкыр чакпынын көрөлө, бу жуукта бир кыстын кожондогон кожоны сагыжына кирди:

Жаскыда Кадынды мен кечтим

Жараш чокыр таш көрдим.

Аркыт суузын мен кечтим

Алтынду чокыр таш көрдим.

Кичемкей аймакка жедип, адын ойто жандырала, бойы

кош тартар автомобильге отуруп ийди. Күн ажарга жууктап келерде, машинада отурган улустар айдыжып тургулады: «Эмди бир частын бажында автомобиль базага једер, јаан саат болбой, темир адыбыс Куру-Кобынын јараш јаланына чыгара мантаар.»

Ол Куру-Кобы деп јерди ончозынан озолодо көрөргө турган кижии Кичемкей болды. Энир бозом бүркелди, ол айдышкан јалан дезе, олордн эмдиге јетире уткугалак... Булут јок тенериде јылдыстар да бойларынын одуларын јалтыраткылап ийдилер. Јылдыстар көптөди. Темир ат дезе, айан башту кырлардын канча кобы јиктериле эмдиге јетире мантап барат, өзөккө түшкелек... Кенетийин Кичемкейдин көзине јарык јылдыстарлу кара-көк тенери јерге түжүп, јылдыстар дезе, кеен јаланды чүмдеп ийген немедий көрүнди

— Ой! Уулдар. — Ол токтодынбай кыйгырды, — ол јылдыстар јердин үстинде арбадый төгүлген! Ол кандый аайлу неме? Тенери канайып бистин алдыбыска јада берди?

— Тенерининкабортозы оодылып јерге түшкен эмей база, кожо барып јаткандардын бирүзи кокпурады.

— Ол Куру-Кобынын јылдыстары.

— Сен качан бирде, электричествоны көрдин бе?

— Көргөн болзом слерден не керек сурайтам.

— Ол электричество јарып јаткан јерде, төрт јыл кайра бир ат буулайтан казык та јок болгон. Кышкыда ондо кар атпас, јайгыда өлөн өспөс. Онын учун оны Куру-Кобы деп адаганы ол. Эмди не болуп јатканын көрдигер бе?

Олорды сууны кечире, јалбак јарынду, јымжак јорыкту паром кечирген. Машина деревнеге једип келди. Мында столмолордын бажында турган отторы, түнде јерден ийне де таап алгадый, јарык эптир. Јалбак оромдорло автомобильдер мантажат. Олор кезедүлү кыйгырыжып јүргиледи. Мындыј јаан табышту, јараш отту јерден айрылып, курсавтарга јазаган турага барарга Кичемкейдин күүни јок болуп, јилбиркеп, кайкап турды.

Јаркынду оттын јанында, јаны сүгүнчилү јүрүм башталды.

IV

Көп табышту Куру-Кобыда јаан учурлу күндер өдүп јатты. Машинанын канча јүзүн өзөк-буурын ондоп билерге, үренерге эн баштап Кичемкейге күч болгон. Онын үредүзинде бир тутак, орус тилди јакшы билбезинде болды. Кичемкейге ой једишпей турды. Онын учун ол, көп күндерде түн ортозы өткөнчө, колында книгалу отуруп турар болгон. Онон улам бажында оору да табылды.

Аймакта тушташкан кысты да ол көп катап сананып турган. Ол кыс-шофер. Мында жадырым деп айткан. Же ол мында не учун көрүнбейт, не керек угулбайт, онын өткүн уни кайда? Мындагы улустан сурагадый эди, же канайда сурайтан? Кичемкей онын адын да, өбөкөзүн де билбес.

Ол кыс машинаны жартап, кичеemelдү айдып берип турганын, уул көп катап сананып жүрди: „Мынызы—сирена, автомобильдин уни, мынызы тискин —кайдар керек оной буру, мынызы десе, жорыгын арайладар, тыгыдар стрелка, бу десе, тормоз...“ Онойдо жартап айдып берген тужында, Кичемкейге машинаны билетени сүрекейле күч неме эмес деп, билдирип турган. Эмди десе, үредүнин андый белен эмезин ол бойы жарт билди: Бир кезек уулдар үредүни таштап ойто жагылап та турганы бар. Жагыс жерден келген төртүдүн экүзиле артып калды. Ол кыс мында болгон болзо, Кичемкейге болужар эди ле. Кичү де аланзу жок болужар эди.

Оны жагысла комсомолец Арбын сагышка тужурбей турды:

— Темир аттардын тискини бистин колго кирерине жедип аларыбыс, Кичемкей, ижек нажым.

— Нөкөр Арбын, бис ол аттарды канча кирези чыйрагы бар, ончозынала божодор эдибис!—Кичемкей Арбынга каруны беретен болгон.

Бир катап, курсанттар моторды үренип турган өйдө, мастерскойго бир жагы чыккан бозу ошкош, буттары чалыжандап жүрер кичи кирген. Онын сыны тал ортодон бийик эмес, эдер немезин тапай жүргендий бөрүгин көзине жетире кийип алган, эки колы десе, кармада. Ол, мотордын жанында турган уулдарды көрөлө, Кичемкейге базып келеле, ого сабарыла түртүп ийди:

— Торт ары ташта, сенен не де болбос. Азий шофердин айтканын ук...

Кичемкей ого кату сырғынду кылчайып, мынайда айдарга сананды: „Сенде иш жок болзо, биске чаптык этпей, тургузала мынан чык.“ Же ондо турган орус нөкөрлөри оны озолды:

— Чаптык этпе, Гришин.

— Сананып көр, сенин кылыгыңды бис эртен рабочкомдо шүүжерибис.

— Оны тургузала мастерскойдон чыгара сүрзегер... Көзөн, жыду кылыгын жайып жүргенин.

Гришинди курсанттар, терлү атты адарулар аралагандый аралап ийдилер.

— Мында кандый шугаан болды?—кыстын өткүн уни

угулды. Ончолоры эжик жаар көрдилер: бозогодо, кыска тере тонычакту, күрен шлемду, жаш кыс турды.

— А-а, Нюся жедип келген!

— Жакшы амырадын ба, нөкөр Чистякова? Ой, онын тешпейгенин көрзөгөр!

Шоферлер оныла эчий-течий эзендештилер. Кичемкей ол кысты таныды, же удур базыл жакшылажарга жеткелекте, кыс бойы ого удур келди:

— Жакшы ба, нөкөр! Слердин үрэнерге келгенигерге сүрекей сүгүнип турум.

— Слер ойто келбестуру деп, мен коркугам. — Кичемкей орустап айдала, чырайы бастыра кызара берди.

— А, слер эмди орустап жакшы айдып турган эмтиригер, — кыс онойдо айдала, ондо турган шоферлер жаар көрди. — Же, слерде андый жаан табыш ненин керегинде болды?

— Базала Гришин керегинде болды, Анна Васильевна. — жаандап келген шофер айтты, — Ол бүгүн нөкөр Сондобосовты тарындырарга сананган.

Нюся эзирик шоферге кылчайып көрди.

— Оны эмдиге жетире ненин учун сүрбеген? Начальник ле эрмектежер керек болгон.

Гришин жамажайынаг шыйт эттире түкүреле, неме эзебей турган кижидий, эжиктен чыга берди.

— Сен, нөкөр Сондобосов, андый улустын эрмегин эрмекке бодобо, — Нюся айтты. — Онын кылыгын бис бүгүнле шүүп аайына чыгарыбыс.

Кичемкей унчукпай турган. Онын эрдинде жылу күлүмзирү, күндий чалып турды. Мындый адааркак нажыларынын ортозына турары ого, жер үстинде оног жаан ырыс жок немедий бодолды.

V

Кичемкейдин жана баспазы жендеп турды. Курстын начальвиги ого бир катап мынайда айткан: «Удабаста автомобильдин канча үйе бастыра сөөгин билип аларын...»

Жиит уулды сөстөр үзери канаттандырып турды. Төрөл садактуга, автомобильге отурала, жедип барган киж. Ол тушта мени ле кожо курска келеле, качып жангандары мен жаар канайда көргүлегей эди? Энем ле Иркут өрөкөн, мени сакырга чактары байла чыккан болор.

Бир катап Кичемкей газеттен эткея конвертте письмо алган. Ол конвертти түрген ачала, кычыра берген. Энезинин айтканынча кемде бичиген эмтир:

«Күндүлү уулым Кичемкей!

Бу сен не болдын? Суу кадык жүрүн бе? Айылынга ненин учун узак жавбай жадын? Сени сакырга менин чагым

чыкты. Түрген жан. Ойвоорго болор, иштеер керек. Мени колхоз дом отдыкка баратан путёвкала сыйлаган. Айылга артырарга кижн жок. Октябрьдын байрамын сүрекей якшы өткүрдибис. Комсомол ячейканын катчызы ол тушта сенин керегинде база көп якшы сөстөр айткан. «Ол удабайла темир атты колына алар деп, сенин керегинде айткан. Же онойдо бу киреге жетире ол атты не албас?.. Түрген жан. Сууген уул, энези түрү жүрзе азыраар керек, өлө берзе сөөгүн жүр керек.

Сенин энең Унчулай»

Кичемкей письмону катап-катап кычырды.

Чокырайта бичип чаазынды өткүрө, энезиле жергелей отуруп, эрмектешкенге бодоп турды. Онын кийининде узак сананып отурды:

«Мен айылыма санааркап та калгам болзо, курсты божотпой канайып баратам? Же энеме болужарга керектү... Ого отдыкка барарга керек. Канайдар? Бир айга суранатан ба? Кыйалта жоктон, ойто келерим деп айдар?...»

Кенетийин, курста айдышкан эрмек санаазына кирди: «Кичемкей удабас автомобильди колго тудар». Нюся дезе, омок айдып турган: «Ол сүрекей якшы шофер болор!» Айылына жанарга, отпуск суранарга турган санаа оны таштады. Көзи оттың чедиргендеридий жарык болуп, арди кыймыктанып, шыбыштады:

—Курсты божотпогончо, жаныш жок.

Бир лист чазынды алды. Жүрексиреп туруп, мендеп, карандажын катап-катап жалап, бичип баштады:

«Менин күндүлү энем!

Жаан сый алганыгарды, бар жүрегимнен уткуп турум. Мен мында бир кыс шофер көргөм. Ол бу жуукта дом-отдыктан жанган. Онын айтканыла болзо, ондо сүрекей якшы Слер, энем, барып якшы тыштаныгар, су-кадыгарды, күчигерди алыныгар. Слерге путёвка бергенине менин сүгүнип турганымнын учы жок.

Эне, слер эмеш жастырып жадыгар: мен мында ойноп жатканым жок, жаан керекке үренип жадым. Слер бичип жадыгар: «Түрген ойто жан». Эне, үренип божогон улус айылына барып жатпайтан, ол үренигени аайынча иштейтен учурлу. Мен слердин суракты бүдүрүп болбозым. Же мен слерди качанда таштабазым. Айылга айылдаш улустын бир-бириүзин айбылагар. Иркит те өбөгөнди айбылап салза кайдар ол. Айла ол кандый, якшы жадыры ба? Азыйдагызындый, чөрчөгүн айтканча ла болбой кыйсын?

Көп бичириге санангам, же үредүге баратан ой жеткен... Якшы болзын, энем! Бастыра колхозчыларга менен эзен

айтсагар. Мен, удабаста темир атка минеле, слерге айылдап келерим, сакыгар. Слердин уулыгар Кичемкей».

Кичемкей машинаны тын чеберлеп турды. Темир ады гаражта болгондо, ол кереле тўжине оной айрылбайтан, — моторды балкаштан, кирден арчып туратан болгон.

Ол бойыннын нокорлорине айдып туратан:

— Темир аттын суузымы — бензин. Онзын ичпезе, мантап болбос. Бензинди ле коротпос керек.

Качан бензинди бойы уруп турала, болгобой, эмеш те тўгўп ийер болзо, бойына бойы чугулдап туратан:

— Бу кайткан кос, кайдар урарын билбес, бу не болгон кол, бензинди чиберлеерин ондобос!

Курсты божодоло, машинаны алган сонгында, Кош-Агашка баратан жакылта алды.

Олор аттанар алдында, рабочкомнын председатели олорго айткан:

— Жорыкка тўрген жўрўп, машинаны чебер туткан кижисый алар.

Комсомолецтер бойы-бойыларын соцморойго кычырыштылар. Кичемкей олардын бир озочыл болуп, мынайда айткан:

— Мен соцморойго киришип, окко нокорлоримди бу керекке кычырып турум...

Машиналар Кош-Агаш жаар киркирештилер. Чуйдын мыйрык-тейрик жолдоры, энчейишкен боомдоры Кичемкейди коркудып болбой тургылады. Жит шофер жалтанбаста, чыйрак-эпчил де болды. Ол бойына айдынатан:

— Бу мындый бурулчыктарга, кире чыгыш жолдорго, оосты ачай, темир аттын болот тискинин тын тудар керек, ол тушта бир де жеткер болбос.

Качан темир аттын ичи кызыл, жўрек согузы коптой бергенде, Кичемкей оны токтодып ийеле, чакпынду Чуйдан ба, кўркўреп жадар Айкулактан ба сабатка толтура суу экели, чыйрак бутту темир адын сугарып алатан.

— Тойо ичле... — тынду немеле эрмектешип тургандый, араай айдып туратан. — Болор дедин бе? Же, айдарда оной ары кондугерибис..

Ол оной ары бийик тууларды ажып, элбек жаландарды одўп, мантадат...

VII.

Кичемкей эмди трактла коп катап жўрди, темир жолго коп тўк, эт, тере жетирип, темир жолдон дезе, ойто колхозторго жўзин-жўур товарлар тартып жўрди. Амыр-энчу жўреле, ойто Куру-Кобыга жанып келеткенде, онын жўреги ырысту согулатан.

— Мен турген де, жеткер де жок жүрдим...

Же, кара костин ичине, изү жаш айланар да күндөр база болды. Бир катап, Монгол жеринен ойто жанып жадала, Буурел кырга чыгып келеткен. Кара-боро ады калганчы чыгышка жедип барадала, күчи жетпей барганын ол билип ийди. Кийин жанындагы колесолоры чинези жок, жаңыс жерде айланыжып тургылады. Машинанын жүреги кенетийин согулбай да, тирсилдебей де барды. Кичемкей кабинадан түже секиреле, адынын көксин ачты. Канчала бар үйе-сөөгин, узак, жазап аяктады. Онын көзи көлөткилей берди.

— Мындый неме, тун-түш машиналар чубажып жаткан Чуй трагында болгон болзо мындый узак турбас эдим. Коштой өткөн шоферлердин бир-бири, артыкту частытан бержикип, болужын берер эди. Мында отуруп нени эдер?

Айландыра көө кумак эл жадагай жерлер, көс жетпес буурелдү чөлдөр болды. Бир де айыл көрүнбейт.

Же, ой арай да өдүп турган болзо, күски күн манкан башту кырлардын бажын чийе базып мөңкү таш сойоктор ары жанына жажынар күүндү боло берди. Кичемкей тракттын эки учтары жаар кезе көрди—айса куу тоозынды бурладып автомобиль келер болор бо деп сананды. Же, эш неме жок...

Кара бозом жабылып келди. Көк тенериде жаркынду жылдыстар күйе берди. Сойоктор, бүүрелдер жоголо бергиледи. Тун туйказынан өңөлөп, жууктады.

Кичемкейдин санаазы, тенеридеги жылдыстардый ок жайыла берди. Оны ончозынан тын коркудуп турганы: бир де журт жок жерде отурганы болды. Түнде оны не сакып турганын кайдан билер? Кенетийин шокчылдар табарза? Ол тушта не болор?.. Автомобильде жаткан жөөжө—государствонун жөөжөзи. Ол отурарга жер тапай турды. Машинанын ключин он колына бектеп тудунды.

— Керде-марда кандый-кандый кижги табаргадый болзо, государствонун жөөжөзин жуу жоктон бербезим...

Ол машинанын үстине чыгала, жадып ийди. Кара-көк тенери түбин аяктап жатты. Жаркынду жылдыстар тенериде, казаннын түбинде арбадый жайыла берди.

— Бүгүн тенериде жылдыстар кандый көп! Байла тут болор. Же, Кичемкейдин бойынын бажындагы санаалары да ол жылдыстардан ас эмес болгон.

Ой көп лө өтти. Кичемкей уйуктабаска албаданза да уйкы оны женди. Кенетийин ключи колынан түжелеле, темирге табарып шыгырай берди. Шофер тап тура жүгүреле, темирдин сыныгын туткан бойынча, айландыра көрди.

Жаан саат жок, бырсып калган, сүгүнчизи жогынан тан

жарыды. Тракттын кажы да жанында, бир де машина көрүнбейт, тоозын да, ыш та көрүнбей туру.

Ырактагы ак башту кырдын ары жанынан күн, күлүм-зиренип, көдүрүлүп келди. Кичемкей аштап турганын билдинди. Онын кийининде эмди эле курсак жиир күүни келди. Айландыра азыйдагы ла бойы бир де неме жок.

Курукчыл сагыштар оны калтырада берди.

— Мында экинчи конокты канайып конорым? Кижилер тонойтондоры билип ийзе не болор?

Бу жерде суу да жок. Озогыда койоймдардын кожын тартып жүргөн улус сууны брезент каптарында алып жүрөтөн деп, Кичемкей көп катап угуп жүргөн. Же, Кичемкейге темир адыла суулу жерге жетире баратыны көп арткан эмес. Канайдар?

Эниргери Куру-Кобы жанынан, булдурланып өрө көдүрүлгөн тоозын көрүндү. Кичемкей сүгүне берди. Же жарым частын бажында жолло тоозынды өрө көдүргөн куйун өдө берди, чөлдөрдү ойто ок уур тымык жапшыра басып ийди.

Унчукпас машина, баатырдын минетен жаан сөөктү алы өлүп калган кеберлү көрүнөт. Лиит шофер канча да албаданза, керектү часть жогына машинанын жүрегин ойто ойгозор аргазы жок болды.

Күн базала сүүрү сойоктордын ары жанына жажынды. Тенерц калын булузга бөктөнүп ийди.

Кичемкей, аштап, кыйналып турган. Бастыра бойун, арыганынан улам, чойдый уур болды. Эрди кезилди, тили кургады. Радиаторды ачала, жыды коомой суула тамагын жибитти. Сырангай тыг аштап, жүзүн-базын сагыштар амыр бербей турганынан улам бажы да ооруй берди.

— Мен мында неге кыйналып отурум? Кош-Агашка жойу барза кайдар?..

Ол, курын бектеп курчанала, бөрүгүн жазап кийеле, басты. Же, беш-алты алтам базала, кенетийин оңун тонынан кем де туткандый, тура түшти. Ого кемнин де каарып айткан сөзи угулгандый болды:

«Акыр! Сен кайда барып жадын? Сени бу ишке комсомол көстөгөн эмес пе? Сен кандый да уур керектен жана баспазына олор бүтпей кайтты. Сен дезе“...»

Ол кенетийин ойто бурулган бойынча, машинага басып келди. Алдында сананган айас айдып турган сөзүн ойто ок айтты:

— Керде-марда шокчылдар келип табарза, государственнон жөөжөзюн, калганчы тамчы каным жоголгончо, корулаарым!

Мөнкү тайгадан түжүрө соок сокты. Кичемкей бу түн-

де амыр уйуктап болбоды. Күстин жыкпыгы тортло кадып калгандый, көстин ичине дезде, кумак уруп салгандый болды.

Экинчи күнде Кичемкей, колдо, бутта чинее жок, тортло мылтырай бергенин билинди.

Эки конок курсак жибеген керегинде, онын көзи де чокырланды. Ыракта турган кара-боро кырлар, буурелдер, эмди кызыл-сары, чоокыр көрүнөт.

Эки конок уйуктабаганы Кичемкейди тамла ныкып басты. Ого күн де сыранай узак билдирип турган. Ол эмди жерде чалкыйто жадып, койу жылдыстар көрүп жаткан, же онын көзине жылдыс та көрүнбөйт.

Түн ортодо оны уйку жеңди. Тан канайда аткан, күн качан өксөйлө оны макалу жылыдып ийгенин ол билбеди.

Кенетийин, машинанын жанында тын кыйгы угулды. Бу не болды? Кичемкей тап тура жүгүрди, колында дезде, ключин бектеп туткан, оныла кандый да өштүнүн бажын жара соготонунда аланзу жок, бек болды. Ол ненин учун калтыража бергенин бойы да билбей калды. Ол айландыра айкаптап турала, ого автобазанын комсомольский ячейканын катчызы жууктап келеткенин, көрүп ийди.

— Нөкөр Ваня!—Кичемкей, манзарып, тын кыйгырды.

Катчынын машиназынын кийининде база бир кезек автомобильдер эчий-течий турдылар. Шоферлер дезде, Кичемкей жаар жедерге мендешкилеп жат.

— Кайтты, не болды?

— Тын сынган ба?

— Бу жерде үч кондым...—Кичемкей эрмектенди.—Бир эмеш калаш та жок, бир уурт суу да жок. Слер, байла оны билеле, өнөтийин меге болужарга келгенигер?..

Морозов Ваня Кичемкейдин машиназын шиндеп көрө-ло, бойынын машиназынан керектү часть экелди. Сары азу сагалду, узун сынду шофер бир таарда калаш экелди.

— Же, тут ла, жаныс алган тарый көлтөн жибе, коомоң болор.

Жарым да час өтпөди, кара-боро аттын жүреги бир кемиле, жынкылдада согыла берди. Кичемкейдин де жүреги туйлап ок чыкты. Ол озо баштап катчыга жүгүрүп келеле, онын колын акту жүрегинен кезе тутты, онын кийининде кабинага отурган бойынча, тын айтты:

— Сенин, кулугурдын содуун үч конокко жакшы жеткен болбой? Эмди байла аткан октон түрген, айткан сөстөн чечен учар болбойын?! Же!..

VIII.

Өскөн жеринен Сондобсовтын багынынан бери бир жылдан ашты.

Жаландар бойларынын кийинген, жазалду агас тондорунь база катап чечип ийдилер. Кыралар ойто ок жажыл торко тон кийип жүзүн чечектерле чүмденип жада бергиледи. Түргөн суулардын эрмектери иле угулат. Жайдын куштары жараш кожондорун чөйдилер.

Кичемкей бойынын темир адыла Чуй трагыла өрө-төмөн, Јаш-Тура да Кош-Агаштын ортозында канча мун тонн кош тарткан!

Ол айылынан письмолорды көп алып турган, је бойы ас бичип турды, —өй једишпей турган. Ол айылдап келбей јат деп, энези оны көп катап каарып турган. Кичемкей аймактан онын колхозына јетире телефоннын эмиги өткөн деп, угала, оны көрөргө мендеди.

Карыган кижинин таныш үни угулды. Ол Иркут болгон. Олор экү бойы-бойларын танышкылады. Кичемкей энезин барып айтсын деп, оны сурады.

Унчулай бир канча эрмектежип те турза, уулыла эрмектежип турганына чатла бүтпей турды. Ол јус бежен километр јерден кижинин үнин онойып јарт угужар ба. Качан уулы калганчы түндеги куучынды, бир аяак койу чайдынчкенин, онын кийининде канайда јакшылажып атанганын айткан сомында, Унчулай уулынын тыныжын танып, јүрегинин согулуп турганын угуп, уулы чинла онын јанында турганын јарт билди.

—Сен меге качан айылдап келетен кижн болдын?—ол сурады, је чыдажып болбой каарып айтты: Карыган эненди бош ундудын...

Бир канча недеде өтті. Кийинде Москвага да Ленинградка экскурсияга баратан путёвкала сый алды. Кичемкей путёвканы алала, ол айылында бир јылдан ажыра өйдин туркунына болбогонинын, карыган энезин де көрөргө керектү өди... деп, айдынды. Ол эрмегин начальник угала ого айтты:

—Эртен Нюся Чистякованы Јаш-Турага кош тартарга ийип јаднбыс. Сени колхозына јетирип койзын деп, мен ого айдарым.

Эртен тура беш часта Нюсянын машиназы Јаш-Тура јар бурулын ийди. Бу өйдө—рульда Кичемкей отурды. Ого коштой дезе, Анна Васильевна отурды.

—Сен ырысту, Кичемкей!—кыс эрмектенди.—Удабас Кызыл Столицаны көрөрин. Ленинградты көрөрин. Музейдерге јүрерин. Москвада болор тушта автозаводко барып көрөрин, ундуба.

—Сен, Нюся, база ырысту.—Кичемкей айтты.—Ўренерге барарын.

—Сен оны кайдан билген?

—Начальник бойы айткан. А сен не керек меге айтпаса сананган. Оны тегинде чала байландын ошкош... Мен база үренерге суранарым.

Машина Урсулдын көс жетпес элбек жаландарыла шургуу браатты. Телеграфтын столмолору, тескери, эчий-течий учкулайт.

Барар жолдын алдында Кастактудын деревнези көрүнөт, онын ары жанында Бешпек де Садактунун ортозындагы, таныш сүүри башту, сойоктор көрүнөт. Кичемкей бада тужын өткүргөн жери ондо болгон. Ондо ол өдүк жок, курсактан аштап жүрүп, Манжы байдын койлорун кабырган. Ол одурак жолдорло, бойынын айрылышпас, жеерен адыла көп жүргөн. Эмди ол ок жолдорыла темир атту, куштый барып жат.

Өзөктин мее жанынча колхозчылардын айылдары тургылады. Ондо жаткан улустары, башка, таныш эмес табышты угала, айылдарынан чыгып машинага удурд жүргүргиледи. Ыраактагы айылдардан таң атту улустар база удурмантаттылар.

Кичемкей автомобильди айылынын жанына токтотты. Чагыда турган жеерен ат, темир аттан коркуган бойынча, чылыбырын үзе тартала, кыр жаар ойлой берди. Кичемкейдин энези жеерен аттын кырды өрө мантап жатканын көрөлө атты үркүткөн кижинин бажы-көзүн жара согорго белең болды.

Нюся кабинадан чыкты. Онын кийининен Кичемкей секирип ийди. Олор экү айыл жаар баскылады.

—Жакшы ба, энем!

Сүрүк пальтоду, жаңы сапогту, шлём бөрүктү жинт уул, Унчулайга жууктап келип, колын сунды.

Энези уулын таныды. Ол сүрекей тың сүгүнгенинен, чырыш жаагына көстин жажы жолдоло берди. Ол жалбак курдын учыла жажын арча тартала, сурады:

— Айдарда, сенин адын мындай ба, уулым?

—Менин адым Куру-Кобыда арткан, мынызы нөкөр Чистякованын ады. —Кичемкей, Нюся жаар көрөлө, энезине айтты.

Кичемкейди кичүден ала кожо өскөн нажылары кандый жатканын, канайда иштеп турганын, үредүни, канайда божотконун сурагылап, анказын аскырып ийдилер. Бир канча жаш келиндер, бойго жеткен кыстар, бойы бойлорынын кулактарына шыбыштаныжып, Нюся Чистяковадан көзүн алгылабай тургылады. Бу, байла, Кичемкейдин алган үйи болбой кайсын?

Машинанын жанында школа балдары турдылар. Олордон ары, тайактарына шиденген карыгандар, олардын кийин жанында--эмчек балалу келиндер балдарын кучактаган-

ча, тургылады. Кичемкей арайданда, машиназына өдүп жеделе, сигналдын кнопказын базып ийди. Ичкери энчейижип келген улустар ончозы кайра болдылар. Бойы-бойлорун тепсей базыжып, кыйгырыштылар:

— Ой! Ой! Мынызы канайып барды?

Кезик эр улустар, араай тескерлеп, шоферден кокыр айасту сурап тургылады:

— Кичемкей! Адынды база эмеш киштедип ийзен.

Же, саат болбой, улустар, ойто ок машинаны, мөдкө жуулган адарулар чылап, курчай турала, Кичемкейден сурагылап турдылар:

— Атанып барганда кажы тужына минип жадын? Ээрин кайда?

— А тискини кайда? Сен оны канайда токтодып жадын?

Жууктаарга жаалтанып тургылагандый, эмеш ыраакта, бир кезек ийит уулдар турды. Олор Кичемкейле эзендешпей, машинага жууктабай тургылады. Олор Кичемкейден жалтанып турган. Ол мындый тын сураза не болор:

— А слердин темир аттарыгар кайда? Курстан ненин учун качтыгар? Куру-Кобыдан качып келеле, кандый тузалу неме будурдигер?

Нюся шоферге жууктай базып келди.

— Же, Кичемкей, темир аттын чыйрагын колхозчыларга көргүзип берзен.

Эркемей ле Иркит эки карыган жарыш сурап тургылады:

— Бисти адына миндирип, жортырган, Кичемкей! Озогы тушта бис байлардын эмдик аттарын үредип туратаныбыс... Билерин бе? Олор бисти ол тушта не аайлу бертиндирген... Же, адына ачынбай, бисти эмеш миндирзен...

— Отуругар, нөкөрлөр!—Кичемкей тын айтты—Эне, слер бу мында отуругар...

— Эйт!—Эйт, сен нени айдазын, уулым!—энези онтойло, берди.—Менин бажым айланып жат... Мен отуруп болбозым...

Же, онын мойножын бир де кижин укпады. Карыган эменди колхозчылар, колтыгынан туткан бойынча, автомом ильге отургызып ийдилер. Бу тушта онын санаазына киргени озогы кеп сөс болды: „Аттан жыгылган, жалы төжөк болор, уйдан жыгылган—мүүзи төжөк болор“.

Була тушта, чала коркуп, уулынан сурады:

— Бу аттан жыгылган, төжөгүн не болор?

Кырыган Иркит бойында сананды: „Колхозчылар бир тушта сууны алтын аяктан ичип турар деп, жаан улустар чын айткан. Ол ой келер! Мен темир атка мингеним жарт болды!“

Кичемкей, бойының төрөл колхозында эңирге жетире айылдап алып, машинага келеле, шофердин жерине отура-ла, моторды танкылдадып ийди. Нюся онын он жанына отурды.

Машина күркүреген бойынча, жылу күнге сүгүнип, кү-лүмзиренип турган кырларга удур, ак кеен жалаңла шур-гуп мантады.

Тан атту улустар оларды кожонло, сүгүнген кыйгыла, ойып-жыргалла үйдештилер. Кезиктери, кийиннен ары, бой-лорынын жүгүрүктөрүн тышыда мантадып, ого жежерге санангандар, же ол сагышка бирүзи де жединип болбоды.

Ответственный редактор *В. С. Кыпчаков*.

АН 18715 Сдано в набор 12/II-1945 г. Подписано к печати 20/VII-1945
ЧБ ём 7,5. печатно-... листа Учётно-авторский листовой 7,15. Формат 6X9,
болж 3000

Издательство.